

سموئيل رو پيرهيون ڪتاب

سموئيل رو زلم

1 اِفرائيم را ڏونگرڙا علاقا را شهر رامه ۾ اِفرائيم را قبلا ۾ صوف نومي گهراڻا رو هيڪ آدمي هتو، جيا رو نوم القانه هتو. القانه يروحام رو ڏيڪرو هتو، يروحام اليهو رو، اليهو توخو رو ان توخو صوف رو ڏيڪرو هتو. ² اوتا ري بي ڏوشي هتي. هيڪي رو نوم حنه ان پيري رو نوم فننه هتو. فننه رنه اولاد هتي پڻ حنه رنه ڪوئي اولاد نئي. ³ اي آدمي آپرا شهر ٿي هر سال ڪراوون پرميشور رني پگڙي ڪريا هارو ان پرميشور را نوم مانه مال ساڙيا هارو سيللا نومي شهر ۾ زاتو. اوتنه ايشور را تنبو ۾ پوزاري عيلي را بي ڏيڪرا حفني ان فيحاس پرميشور را پوزاري هتا. ⁴ زئيون القانه پرميشور را نوم مانه مال ساڙتو تنبون او سڙاول مونھ موئين ٿي آپري ڏوشي فننه ان اوتا رون ٻڌون ڏيڪرون ان ڏيڪريون ننه حصو ڏيتو. ⁵ پڻ حنه ننه پيڻو حصو ڏيتو ڪم تون او حنه ٿي گهڻو پريم ڪرتو ان پرميشور اوتا ننه وونزئي راکي ٿي. ⁶ ڪم تون پرميشور اوتا ننه وونزئي راکي ٿي تيام اوتا رني هوڪ اوتا ننه ڏک ڏيڏا هارو ميڻا ڏيتي. ⁷ هر سال زئيون پڻ او پرميشور را تنبو هوما زاتا تون امروم ٿيتو. ڪم تون فننه حنه ننه ميڻا ڏيتي تيام او روتي ان روتي پڻ نه ڪاتي. ⁸ تيام حنه رنه آدمي القانه ڪيڏو: ”حنه تون ڪم روئو ان ڪم روتي نتي ڪاتي ان ٿارا من ۾ ڪم ڏک سئ؟ ڪي هون تون هارو ڏه ڏيڪرون ٿي وڌارن نتي؟“ ⁹ هيڪ وار او هر سال را زم سيللا شهر ۾ زائين پرميشور را نوم مانه مال ساڙيو ان پرميشور را تنبو ڪن کاڌو پيڏو. تيا ڪيڙ حنه اونهن اويي. اوتنه توتنه پوزاري عيلي پرميشور را تنبو را مونگيڙا ڪن ڪڙسي مانه پيڻو تو. ¹⁰ حنه الهائي ڏکي هتي. تيام

اُ پرمیشور ٿي پرائتا ڪروا رئي ان الهائي رِوا مڌي. ¹¹ اُوئه پرميشور ٿي ام پاسئي ڪري: ”او ڪراوون پرميشور، جي تم ڇڏي پوني ري ڏوروڻ مانھ ڏيئا رئي نظر ڪرو ان مون نئه ياد ڪرو ان آڀري پوني نئه ڀولي نه زائو ان آڀري پوني نئه ڏيڪرو ڏيو تون هون اُوئا نئه ٻڌي حياتي هُڏي پرميشور هارو ڏيهه پرو ان اُوئا را مٿوٽا ڪڍي نئين ڪتراوا ڏيون.“

¹² زئيون اُو پرميشور هومئي پرائتا ڪرتي ٿي تئيون پوزاري عيلي اُوئا را موندا هومو زوئي ريو تو. ¹³ ان حنه من ئي من ۾ ڪيتيت رئي. رُوگا اُوئا را هوٺ هورتات ربا پڻ اُوئا رو هاڏ نٿو همپواتو. تيام عيلي ويچارو جي اُو نشا ۾ سئ. ¹⁴ تئيون عيلي اُوئا نئه ڪڍو: ”تون ڪتيڪ وار نشا ۾ ريه؟ ڏارو پيو ساڌي ڏئه!“

¹⁵ حنه وڙندي ڏيئي: ”نا، او مارا مالڪ، هون تون ڏکي ڏوشي سون. مئين نڪو ڌراڪ رس پڌو نڪو ڏارو پڌو پڻ پرميشور نئه آڀرا من را ڏک همپراونھ رئي. ¹⁶ تم آڀري پوني نئه ڪراڀ ڏوشي مت هُڙمو! هون تون الاهي ڏکون ان ڳڻيون ري ڪري اتي وار هُڏي پرائتا ڪرتي رئي.“

¹⁷ تئيون عيلي وڙندي ڏيئي: ”تون ڪير ٿي زا! اسرائيلي قوم رو ايشور ٿاري منت پوري ڪشي جي تئين اُوئا ٿي مونڱيھ.“

¹⁸ تون اُوئه ڪڍو: ”تماري پوني مانھ تماري ڏيئا رئي نظر هوءُ!“ تئيون اُو ڏوشي ڳئي پري ان روئي ڪاڌي ان پسئ وڙي ڏکي نه رئي.

¹⁹ پڙئ ڏي القانه ان اُوئا را گهر را ٻڌائي پاتي هوار را ويلا اُونيا ان پرميشور هومئي نمڻ ڪرين رامه شهر ۾ آڀري گهري پاسا ڳيا پرا. القانه آڀري ڏوشي حنه ڪن ڳيو ان پرميشور اُوئا رئي هومپري. ²⁰ پسئ ام ٿيو جي حنه پاري پڳ ٿي ان اُوئا رئه ڏيڪرو

ڏاڏيو ٿيو تون حنه ام ڪڍڻو: ”مئين ايٺا ٻار نٿه پرميشور ٿي مونگين لڍڻو.“ پسنه اوتڻا ٻار رو نوم سموئيل راڪيو، جيا رو مطلب سنه، ”پرميشور هومپرڻه.“

حنه سموئيل نٿه ايشور هارو ڏٺه پرو

²¹ تيا ڪيڙ القانه آپري ٻڌي اڪائي پڙو هر سال را زم پرميشور را نوم مانه مال سڙايا هارو ان آپري پاسڻي پوري ڪريا هارو ڳيو ²² پڻ حنه نه ڳئي. اوتڻه آپرا آڏمي نٿه ڪڍڻو: ”زئون سوڪرو ڏوڏ ساڌي ڏيشي تئيون هون اوتڻا نٿه پرميشور هومو لي زائيه زم او هميش اوتڻه رڻه.“

²³ اوتڻا رڻه آڏمي القانه اوتڻا نٿه ڪڍڻو: ”زم تون نٿه نائوڪو لاڳهه هم ڪر. زئون هودِي ايٺا رو ڏوڏ نه سڏاوتڻه تئيون هودِي ترسي رڻه. روڳو ام تڻه جي پرميشور آپرا وسن مانه اوپو رڻه.“

تيام او ڏوشي گهري رڻي ان آپرا ڏيڪرا رڻي تئيون هودِي همپار ڪرتي رڻي زئون هودِي اوتڻه ڏاوو نه ساڌيو.

²⁴ زئون اوتڻا رو ڏوڏ سڏايو تئيون اوتڻه ٻائي آپرا ڏيڪرا نٿه پڙو لڍڻو ان ترڻ سال را ترڻ واسڙا، اڌ مڻ آتو ان ڌراڪ رس رڻي هيڪ هنڌاري آپ پڙي لي ڳئي ان آپرا ڏيڪرا نٿه سيل شهر ۾ پرميشور ري گهري لي آوي. او سوڪرو هزون نونو هتو. ²⁵ اوتڻه پوڳين واسڙا نٿه ايشور را نوم مانه سڙايو، ان سوڪرا نٿه پوزاري عيلي ڪن تيڙي ڳئي. ²⁶ تئيون پوزاري ڪڍڻو: ”او مارا مالڪ، تمارو هون، هون او ڏوشي سون جيئنه تمون ڪن ايئنه اوپين پرميشور ٿي پراٽنا ڪري تڻي. ²⁷ مئين ايٺا سوڪرا هارو پراٽنا ڪري تڻي ان پرميشور مارئي منت پوري ڪري جي مئين اوتڻا ٿي مونگي تڻي. ²⁸ ان تيام مئين پڻ ايٺا نٿه پرميشور نٿه ڏيڏو پرو. ايٺا رڻي حياتي پرميشور هارو سنه.“

تئيون سوڪرڻه اوتڻه پرميشور نٿه نمڻ ڪري.

حنہ رڻي پراٿنا

2 حنہ ام پراٿنا ڪرڻي:

”مارو من پرميشور ۾ مگهن سٺ،

پرميشور مارو مون وڌاريوھ۔

هون مارون دشمنون هومئي ٻولي هيڪونھ

ڪم تون تماري ڏيڏل مڳتي ٿي هون ڪش سون۔

2 پرميشور جيوو پويتر پيزو ڪوئي نٿي،

امارو ايشور ڏونگر جيوئي ڏي سٺ،

اوتڻا جيوو پيزو ڪوئي نٿي۔

3 هم وڌائي ۾ مت ٻولو

تمي موٽي موٽي واتون مت ڪرو

ڪم تون پرميشور هر وات زوٽيا وازو

ان ڪرمون رو حساب راڪيا وازو ايشور سٺ۔

4 جنگي جوڌون را ڏنوڙ ٿوتي ڳيا

پڻ جيا هيٺا هتا اوئي سنڌرو ٻونڌيو۔

5 او جيا ڌراپل هتا روتي هارو مڙور ٿيا

ان جيا پوکا هتا او پوکا نه ربا۔

جيئي وونڙئي هتئي اوٽا را هات ٿيا

ان جيا را گهٽا ٻار هتا او ڳرتئي زائھ۔

6 پرميشور مارھ ان جيواڙھ

او ئي مقوم موئين اوتارھ ان او ئي ٻارا ڪاڍھ۔

7 پرمیشور ئي گُربَت دئھ ان دَن دولت دئھ.

اُو ئي پاڙئھ ان اُو ئي مونَ دئھ.

8 اُو گُربَب نئھ ماتي تِي اُونائين اُوپاڙئھ

ان ڪنگال نئھ اُوڪرڙا تِي ٻارو ڪاڏئھ،

زم اُوئون نئھ ڪُونئرون پيڙو بيهارئھ

ان مونواڙي گهاڙي را دڻي ناوئھ.

ڪم تون زمي ري پُنيادون پرميشور ري سئھ

ان اُوئھ دُنيا نئھ اُوئون مانھ اُوپاڙئي.

9 اُو آپرون هاسون شيواڌاريون راکيا وازون رئي وک وک مانھ رکواڙئي ڪرشي

پڻ پُونڌا اندارا ۾ ماڻ تِي زاشي

ڪم تون ڪوئي آپرا ٻڙ تِي جيتي نڻي هيڪتو.

10 جيا پرميشور تِي جهگڙو ڪرئھ اُو تڪرا تڪرا تِي زاشي.

ايشور اُوئون رئھ ڪلاڦ آڪاش ۾ ڳازشي.

پرميشور ڌرتي را چيڙا هُوڌي نيا ڪرشي.

اُو آپرا پاڌشا نئھ ٻڙ ديشي

ان آپرا سُونڊل رازا رو مونَ وڌاوشي.

11 اُوئا ڪيڙ القانه رامھ هومو آپري گھري گيو پرو پڻ اُو سوڪرو پُوزاري عيلي هومو

پرميشور رئي شيوا ڪروا مڌيو.

عيلي رون ڏيڪرون رو ڏوھ

12 عيلي را ڏيڪرا الاهي پُونڌا هتا. اُوئي پرميشور رو مونَ نہ راکيو. 13 اُوئھ توئھ

پُوزاريون رو رواز هتو جي زئيون ڪوئي آدمي ايشور را نوم مانھ مال سڙاوين ڏُونپ ڪرتو

تعيون مونه ننه روندیا رنه توتنه پوزاري رو شيواداري ترڅ ډونتا رو کړسو لين¹⁴ کړايا، ډيگږي، هندي، کا هنډا موئين نوکتو ان زتو مونه اوئا موئين قاتتو اتو پوزاري هارو ليتو رو. ان او سيللا م آيا وازون ټډون اسرائيليون ټي همروم کړتا.¹⁵ پښ ايئون پوزاريون رو ډيئون م ډونپ مانه چرپي ټيا ټي پيرهين پوزاري رو شيواداري آوتو ان اوئا ډونپ کرايا وازا آدمي ننه کيتو: 'پوزاري ننه شيکيا هارو مونه ډنه کم تون او روندل مون نئين لئه او تون ټي کورو مونه ليشي.'

¹⁶ جي او آدمي اي کيتو: 'پيرهين چرپي ټيا ډنه پسته پلنه زتو تارو من کړه لي رو.' تعيون اوئا ننه وړندتي ډيتو: 'نا، تون مون ننه همته ډنه، نکا هون کوهين لي زايه.'

¹⁷ هونه اوئون رو ډوه پرميشور هومو الهائي موتو هتو کم تون منک پرميشور را نوم مانه مال سزايا ټي نقرت کړوا مډيا.

سموئيل ايشور را گهر م

¹⁸ هونه او نونو سوکرو سموئيل هوتري ټي ناوړل پوزاري رو ويس افود پيرين پرميشور هومو شيوا رو کوم کړتو.¹⁹ اوئا رني مان هر سال زئين اپرا آدمي پيرني پرميشور را نوم مانه مال سزاوين ډونپ کړوا آوتني تعيون سموئيل هارو هيک ننکو سوتي گهنگهو شيوين لاوتني.²⁰ هر سال عيلي القانه ان اوئا ري ډوشي ننه آشيروا ډين کيتو: "پرميشور ايئا بائي ننه ايئا ډيکرا رنه ډدلنه پيزا اولاد ډنه، جيا ننه ايئه پرميشور ټي مونگين ليدو تو ان وزي اوئا ننه پرميشور هارو ډيدو پرو." پسته او اپري گهري زاتا پرا.

²¹ پرميشور حنه ننه آشيروا ډيدني ان او پاري پگ ټيتي ان ام اوئا را ترڅ ډيکرا ان بي ډيکري ټي. او سوکرو سموئيل پرميشور هومو موتو ټيتو گيو.

عيلي آڀرون ڏيکرون نٽه ڪپرڌار ڪرڻه

²² عيلي الاهي گهرڍو ٿي ڳيو تو ان اُوڻه ٻڌو ڪئين هومپرو جي اُوڻا را ڏيکرا ٻڌون اسرائيليون ٿي ڪي ڪرڻه ربا. اُوڻا را ڏيکرا اُوڻون ڏوشيون ٿي پُونڌو ڪوم ڪرتا جي پَوِتر تنبو را مونگيڙا مانه شيوا رو ڪوم ڪرتي. ²³ تيام عيلي آڀرون ڏيکرون نٽه ڪيڌو: ”هُون تمارون پُونڌون ڪومون را پارام ٻڌون منڪون ٿي هومپرونه. تمي هيو ڪوم ڪم ڪروھ؟ ²⁴ مارون ڏيکرون، جي واتون تمارا پارام پرميشور رون منڪون م ٿئھ ري، اُو نائوڪي نٿي. ²⁵ جي ڪوئي منڪ ڪياڪ پيزا رو ڏوھ ڪرڻه تون ايشور اُوڻا رو نيا ڪرشي. پڻ جي ڪوئي منڪ پرميشور رو ڏوھ ڪرڻه تون اُوڻا رو نيا ڪوڻ ڪرشي؟“

پڻ عيلي ري ڏيکري آڀرا ٻاپ رو ڪيڌو نه مونيو ڪم تون پرميشور اُوڻون نٽه ماروا ڪرتو تو.

²⁶ هَوڻه اُو سوڪرو سموئيل موتو ٿيتو ڳيو. پرميشور ان منڪ اُوڻا ٿي ڪش هتا.

عيلي ري اڪائي رڻه ڪلاڦ اڳم ووڻي

²⁷ تئيون ايشور رو هيڪ سنت عيلي ڪن آيو ان اُوڻا ٿي ڪيڌو: ”پرميشور ام ڪڻھ جي، ’ياد راک! زئيون تارا ڏاڏا هارون رئي اڪائي مصر مُلڪ م فرعون پادشا ري اڪائي رئي ڳلوم هتئي تئيون مئين اُوڻون نٽه ڏيڪارو نتو ڏيڌو؟ ²⁸ مئين اسرائيلي قوم رون ٻڌون قپيلون موئين ٿي اُوڻا نٽه سُونڊيو جي اُو ان اُوڻا رو وستار مارا پوزاري ٿئھ ان مال ساڙيا ري ويڏي مانھ مال رو ڏونپ ساڙئھ، لوپون رو ڏونپ ڪرڻه ان مُڪ پوزاري رو ڪاس ويسڪوت پيرين پَوِتر پُڪا نوڪين ماري مرضي رئي ڪپر پاڙئھ. زتي کاڏا واري شينھون اسرائيلي قوم را منڪ مارا نوم مانھ سڙاوئھ، اُوڻون موئين ٿي ڪاس حصو مئين تارا ڏاڏا ري اڪائي نٽه کاڏا هارو ڏيڌو. ²⁹ تمي ڪم مارا نوم مانھ سڙاول مال نٽه ان ڏون نٽه لات هڻو جيون نٽه مئين آڀرا گهر موئين اوڻيا رو حُڪم ڏيڌوھ؟ تُون مُون ٿي گهڻو آڀرون ڏيکرون نٽه مون

ڏٺو ان ماري قوم اسرائيل را سڙاول مال موئين ٿي ٻڌون ٿي ناٿوڪو مونھ ڪائين آپ متارا ٿيوھ.³⁰ تيام پرميشور اسرائيلي قوم رو ايشور ڪئھ: 'مئين تون ام ڪيدو تو، تارو گھر ان تارا ڏاڏا رو گھر هميش مون هومو پوزاري ريشي. پڻ هونھ پرميشور ڪئھ، هون هم نئين ڪرون، ڪم تون جيو مارو مون راکئھ هون اوٽا رو مون راکيھ ان جيو مون نئھ گھت هَرمئھ هون اوٽا نئھ گھت ڪريھ.³¹ زوئو! او ڏي آيا واڙا سئھ زئون هون تارو ان تارا ڏاڏا را گھر رو پڻ ڪتم ڪريھ پرو ان تارا گھر ۾ ڪوئي پڻ موتي زمار رو منڪ نئين ٿئھ.³² ٻڌو اسرائيل ڪش حال هوشي پڻ مارا گھر ۾ هوتون تون ڏک پاڙيھ ان تارا گھر ۾ ڪوئي پڻ موتي عمر رو نئين ٿئھ.³³ هون مال ساڙيا ري ويڏي مانھ ڪوم ڪريا واڙون موئين ٿي ڪياڪ هيڪا نئھ جيتو ساڏيھ ان او تون نئھ ڏک ڏيڏا هارو ان تون نئھ اونڌو ڪريا هارو ريشي ان تارو آيا واڙو وستار پري جوپڻ ۾ مري زاشي.³⁴ جئين ڪئين تارون پيئون ڏيڪرون حُفني ان فيحاس ٿي ٿيشي، او ئي تون هارو نيشون هوشي. او پي ئي هيڪئھ ڏي مري زاشي.³⁵ ان هون آپ هارو هيڪ هاسو پوزاري راکيھ جيو ٻڌوئي ڪئين ماري مرضي ان سوچ پرموئھ ڪرشي ان هون ضرور اوٽا رئي اڪائي قائم راکيھ، ان او هميش مارا سونڊل پادشاھ آڳڙ آڳڙ ويشي.³⁶ ان ام ٿيشي جي هر او آدمي جيو تارا گھر ۾ پچشي او چونڊي را هيڪا سڪا هارو ان روٽي ري ٽڪري هارو اوٽا نئھ پڳي پڙين ام ڪيشي: ”پوزاري رو ڪوئي ڪوم مون نئھ ڏيو تون هون روٽي رئي ٽڪري ڪائي هيڪونھ.“

پرميشور سموئيل نئھ ڏرشن ڏئھ

3 او سوڪرو سموئيل عيلي هومو پرميشور رئي شيوا رو ڪوم ڪرتو. اوئون ڏيئون ۾ پرميشور را پاها ٿي ووٽي گھت هومپريام اوٽي ان او گھڻي وار ڏرشن پڻ نه ڏيتو.

² عيلي رئي نظر گھت ٿيتي تي، تيام او ڪئين نه پاڙتو. اوئھ توئھ ام ٿيو جي هيڪ ^a 2:35 سونڊل پادشا عبراني ٻولي ۾ اصلي وين رو جڙ سئھ مسح، جيا رو مطلب سئھ تيل هئو. اوٽا وڪت ۾ منڪ تيل هئين پادشا ناوٽا.

رات عیلي آڀرا ماڳ مانھ ھوتو پڙيو تو۔³ ان پرمیشور را تنہو ۾، جيا موئين ایشور رئي پيتئي راکل هئي اوتھ سموئيل ھوتو تو۔ ھزون ھوڏي ایشور را تنہو ۾ ڏيوو نتو اوزموٽو۔⁴ تئيون پرمیشور سموئيل نٺ ھاڏ ڏيتو ان اوتھ جواپ ڏيتو: ”ھون حاضر سون۔“⁵ ان او ڀاڳين عیلي ڪن ڳيو ان اوٺا نٺ ڪيتو: ”تمي مون نٺ ھاڏ ڪريو ان ھون حاضر سون۔“ اوتھ ڪيتو: ”مئين تون نٺ نٽي ھاڏ ڪريو۔ ڙا، زائين ھوئي رٺ!“ ان او زائين ھوئي ريو۔⁶ پرمیشور وڙي ھاڏ ڏيتو: ”او سموئيل!“ تئيون سموئيل اونين عیلي ڪن ڳيو ان ڪيتو: ”تمي مون نٺ ھاڏ ڏيتو ان ھون حاضر سون۔“ اوتھ ڪيتو: ”او مارا ڏيڪرا! مئين تون نٺ نٽي ھاڏ ڏيتو۔ ڙا! زائين ھوئي رٺ!“⁷ سموئيل ھزون ھوڏي پرمیشور نٺ نتو اوڙکيو ان نڪو ڪيڏي پرمیشور رئي ووٽئي ھومپڙئي تئي۔

⁸ پسئہ ترٽمي وار پرمیشور سموئيل نٺ ھاڏ پاڙيو ان او اونين عیلي ڪن ڳيو ان اوٺا نٺ ڪيتو: ”تمي مون نٺ ھاڏ ڏيتو، ان ھون حاضر سون۔“ تئيون عیلي نٺ ڪبر پڙي ڳئي جي پرمیشور ايٺا سوڪرا نٺ ھاڏ پاڙيو۔⁹ تيام عیلي سموئيل نٺ ڪيتو: ”ڙا، زائين ھوئي رٺ! ان جي او تون نٺ ھاڏ ڏٺ تون ڪي، او پرمیشور، حڪم ڪرو ڪم تون تمارو شيواڌاري ھومپڙھ ريو۔“ تيام سموئيل زائين آڀرا ماڳ مانھ ھوئي ريو۔

¹⁰ تئيون پرمیشور آوين اوڀو ان پيرھين را زم ھاڏ پاڙيو: ”سموئيل، او سموئيل!“

سموئيل ڪيتو: ”حڪم ڪرو ڪم تون تمارو شيواڌاري ھومپڙھ ريو۔“

¹¹ پرمیشور سموئيل نٺ ڪيتو: ”زوٽو، ھون اسرائيلي قوم ۾ ايوو ڪوم ڪريا وازو سون جيا ٿي ھر ھومپڙيا وازا را ڪون اوڀا ٿي زاشي۔“¹² اوتھ ڏي ھون عیلي مانھ ٻڌوئي ڪئين جيو مئين اوٺا را گھر را پارام ڪيتو تو، شروع ٿي لين آکر ھوڏي پورو ڪريھ۔¹³ مئين اوٺا نٺ ھمپڙايوھ پرو جي ھون اوٺا پونڌائي ري ڪري جيا رئي اوٺا نٺ ڪبر سٺ اوٺا ري اڪائي ھارو ھميش ري سزا رو ڦينصلو ڪريھ، ڪم تون اوٺا ري ڏيڪري آپ مانھ

مُصِيبَتِ اوڻِي ان اُوڻه اُوئون نئه نا نه پاڙيو. ¹⁴ تيام عيلي را گهر را پارام مئين هون کاڌو جي، 'عيلي ري اڪائي ري پوندائي ري ماقئي نئين زڙهه، نڪو تون ڪوئي مال ساڙبا ٿي زڙشي نڪو ڪوئي ڏونپ ٿي ان نڪو وڙي ڪيا ٿي ڏون ٿي.' "

¹⁵ پسئ سموئيل هوار هُوڌي هُوٽو ريو ان اُوڻا ڪيڙ اُوڻه پرميشور را گهر را ڌر ڪوليا. پڻ سموئيل عيلي نئه هائي ڌرشن واري واتون همپڙايا ٿي پيئو. ¹⁶ تئيون عيلي سموئيل نئه هاڏ ڪرين ڪيڏو: "او مارا ڏيڪرا سموئيل!" اُوڻه ڪيڏو: "هُون حاضر سون." ¹⁷ تئيون عيلي پونسو: "ايشور تون نئه ڪي ڪيڏو؟ او مون ٿي مت هٽاڙ! جي تون اُوئون واتون موئين ٿي جي ايشور تون ٿي ڪري ڪئين هٽاڙيه تون ايشور تون نئه هيا رئي سزا ڏئه، پلئ ڪٽي پڻ ڏورئي سزا هوه!" ¹⁸ تئيون سموئيل اُوڻا نئه ٻڌوي ڪئين همپڙايو ان اُوڻا ٿي ڪئين نئه هٽاڙيو. تئيون عيلي ڪيڏو: "او پرميشور سئ. جيو اُوڻا نئه ٺيڪ لاڳئه هم ڪرئ." "

¹⁹ سموئيل موٽو ٿيتو ڳيو ان پرميشور اُوڻا پيڙو هتو تيام سموئيل رئي ڪوئي وات اڏورئي ريو نه ڏيتو. ²⁰ اوتراڌليا شهر دان ٿي لين ڏڪاڌليا شهر بيرسبع هُوڌي اسرائيلي قوم ري ٻڌي منڪي اوڙڪي ليدو جي سموئيل پرميشور رو نياپو ڏينار سئ. ²¹ پسئ پرميشور سيللا ۾ ڏيڪاڙو ڏيتو ريو. اُوڻه پرميشور اُوڻا نئه آڀري وئي همپڙاوتو ريو ان هم ڪرين سموئيل مانه ساوو ٿيتو.

4 ان پسئ سموئيل ايشور رو نياپو پوري اسرائيلي قوم نئه همپڙاوتو ريتو.

وسن رئي پيئي ڪوهرائي زائھ

اسرائيلي فلسطينون ٿي وڊوا نيهربا ان اوئي ابن عزر نومي ماڳ ڪن تنبو ڪوڙيا ان فلسطيني افيق شهر ڪن تنبو ڪوڙيا. ² ان فلسطي اسرائيليون ٿي وڊيا هارو ڪتار ٿي اويا. زئيون اوئي هڪا پڙا ٿي جنگ ڪري تئيون اسرائيلي فلسطينون ٿي هاري ڳيا ان اُوئون ري

ڦوج موئين ٿي چارڪ هزار منڪ ميٽون ۾ مرائي ڳيا. ³ ان زئيون پڇل منڪ پاسا تنهونون ۾ آيا تنهون اسرائيلِي قوم ري موتي اڳيونِي ڪيڏو: ”آز پرميشور آيون نه فلسطينيون ٿي ڪم هراياھ؟ ليو! آبي پرميشور را وسن رئي پيتي سيلا شهر را مندر ٿي ايتنه لي آوون زم او آيون وسا هون ان آيون نه اپنا دشمنون ٿي پڇاونه.“ ⁴ تيام اوئي سيلا ۾ منڪ ميليا ان او اوتون وسن رئي پيتي لي آيا جيا مانھ هيم رون بيئون پاهرو ڏيڏا وازون ڏوتون وسا ڪراوون پرميشور رو واهو هتو. عيلي را بي ئي ڏيڪرا حُفني ان فيحاس ايشور را وسن ري پيتي پيرا آيا.

⁵ زئيون پرميشور را وسن رئي پيتي تنهونون ۾ اوئي تنهون اسرائيلِي زور زور ٿي ايو نارا هيا جيا ٿي زمي ڏرزي اونئي. ⁶ ان زئيون فلسطينِي اوتون رئي ڪاش هومپري تنهون او ڪيو مڏيا: ”عبرانيون رون تنهونون ۾ ايوئي ڪاش ڪم تھ رئي؟“ پسئ اوتون نه ڪبر پڙي جي پرميشور رئي پيتي تنهونون ۾ اوئي. ⁷ تيام فلسطينِي پيائي ڳيا ان ام ڪيو مڏيا: ”اوتون ڪن اوتون رو ڏيو آيوھ. هون آيون مانھ آقت آوشي ڪم تون ايتا ٿي پيرھين ايوو ڪيڏي نتي ٿيو. ⁸ آيون مانھ آقت ضرور آيا وازي سئ. هون هابون ٻڙوڪون ڏيون رون هاتون ٿي ڪوڻ پڇاوشي؟ اي او ڏيو سئ جيئي مصريون نه رڻ وڳڙا ۾ هر نمونا ري آقت ٿي ماريا. ⁹ او فلسطينيون، تمي ڏاڍا ٿيو ان مڙسي ڪرو زم تمي عبرانيون را ڳلوم نه ٿيو زم او تمارا ڳلوم ٿيا تا، پڻ مڙسي ڪرو ان وڍو!“

¹⁰ هون فلسطينِي وڍيا ان اسرائيليون نه هرايا. تنهون اسرائيلِي آيون تنهونون هوما پاڳيا ان الاهي منڪ مرائي ڳيا. اوتنه تيهڪ هزار اسرائيلِي قوجي مرائي ڳيا ¹¹ ان ايشور رئي پيتي ڪوهرائي ڳئي ان عيلي را بي ئي ڏيڪرا حُفني ان فيحاس پڻ مرائي ڳيا.

عيلي رو موت

¹² اُوئه ڏي بنيامين را قبيلو رو هڪ منڪ جنگ ٿي پاڳين سيلو ۾ پوڳيو. اُوئا را لوڳهڙا قاتل هئا ان مائتا مانھ ڏوڙ هڻي. ¹³ زئيون اُو پوڳيو تئيون عيلي مارڳ ڪن ڪڙسي مانھ ٻيٺو وات زوتوت ريو ڪم تون اُوئا رو من ايشور ري پيٽي هارو ڏڪتو تو. زئيون اُوئه آڌمي شهر ۾ آوين جنگ رو حال همپرايو تئيون ٻڌو شهر زور زور ٿي رووا مڏيو. ¹⁴ تئيون عيلي رُونڳو هومپرين ويچار ڪريو: ”اتئي ڪاش ڪم تئ رئي؟“ ان اُوئه آڌمي جلدِي زائين عيلي نئھ حال همپرايو. ¹⁵ عيلي اناڻوي ورهون رو هتو ان اُوئا رئي نظر ڪتم ٿي ڳئي تئي تيام اُو ڪئين نه ڀارتو. ¹⁶ اُوئه آڌمي عيلي نئھ ڪيڏو: ”هُن آز جنگ ٿي پاڳين آيوھ.“ عيلي ڪيڏو: ”او مارا ڏيڪرا، اوت رو حال ڪي سئھ؟“

¹⁷ اُوئه ڪبر اوٿيا واڙئھ جواپ ڏيڏو: ”اسرائيلي فلسطينيون آڳر ٿي پاڳيا ان الاهي منڪ مرائي ڳياھ، اوتون ۾ تمارا بي ڏيڪرا حُفني ان فينحاس پڻ هئا. ان ايشور رئي پيٽي پڻ ڪوهرائي ڳئيھ.“

¹⁸ زم اُوئه ايشور ري پيٽي را پارام همپرايو، تون عيلي ڌر ڪن ڪڙسي مانھ ٻيٺو تو پڙيو نو ان اُوئا رئي ڳت پنگائي ڳئي ان اُو مري ڳيو ڪم تون اُو گهرڍو ان ڳرا ڏيل واڙو منڪ هتو. اُو چاليھ سال اسرائيلي قوم رو آڳيون ريو.

فينحاس ري ڏوشي رو موت

¹⁹ ان عيلي رئي وٽوارئي، فينحاس رئي ڏوشي پاري پڳ هڻي ان ٻار زلميا رو ٽوٽو ڏوڪڙو هتو. زئيون اُوئه اي ڪبر هومپري جي ايشور رئي پيٽي ڪوهرائي ڳئيھ ان اُوئا رو هاهرو ان آڌمي مري ڳياھ تئيون اُوئا نئھ ڏوڪ ٿيا شروع ٿيا ان اُوئه نمين ٻار زلميو. ²⁰ پڻ اُو مربا واڙي هڻي تئيون اُوئا ڪن آهئھ پاهئھ اوپل ڏوشيئي ڪيڏو: ”تارئھ ڏيڪرو ٿيوھ. هيٺ راک!“ پڻ اُوئي ڪوئي ڌيون نئھ ڏيڏو نڪو وڙي ڪوئي جواپ ڏيڏو. ²¹ اُوئه تو اتو

ڪيڏو: ”اسرائيل ٿي ايشور رو سوجهرو ڳيوھ پرو۔“ ڪم تون ايشور رٿي پيٽي ڪوھرائي ڳئي ٿي ان اُٿا رو آڏمي ان ھاھرو مرائي ڳيا تا۔ ھم ڪين اُٿه اُٿا سوڪرا رو نوم يڪبود راکيو، جيا رو مطلب سئھ، ”سوجهرا ووٿو۔“²² ان اُٿه ڪيڏو: ”اسرائيلي قوم ٿي ايشور رو سوجهرو ڳيوھ پرو ڪم تون ايشور رٿي پيٽي ڪوھرائي ڳئيھ۔“

ايشور را وسن رٿي پيٽي فلسطين ڪن

5 فلسطيني ايشور رٿي پيٽي ڪوھين ابن عزر نومي ماڳ ٿي اشدود شھر ۾ لي ڳيا۔² ان فلسطيني ايشور رٿي پيٽي دجون ڏيو را مندر ۾ لي آيا ان اُٿا نئھ دجون ڏيو ري مورتِي پيڙي راکئي۔³ زئبون اشدود شھر واڙا ھوار را ويلا اُٿيا تون اُٿي زيو جي دجون ڏيو پرميشور ري پيٽي آڳڙ اوندئھ مون زمي مانھ پڙيوھ۔ تنبون اُٿي دجون ڏيو نئھ لين اُٿا را ماڳ مانھ اُٿاڙيو۔⁴ وڙي پيڙئھ ڏي زئبون ھوار را ويلا اُٿيا تون اُٿي زيو جي دجون ڏيو پرميشور ري پيٽي آڳڙ اوندئھ مون زمي مانھ پڙل پڙيو ان دجون رو ماٿو ان اُٿا ري ھٿاري مندر را موھڪا مانھ واڍل پڙي ان اُٿا رو ڌڙ آڀرا ماڳ مانھ پڙل ھتو۔

⁵ تيام دجون ڏيو را پوزاري ان اُو ٻڌا جيا اشدود شھر را مندر ۾ آئھ، اُو آڙ ھوڏي دجون را مندر را موھڪا مانھ پڳ نٿي راکتا۔

⁶ پرميشور اشدود شھر رون منڪون مانھ آقت لايو ان اُٿون نئھ تپاھ ڪروا ريو۔ ھم اُٿھ اشدود ان اُٿا رون آھا پاھا رون منڪون نئھ ڳونڀڙون ري پيماري ٿي ماريا۔⁷ زئبون اشدود شھر واڙي ھاڻي پاڙيو تنبون ام ڪيا مڌيا: ”اسرائيلي قوم را ايشور رٿي پيٽي آڀون وسا نہ رٿھ ڪم تون اُو آڀون مانھ ان آڀا ايشور دجون مانھ آقت لايوھ۔“⁸ تيام اُٿي آڀري فلسطيني قوم رون ٻڌون آڳيوونون نئھ تيڙاوين آپ ڪن پيڙا ڪريا ان ڪيڏو: ”آڀي اسرائيل قوم را ايشور ري پيٽي رو ڪي ڪرون؟“ اُٿي جواب ڏيڏو: ”اسرائيلي قوم را

ايشور رئي پيتي جات شهر هومئي روونئي ڪرو پرئي! ”ان او اسرائيلي قوم را ايشور رئي پيتي اوڻه لي ڳيا.

⁹ زئيون او پيتي نئه جات شهر ۾ لي ڳيا تئيون ام ٿيو جي پرميشور اوڻا شهر مانه پڻ ايوي آقت لي آيو جي اوڻون را هوش اوڏي ڳيا ان اوڻون نئه ڳونڙا ٿيو را. ايشور ڳونڙون ري پيماري ٿي اوڻا شهر رون ٻڌون نونون موتون نئه ماري. ¹⁰ تيام اوئي ايشور رئي پيتي عقرون شهر هومئي روونئي ڪري.

زئيون ايشور رئي پيتي عقرون ۾ پوڳئي تئيون عقرون را منڪ رڙيون ڪري ڪرين ڪيو را: ”اي امون نئه ان امارون ٻڌون منڪون نئه ماري هارو اسرائيلي قوم را ايشور رئي پيتي امون وسا لي آياھ!“ ¹¹ تئيون اوئي آري فلسطيني قوم رون اڳيونون نئه تيڙاوين آپ ڪن پيرا ڪريا ان ڪيدو: ”اسرائيلي قوم را ايشور رئي پيتي پاسي روونئي ڪرو پرئي جي او پاسي آپرئه ماڳ زائه پرئي زم امي ان امارا منڪ پچي زائون.“ ايشور اوڻون مانه آقت لي آيو تو، تيام ٻڌا شهر ۾ موت رئي پڪ پڪڙي ڳئي ٿي. ¹² ان جيا منڪ مريا نئا او ڳونڙون ري تڪليب ۾ پڙيا را ان شهرين رئي عرض آڪاش هوڏي پوڳئي.

ايشور را وسن رئي پيتي پاسي زڙه

6 پرميشور رئي پيتي هات مئينون هوڏي فلسطينون را علاقا ۾ رئي. ² تئيون فلسطيني پوزاريون ان پوپون نئه تيڙاوين ڪيدو: ”امون نئه همپراو جي پرميشور ري اينا پيتي رو ڪي ڪرون؟ ان اينا نئه پاسي ڪم ڪرين ميلو؟“

³ اوئي ڪيدو: ”جي تمي اسرائيلي قوم را ايشور رئي پيتي پاسي ميلوا ڪروه، تون اوڻا نئه نالئي مت ميليا پڻ اوڻا پيرو ڏوه ري ماڳي هارو ارڻ ۾ ضرور ڪئينڪ ڏي ميليا. تئيون ئي تمي هاڙا ٿيشو ان تمون نئه ڪپر پڙي زاشي جي ايشور تمون مانه آقتون ڏيتو ره.“

4 اُوئي پُونسيو: ”امارا ڏوهه ري ماڻهي هارو اڀڻ ۾ امي اوتائين ڪي ڏيون؟“

اُوئي جواب ڏيڻو: ”تمي فلسٽيني قوم رن پونسون آڳيونون پرموئنه هيم ري پونس مورتون ڳونڀڙون ري ان پونس مورتون اوندرون ري ناونين ڏيا، ڪم تون تمي ٻڌائي ان تمارا آڳيون هڪه ئي مصيبت ۾ ڦاٿل سو. 5 جيا ڳونڀڙا ان جيا اوندرا تمارو ملڪ ڪراپ ڪرڻه ريا، هايون ري مورتون ناوو! ان اسرائيل را ايشور را وڪوڻ ڪرو. ٿي هڪه ام اوتمون مانه، تمارون ڏيون ان تمارا ملڪ مانه آفتون ميلوا ساڌنه. 6 تمي ڪم آڀرو من ڏاڍو ڪروه؟ تمارا زم مصر ملڪ ري منڪي ان اوتون رنه پاڌشا پڻ آڀرو من ڏاڍو ڪريو تو، پڻ زئيون ايشور اوتون مانه آفت ميلئي تون ڪي اُوئي اسرائيليون ننه زاوا نه ڏيڏا؟ ان ڪي او ڳيا نه پرا؟ 7 هوئه تمي هڪ نوي ڊگا ڳاڏي ناوو ان اوتائين ۾ بي هوواوڙي ڳايون زوڙيا جيا ننه پيرهين ڪيڏي پڻ زوڙي نه هوئه ان اوتون رن واسڙون ننه پاسا گهري لي زيا پرا. 8 پرميشور رئي پيئي اوتائين ڊگا ڳاڏي ۾ راکيا ان هيم ري شينهنون جي تمي ڏوهه ري ماڻهي هارو اڀڻ ۾ ڏي ميلشو اوتون ننه هڪا ڏبا ۾ نوڪين پيئي ڪن راکيا. پسئ اوتائين نه رووني ڪريا پري زم او زائ پري. 9 پسئ زوتا ريا! جي او بيت شمس شهر هومي زائ جيو اوتون را علاقا ۾ سئ تون هزمي زيا جي ايشور ئي اتي موتي آفت ميلئي. ان جي اول هومي نه زائ، تون آڀون ننه ڪبر پڙي زاشي جي ايتا ۾ ايشور رو ڪوئي هات نتو پڻ اي هڪ هادسو هتو.“

10 تيون اُوئي همروم ڪريو ان بي هوواوڙي ڳايون لين اوتون ننه ڊگا ڳاڏي ۾ زوڙي ان اوتون رن واسڙون ننه گهري بونڊيا پرا. 11 پسئ پرميشور رئي پيئي ان او ڏبو ڊگا ڳاڏي ۾ راکيو پرو جيا ۾ هيم را ناول اوندرا ان ڳونڀڙا هتا. 12 زئيون او ڳايون رووني ڪري تو او سڌي بيت شمس را مارڳ مانه وويي ان او ٻڌا مارڳ ۾ واهتي ڳي پڻ او ڏاوئه ڪا زمئنه پاهنه نه وڙي. فلسٽيني آڳيون اوتائين وونهڙ وونهڙ بيت شمس نومي شهر را ڌنگ هوڏي ڳيا.

¹³ تہ توتہ بیت شمس شهر را منک زهوڑ ۾ ڪٽڪ رو لہارو ڪرتا تا۔ زئيون اُوي اُونين اُوتا پيتي نٿ پاري تتيون اُو الاهي ڪش ٿيا۔ ¹⁴ هوٽه اُو ڊگا ڳاڏي بيت شمس ۾ يشوع را ڪيتر ۾ آوين اُوي رهي جيئہ هيڪ موتو پوٽو هتو۔ شهر ري منڪي ڊگا ڳاڏي ري لاڪڙي شيري ان پرميشور را نوم مانہ ھازيون ڳايون رو ڏونپ سڙايو۔ ¹⁵ ان لاوي را قبيلہ واري پرميشور ري پيتي نٿ ان اُوتا ڏبا نٿ جيو اُوتا پيرو هتو جيام هيم ري شينھون هتي نيسي اُوتارين اُوتا موتا پوٽا مانہ راڪي ان بيت شمس را شهر ري منڪي اُوتہ ڏي پرميشور را نوم مانہ ھازا مال رو ڏونپ سڙايو ان پيرو مال پڻ سڙايو۔ ¹⁶ زئيون فلسطي قوم ري اُوي پونسي اُگيووني هائي زوي ليدو تتيون آيرا شهر عقرون هوما پاسا وڙي ڳيا۔

¹⁷ هيم را ناول ڳونڙا جيا فلسطي ڏوھ ري ماقي هارو اريڻ ۾ پرميشور نٿ ڏيڏا تا اُوتون موئين هيڪ اشود شهر را پاها ٿي، هيڪ غزه شهر را پاها ٿي، هيڪ اسقلون شهر را پاها ٿي، هيڪ جات شهر را پاها ٿي ان هيڪ عقرون شهر را پاها ٿي هتو۔ ¹⁸ ان اُو هيم را ناول اوندرا پڻ فلسطيون رون اُوتون پونس اُگيونون رون شهرون ري ڳڻپ پرموتہ هتا۔ هائي پونس ئي شهر ڪوت وڙا شهر هتا، ان اُوتون رٽه آهٽه پاهٽه ڳوٺ پڻ پيرا هتا۔ اُو موتو پوٽو جيا مانہ پرميشور رهي پيتي راڪي تي اُو آز هوڏي شائيڏي هارو بيت شمس شهر ڪن يشوع را ڪيتر ۾ سٽه۔

¹⁹ پڻ پرميشور بيت شمس رون منڪون نٿه ماري ڪم تون اُوي پرميشور ري پيتي نٿه ڪولين زوي تي۔ اُوتہ اُوتون رون پنجاه گهرون ۾ ستر آدمي ماري نوڪيا۔ تتيون منڪي وڙاپ ڪريو ڪم تون پرميشور اُوتون نٿه الاهي موتي سزا ڏيڏي تي۔

وسن رهي پيتي قريت يعريم شهر ۾

²⁰ تيا ڪيتر بيت شمس ري منڪي ڪيڏو: ”ڪوڻ ايتا پوتر ايشور پرميشور هومو اُوي هيڪو؟ هوٽه ايتا پيتي نٿه ڪٿه پاهٽه ميلون؟“ ²¹ پسٽه اُوي قريت يعريم نومي شهر

رون ربا واڙون ڪن ڪئينڪ منڪون نئه ام ڪين ميليا: ”فلسطيني پرميشور رئي پيتئي پاسي ڏي ڳياھ۔ تيام هوءَ تمي ايئا نئه آپ ڪن لي زائو!“

7 تئيون قربت يعريم شهر را منڪ پرميشور رئي پيتئي اينداب ري گهري لي آيا جيو ڌڙا مانھ هتو ان اوٽا را ڏيڪرا اليعزر نئه پويتر ڪوم ڪريا هارو راکيو زم او پرميشور ري پيتي رئي همياڙ ڪرئ۔

سموئيل اسرائيلي قوم رو آڳيون

² پيتئي قربت يعريم ۾ ويھ سال راکئي مطلب الاهي توڻو ٿي ڳيو تو ان پوري اسرائيلي قوم هاسا من ٿي وڙي پرميشور را مارڳ مانھ ويوا ربا۔

³ تئيون سموئيل اسرائيلي قوم رون ٻڌون منڪون نئه ڪيڏو: ”جي تمي هاسا من ٿي پرميشور ڪن آوشو تون عستارات ڏيوي نئه ان ڌاري قومون رون ڏيون نئه آپ ٿي شيتئ ڪرو پرا ان آڀرا من پرميشور نئه هونپو ان روڳو اوٽا رئي شيوا ڪرو زم او تمون نئه فلسطينيون را هات ٿي سڏاوءَ۔“ ⁴ تئيون اسرائيلي قوم ري منڪي بعل نومي ڏيون ان عستارات ڏيوي نئه آپ ٿي شيتئ ڪريا پرا ان روڳي پرميشور رئي شيوا ڪرو ربا۔

⁵ پسئ سموئيل ڪيڏو: ”ٻڌون اسرائيليون نئه مصفاه ۾ پيڙا ڪرو ان هون تمون هارو پرميشور ٿي پراٽنا ڪريھ۔“ ⁶ تئيون او ٻڌائي مصفاه ۾ پيڙا ٿيا ان پرميشور را نوم مانھ هاسا من ٿي توبونھ ڪريا رئي وات ڏيڪارڙيا هارو پوئي پرن پرميشور را نوم مانھ ايٿرو ان اوئي اوئ ڏي ورت راکين وات مونئي جي، ”او پرميشور، امي تمارو ڏوھ ڪريوھ۔“ سموئيل مصفاه ۾ اسرائيلي قوم رو آڳيون ٿيو۔

⁷ زئيون فلسطينيون نئه ڪبر پڙئي جي اسرائيلي قوم را منڪ مصفاه ۾ پيڙا ٿيا تئيون اوئون را آڳيون اسرائيليون مانھ حملو ڪرو آيا۔ هائي هومپرن اسرائيلي فلسطينيون ٿي پيئون۔ ⁸ تيام اوئي سموئيل نئه ڪيڏو: ”پرميشور آڀا ايشور ٿي آيون هارو وينئي ڪرتا

ريو زم او آپون ننه فلسطينيون را هات ټي سډاوڼه. ”⁹ تئيون سموئيل هيك ډاوتو گهيټيزو ليدو ان پرميشور را نوم مانده هازا مال رو ډونپ ساڙيو ان اسرائيلي قوم هارو پرميشور ننه پوڪارتو ريو ان پرميشور اوټا رڼي هومپڙي. ¹⁰ جيئ توتنه سموئيل پرميشور را نوم مانده هازا گهيټيزا رو ډونپ ساڙيو، تو اوته توتنه فلسطيني اسرائيليون ټي جنګ كړيا هارو ډوڪڙا آيا پڻ پرميشور اوټون مانده ايوو زور ټي ګازيو ان اوټون ننه پيوڙايا پرا تون او اسرائيليون ټي هاري ګيا. ¹¹ ان اسرائيل را منک مصفاه شهر ټي نيهريا ان فلسطين لار ټيا ان بيت كړ نومي شهر را نيسليا ډنګ هوډي اوټون ننه مارتا ګيا.

¹² تئيون سموئيل هيك پوټو لين اوټا ننه مصفاه ان شين نومي شھرون را وس ۾ کوڙيو ان اوټا رو نوم ابن عزز مطلب ”مدت رو پوټو“ راكيو ان امر كيدو: ”اتي هوډي پرميشور امارڼي مدت كړيځه.“

¹³ هيوته نمونته فلسطيني اسرائيليون را هات هيټ آوي ګيا ان وږي كيډي اوټون را ډنګ ۾ نه آيا. ان سموئيل ري ټډي حياتي پرميشور فلسطين رنه كلاق ريو. ¹⁴ ان عقرون ان جات هوډي ټډا شهر جيون ننه فلسطيني اسرائيليون ټي كوهي ليدا تا او وږي اسرائيليون را قوزا ۾ آيا را ان اوټون شھرون را آها پاها را علاقا پڻ اسرائيلي فلسطينيون را هات ټي سډاوي ليدا. اوټا وكت ۾ اسرائيلي قوم واځا ان اموري قوم واځا هپ ټي ربتا.

¹⁵ سموئيل اپري ټډي حياتي اسرائيلي قوم رو اګيوون ريو. ¹⁶ ان او هر سال بيت ايل، جلجال ان مصفاه شھرون را دورا كرتو ان اوټون ټډون علاقون ۾ اسرائيلي قوم رون منكون رو نيا كرتو. ¹⁷ پسټه او رame شهر ۾ اپري گهري اوتو رو ان اوټه پڻ اسرائيلي قوم رون منكون رو نيا كرتو. اوټه اوټه پرميشور هارو مال ساڙيا رڼي ويډي ناوږي ټي.

منک پادشا رئي مونگئي ڪرڻ

8 زئيون سموئيل ڏوڪرو ٿيو تئيون اونه آيون ڏيڪرون ننه اسرائيلي قوم را آڳيون راکيا. ² اونا را موتا ڏيڪرا رو نوم يوئيل ان نونا رو نوم ابياه هتو. او ٻي ئي بيرسبع ۾ منڪون را نيا ڪرتا. ³ هونه اونا را ڏيڪرا آڀرا ٻاپ را مارڳ مانه نه وودا ڪم تون او آڀرا قائدا هارو لالجي ٿيا ان رشوت ليتا. هم او انيا ئي ڪرتا.

⁴ تئيون اسرائيلي قوم را ٻڌائي موتا پيرا ٿين رامه شهر ۾ سموئيل ڪن آيا. ⁵ ان اونا ننه ڪيدو: ”زوئو، تمي گهردا ٿي ڳياھ ان تمارا ڏيڪرا تمارا مارڳ مانه نٿي ویتا. هونه تمي پيزيون قومون را زم امون ننه پادشا ڏيو زم او امارو نيا ڪرڻ.“ ⁶ زئيون سموئيل اوئون رئي هائي وات هومپري جي، ”امون ننه ڪوئي پادشا ڏيو جيو امارو نيا ڪرڻ“ تون سموئيل ننه هائي وات نيڪ نه لاڳي ان اونه پرميشور ٿي پراٿنا ڪري. ⁷ تون پرميشور سموئيل ننه ڪيدو: ”جئن ڪئن اي منڪ تون ننه ڪڻه تون اوئون رئي هومپر ڪم تون اوئي تون ننه نئين پڻ مون ننه ساڌي ڏيدو جي هون اوئون رو پادشا نه ريون. ⁸ زئيون هون ايئون ننه مصر ملڪ ٿي لايو، تئيون ٿي لين آڙ هوڌي او مون ننه ساڌين پيزون ڏيون رئي شيوا ڪرتا ريا. همروم او تون ٿي ڪرڻ ريا. ⁹ تيام تون اوئون رئي وات مون! تون اوئون ننه هارو نموننه هزماو ان اي پڻ همپراو جي جيو پادشا اوئون مانه پادشائي ڪرشي اونا رو نمونو ڪي هوشي.“

¹⁰ تئيون سموئيل پرميشور ري ٻڌي واتون اوئون ننه همپراوي جيا ايئا ٿي پادشا رئي مونگئي ڪرتا تا. ¹¹ ان اونه ڪيدو: ”جيو پادشا تمون مانه پادشائي ڪرشي اونا رو نمونو اي هوشي جي او تمارون ڏيڪرون ننه رتون ان گهوڙون مانه سوار ٿيا واڙا قوجي راکشي ان او اونا را رت آڳر آڳر ڍوڙشي. ¹² او هزار هزار مانه آڳيون ان پنجاه پنجاه مانه جمعدار راکشي ان ڪيونڪ ٿي هر جوڙاوشي ان ڪيونڪ ٿي فصل لئاوشي ان آڀ هارو

جنگ ھارو ھٿيار ان آڀرون رٿون ھارو شيمون ٺوراوڻي. ¹³ اُو تماري ڏيکريون ٿي عطر ٺوراوڻي، توم تيار ڪراوڻي ان روڻي گهڙيا را ڪوم مانھ راکشي. ¹⁴ اُو تمارا ٺاڻوڪا ڪيتر، انگورون ري واڙي ان زيتون را ٻاگھ لين آڀري شيوا ڪريا واڙون نٽھ ڏيشي. ¹⁵ اُو تمارون ڪيترون ان واڙيون رو ڏھمو حصو لين آڀرون وزيرون ان شيوا ڪريا واڙون نٽھ ڏيشي. ¹⁶ اُو تمارا ھوشيار جوڻ، گلوم، ٻوني ان تمارا ڳڏيڙا لين آڀرا ڪوم مانھ راکشي. ¹⁷ اُو تماري ٻاڪريون ان ريڊيون موئين ٿي پڻ ڏھمو حصو ليشي ان تمڻي اُوڻا را گلوم ٿي زاشو. ¹⁸ تمڻي اُوڻھ ڏي اُوڻا پادشا ري ڪري جيا نٽھ تمڻي آڀ ھارو سونيدشو، ايشور ٿي مدت مونگشو پڻ اُوڻھ ڏي پرميشور تماري ماڳي نئين ھومپرئھ.

¹⁹ توڻي پڻ منڪي سموئيل رئي وات نہ ھومپرئي ان ڪيڏو: ”نا، امون نٽھ تون پادشا ڪپئھ جيو امون مانھ پادشائي ڪرئھ. ²⁰ تون پسئھ امي پڻ پيزيون قومون را زم ھوئون ان امارو پادشا امارو نيا ڪرئھ ان اُو امون آڳو آڳو وئھ ان امون ھارو لڙائي ڪرئھ.“ ²¹ سموئيل منڪون ري واتون ھومپري ان پرميشور نٽھ ھمپراوي. ²² تئيون پرميشور سموئيل نٽھ ڪيڏو: ”تون اوئون رئي وات مون ان اوئون ھارو ھيڪ پادشا سوندا!“ تئيون سموئيل اسرائيل رون منڪون نٽھ ڪيڏو: ”تمڻي ٻڌا آڀرون شھرون ۾ پاسا زائو پرا!“

سموئيل ساڻول نٽھ پادشا سونديھ

9 ھوئھ بنيامين را ڦيلا رو ھيڪ منڪ ھتو جيا رو نوم قيس ھتو. قيس ابي ايل رو ڏيڪرو ھتو، ابي ايل صرور رو، صرور بڪورت رو ان بڪورت افيح رو ڏيڪرو ھتو. قيس ھيڪ مون واڙو منڪ ھتو. ² اُوڻا رو ھيڪ روپارو ڏيڪرو ھتو جيا رو نوم ساڻول ھتو ان ٻڌا اسرائيل ۾ اُوڻا جيوو ڪوئي روپارو نٽو. اُو ايوو قنڌار ھتو جي منڪ اُوڻا رون ڪوون ھوڏي ٿيئا.

³ ھوئہ قيس را ڳڏيڙا ڳمائي ڳيا تا۔ تيام قيس آڀرا ڏيڪرا سائول نئه ڪيڏو: ”آڀون نوڪرون موئين ٿي هڪا نئه پيو لئه ان زائين ڳڏيڙا ڳوتي آو۔“ ⁴ تئيون او ڳيا ان اوئي افرائيم ري ڏونگري را علاقا ان سليسه را علاقا ۾ ڳوتيا پڻ ڳڏيڙا اوئون نئه نه زڙيا۔ تئيون او شليم را علاقا ۾ ڳيا تون اوته پڻ نه زڙيا۔ پسئ او بنيامين را قبيل را علاقا ۾ ڳيا۔ اوته پڻ نه زڙيا۔ ⁵ زئيون او صوف را علاقا ۾ پوڳيا تئيون سائول آڀرا نوڪر نئه ڪيڏو: ”هالو! آبي پاسا هالون۔ ام نه ته جي مارو باپ ڳڏيڙون رئي ڦڪر ساڌين آڀئي ڦڪر ڪروا مڏئ۔“

⁶ نوڪر اوئا نئه ڪيڏو: ”زوئو! ايئا شهر ۾ ايشور رو هڪ منڪ رئه جيا رو الاهي مون سئ۔ جئين پڻ او ڪئھ او ضرور پورو ٿئھ۔ تيام آبي ايل هالون۔ ٿي هڪئھ او آڀون نئه همپراوئ جي ھوئہ آڀون نئه ڪيال زاو۔“

⁷ سائول آڀرا نوڪر نئه ڪيڏو: ”آبي اوته تون هالون پڻ اوئا هارو ڪي لي هالون؟ آڀون ڪن تون کاڌا پيڏا ري شينهن ڪم ٿي ڳيھ ان پيڙي آيوئي ڪوئي شينهن پڻ نٿي جي آبي ايشور را منڪ هارو ليتا هالون۔“

⁸ تئيون نوڪر سائول نئه ڪيڏو: ”زوئو! هڪ تولا رو چوٽو حصو چونڌي مون ڪن سئ۔ هائي هون ايشور را منڪ نئه ڏيھ زم او آڀون نئه مارڳ ڏيڪاڙئ۔“

⁹ زونا زمونا ۾ اسرائيلون ۾ زئيون ڪوئي آدمي ايشور رئي مرضي زوٽو ڪرتو تو او ڪيتو ”ليو! آبي اڳم ڳيوني ڪن هالون۔“ ڪم تون جيا نئه همئھ ايشور رو نياپو ڏيڏا وازو ڪئھ، اوئا نئه پيرھين اڳم ڳيوني ڪيتا۔

¹⁰ تئيون سائول آڀرا نوڪر نئه ڪيڏو: ”تئين نڪ ڪيڏوھ۔ هالو! آبي هالون۔“ هم او اوئا شهر هوما ڳيا جيئھ ايشور رو منڪ ريتو۔ ¹¹ ان اوئا شهر ري چڙھائي مانھ اوئون

نٺ ڪئينڪ سوڪري پيڙي ٿي جي پوٽي پروا ذاتي تي. اُوي سوڪريون ٿي پُونسيو: ”اڳم گپوني ايئن سٺ ڪي؟“

¹² سوڪريي اُئون نٺ ڪيڏو: ”هوئ، اُو آڙ ٿوڙي ڏير پيرھين شھر ۾ آيوھ. تيام تمي جلدِي زائو، ڪم تون آڙ منڪ ڏونگر مائٽه آستونا مانھ پرميشور را نوم مانھ مال سٽاوشي ¹³ زم تمي شھر ۾ زاشو اُو تمون نٺ پيڙو ٿيشي، جي اُو ڏونگر مائٽه پوٽر جڳا مانھ روٽي کاوا نہ گپو هوئ، ڪم تون زئون هوڏي اُو نہ پوڳه منڪ روٽي نٽي کاتا ڪم تون اُو سٽاول مونھ مانھ ايشور رو آشيرواڏ مونگه. اُوا ڪيڙ ميمون روٽي کائھ. هوئ تمي جلدِي زائو ڪم تون همئھ اُو تمون نٺ پيڙو ٿيشي.“ ¹⁴ تيون اُو شھر گيا ان شھر ۾ زاتون ٿي پاڙيو جي سموئيل ڏونگر مائٽه آستونا مانھ زيا هارو هوما ٿي آوھ ريو. ¹⁵ پرميشور سائول را آيا ٿي هيڪ ڏي پيرھين سموئيل نٺ همپرايو تو، ¹⁶ ”هوارِي ايئن ٿوئھ هُون هيڪا آدمي نٺ بنيامين را علاقا ٿي تُون ڪن ميلھ. تُون اُوا را ماٿا مانھ تيل نومين ماري اسرائيلي قوم رو آڳيون ٿيا هارو سوندي. اُو مارون منڪون نٺ فلسطينيون را هات ٿي پچاوشي ڪم تون مارون منڪون رئي پوڪار مون هوڏي پوڳي ان مئين اُئون مانھ نظر ڪري.“

¹⁷ زئون سموئيل سائول نٺ پاڙيو تيون پرميشور اُوا نٺ ڪيڏو: ”زو! اي سٺ اُو آدمي جيا را پارام مئين تُون نٺ ڪيڏو تو. اي ٿي مارون منڪون مانھ پادشائي ڪشي.“ ¹⁸ پسئ سائول شھر را پاڳر ڪن سموئيل ڪن گپو ان اُوا نٺ ڪيڏو: ”مون نٺ همپرايو جي اڳم گپوني رو گھر ڪيئن سٺ؟“

¹⁹ سموئيل سائول نٺ جواب ڏين ڪيڏو: ”اُو اڳم گپوني هُون سون. تُون مون ٿي مور مور ڏونگر مائٽه پوٽر جڳا مانھ زا ڪم تون آڙ تُون مون پيڙو روٽي ڪائيھ ان هوار رو تُون نٺ رُونو ڪريھ ان جئين ڪئين ٿارا من ۾ سٺ تُون نٺ همپرايوھ پرو. ²⁰ ان ٿارا ڳڏيڙا جيا

ترڻ ڏي پيرھين ڳموڻا تا اوئون رڻي ڦڪر مت ڪر ڪم تون او زڙي ڳياھ۔ پوري اسرائيلي قوم رڻي آشا ڪيا مانھ سئہ؟ اوئون مانھ ان ٿارا ٻاپ ري اڪائي مانھ سئہ۔

²¹ سائول جواب ڏيڻو: ”هون اسرائيلي قوم را ٻڌون ٿي نونا ڦيلا بنيامين رو سون ان بنيامين ڦيلا ري ٻڌيون اڪيون ۾ ماري اڪائي رو ڪوئي مون نٿي۔ تيام تمي مون ٿي ايوي واتون ڪم ڪروھ؟“ ²² پستھ سموئيل سائول ان اوئا را نوڪر نئھ ميمونون را ڪمرا ۾ تيڙي ڳيو جيئھ ٿيھڪ آڏمي هتا ان اوئون نئھ ميمونون وسا ٻڌون ٿي ناٿوڪا ماڳ مانھ ٻيھاريا۔ ²³ ان سموئيل پورچي نئھ ڪيڏو: ”مونھ رو او ٽڪرو لي او جيو مئين تون نئھ ڏيڏو تو ان تون نئھ ڪيڏو تو جي ايئا نئھ تون ڪن راک۔“ ²⁴ پورچي او شيڪل پينڌا رو مونھ لين سائول هومو راکيو۔ تئين سموئيل ڪيڏو: ”اي او حصو سئھ جيو تون هارو راکيو تو۔ مئين منڪون نئھ اي پڻ ڪيڏو تو۔ اي ڪاس توئا هارو سئھ۔ هوئھ اي ڪا پرو!“ اوئھ ڏي سائول سموئيل پيرڙي روئي ڪاڏي۔

سموئيل سائول را ماٿا مانھ تيل نومين پاڌشا ٿيا هارو سونڊيھ

²⁵ پستھ او ڏونگر مائھ پوٽر جڳا ٿي اوترين شهر ۾ آيا۔ تئين سموئيل آڀرا گھر ري چت مانھ سائول ٿي واتون ڪري۔ ²⁶ پيزئھ ڏي هوار را ويلا اونيا ان ڏي سٿيا رئھ توئھ سموئيل سائول نئھ چت مانھ هاڏ ڏين اوئا نئھ ڪيڏو: ”تيار تئھ! تون نئھ هوئھ رَوونو ڪرونھ۔“ تيار تين سائول ان سموئيل ٻي ٻارا نيھري ڳيا۔ ²⁷ زئين او شهر را ڌنگ مانھ پوڳيا تئين سموئيل سائول نئھ ڪيڏو: ”آڀرا نوڪر نئھ ڪئھ جي او آڀون ٿي آڳر وئھ۔ پڻ تون ترس زم هون تون نئھ ايشور ري واتون همپراوون۔“ ان نوڪر اوئون مور ڳيو پرو۔

10 پستھ سموئيل تيل رڻي ڪونپليي ليڏي ان سائول را ماٿا مانھ تيل نوميو ان اوئا نئھ ٻات نوڪين ڪيڏو: ”وات اي سئھ جي پرميشور تون نئھ سونڊيوھ زم تون اوئا ري وراست مانھ راز ڪرئھ۔“ ² آز زئين تون مون ڪن ٿي زائيه تئين بنيامين را علاقا را

ڌنگ مانھ ضلح شھر ڪن ڏاڏي راخل را مقوم ڪن ٿون نٿ ٻي آدمي پيرا ٿيشي. اُو ٿون نٿ ڪيشي، اُو ڳڏيڙا جيون نٿ ٿون ڳوتئھ ريو اُو زڙي ڳياھ. ان ھوئ ٿارو ٻاپ ڳڏيڙون رئي ڦڪر ساڌين ٿارئي ڦڪر ڪرئھ ان ام ڪئھ: ”ھون آڀرا ڏيڪرا ھارو ڪي ڪرون؟“³ پسنھ اُوئون زائين ٿبور شھر ڪن بلوط را موتا وڻ ڪن پوڳيھ تئيون اُوئھ ترڻ آدمي پيرا ٿيشي جيا ايشور رئي پڳتئي ڪريا ھارو بيت ايل زاتا ھوشي. اُوئون موئين ٿي ھيڪا ڪن ترڻ چيلا، پيزا ڪن ترڻ روتي ان ترٿما ڪن ڌراڪ رس رئي ھنڌاري ھوشي.⁴ اُو ٿون ٿي مرشي ان ٿون نٿ ٻي روتي ڏيشي. ان اُو روتي ٿون لي ري.⁵ اُوئا ڪيڙ ٿون جبعت الوھيم شھر پوڳيھ جيئھ فلسطين رئي سوڪئي سئھ. زئيون ٿون شھر ۾ زائئھ تئيون پڳوون رو نياپو ڏيڏا وازون رئي ھيڪ تولئي ٿون نٿ پيرئي ٿيشي. اُو ڏونگر وارا آستونا ٿي نيسي آوتئي ھوشي ان اُوئون مور مور منڪ ڪماسا، ڌڦ، وونھري ان تنبورا وڳاڙتا ھوشي ان اُو ايشور رو نياپو ڏيئا ھوشي.⁶ تئيون پرميشور رئي آتما ٿون ۾ زور ٿي آوشي ان ٿون اُوئون پيرو ايشور رو نياپو ڏيوا مڏيھ ان ٿون الاهي ڀڏلي زائئھ.⁷ زئيون اي نيشون ٿون نٿ پرائھ تئيون ٿون ھمروم ڪري زم ٿون نٿ ٺاڻوڪو لاڳئھ ڪم تون ايشور ٿون پيرو سئھ.

⁸ ھوئ ٿون مُون ٿي پيرھين جلجال شھر زائي ان ھون ٿون ڪن آويھ زم ايشور را نوم مانھ ھاڙا مال را ڏونپ ساڙون ان ھڪ شونتي ھارو مال را ڏونپ ساڙون. ٿون ھات ڏي اُوئھ ري زئيون ھوڏي ھون ٿون ڪن آوين ٿون نٿ نہ ھمپراوون جي ٿارئھ ڪي ڪروو.

⁹ پسنھ ام ٿيو جي سائول زم سموئيل ڪن ٿي رَوونو ٿيو تون ايشور اُوئا را من نٿ ڀڏليو ان اُو ٻڌا نيشون اُوئھ ئي ڏي ڏيڪوئا.¹⁰ زئيون اُو جبع شھر ڪن پوڳيو تئيون ايشور رو نياپو ڏيڏا وازون رئي ھيڪ تولئي اُوئا نٿ پيرئي ٿئي ان ايشور رئي آتما اُوئا ۾ زور ٿي آوي ان اُو پڻ اُوئون پيرو ايشور رو نياپو ڏيوا مڏيو.¹¹ ان ام ٿيو جي اُوئا ري اوڙڪوڻ واري پارو جي اُو ايشور رو نياپو ڏيڏا وازون پيرو ايشور رو نياپو ڏئھ ريو تئيون اُو ھيڪا

پڙيا نٿو ڪيا مڌيا: ”قيس را ڏيڪرا سائول نٿو ڪي ٿيو؟ ڪي او پڻ ايشور رو نياپو ڏيڏا وازون موئينليو سٺ؟“¹² تئين اوت را ڪئينڪ منڪ ام ڪيتا: ”ايئون رو ٻاپ ڪوڻ سٺ؟“ هيا وات ري ڪري اي ڪيٽئي وڍي: ”ڪي سائول پڻ ايشور رو نياپو ڏيڏا وازون موئينليو سٺ؟“¹³ سائول ايشور رو نياپو ڏيڏا ڪيڙ ڏونگر مائه آستونا مانه ڳيو.

¹⁴ پسته سائول رٿه ڪاڪه اوتا ٿي ان اوتا را نوڪر ٿي پونسو: ”تمي ڪيٽه ڳيا تا؟“ سائول جواب ڏيڏو: ”امي ڳڏيڙا ڳوتوا ڳيا تا. پڻ زئون او امون نٿو نه زڙيا تون امي سموئيل ڪن ڳيا.“

¹⁵ پسته سائول رٿه ڪاڪه ڪيڏو: ”تون مون نٿو همپراو تون سي جي سموئيل تمون ٿي ڪي ڪيڏو؟“

¹⁶ سائول آڀرا ڪاڪا نٿو ڪيڏو: ”اوئه امون نٿو صاف صاف ڪيڏو پرو جي ڳڏيڙا زڙي ڳياھ.“ پڻ سائول پاڌشا ٿيا را پارام ڪئين پڻ نه همپرايو جي سموئيل ڪيڏو تو.

سموئيل سائول نٿو پاڌشا ناوٿو

¹⁷ سموئيل منڪون نٿو مصفاه شهر ۾ پرميشور هوما تيڙيا. ¹⁸ ان اوئه اسرائيلي قوم رون منڪون نٿو ڪيڏو: ”پرميشور اسرائيلي قوم رو ايشور ام ڪه، هون اسرائيلي قوم نٿو مصر ٿي ڪاڊين لي آيو ان مئين تمون نٿو مصريون را هات ٿي ان ٻڌون پاڌشائون را هات ٿي سڏايا جيا تمون مانه ظلم ڪرتا.“¹⁹ پڻ تمي آڀرا ايشور نٿو ساڌي ڏيڏوھ جيو تمون نٿو ٻڌيون مصيبتون ان تڪليپون ٿي سڏاوتو. ان تمي اوتا نٿو ڪيڏو: ’امون نٿو هيڪ پاڌشا ڏئ!‘ تيام هوئه تمي آڀرا آڀرا قبيلا ان اڪائي پرموئيه پرميشور هوما حاضر ٿيو.

²⁰ پسته سموئيل اسرائيلي قوم رون ٻڌون قبيلون نٿو ڏوڪڙا لي آيو ان ايشور رٿي مرضي زوٿيا هارو پويتر پکا نوڪيا، تون بنيامين قبيلا رو نوم نيھريو. ²¹ تئين او بنيامين را قبيلا رون گھرائون نٿو ڏوڪڙا لي آيو ان مطري را گھراڻا رو نوم نيھريو. ان پسته اوتا

گهراڻا موئين ٿي قيس را ڏيڪرا سائول رو نوم نيهريو. پڻ زئيون اُٿا ننه گوتيو تئيون اُ نه زڙيو. ²² تيام اُئي پويتر پکا نڪاوين پرميشور ننه وڙي پونسيو: ”ڪي اُ آدمي ايتنه سئ؟“

پرميشور جواپ ڏيڏو: ”زئو! اُ شيمون وسا هٿائي گيوه.“
²³ تئيون اُ منڪ جلدي گيا ان اُٿا ننه زهالين لي آيا ان منڪون وسا اُپاڙيو. اُ ايوو ڪنڌار هتو جي منڪ اُٿا رون ڪوون هُڏي آوتا. ²⁴ سموئيل ٻڌون منڪون ننه ڪيڏو: ”تمي ايٿا ننه زئوھ ريا جيا ننه پرميشور سونديوه؟ ٻڌون منڪون ۾ ايٿا جيوو ڪوئي نٿي.“
 تئيون ٻڌي منڪي نارا هٿين ڪيڏو: ”پادشا رئي جي!“

²⁵ پسئ سموئيل منڪون ننه پادشائي قرض ان حق همپرايا ان اُٿون ننه ڪتاب ۾ لکين پرميشور هومو راکيو. اُٿا ڪيڙ سموئيل ٻڌون منڪون ننه پاسا رونا ڪيا پرا. ²⁶ ان سائول پڻ جبع شهر ۾ پاسو آڀري گهري گيو پرو ان اُ ٻڙون منڪ پڻ اُٿا پيڙا وُڍا جيون ننه ايشور هائي ڪيال ڏيڏو تو. ²⁷ پڻ ڪئينڪ پُونڌي منڪي اُٿا ننه نيچ هزميو ان ڪيڏو: ”اي آدمي آيون ننه ڪم ڪرين ڏشمٽون ٿي پچاوشي؟“ تيام اُ سائول هارو ڪئين پيٽ نه لي گيا. توئي پڻ اُٿه ڪئين نه ڪيڏو.

سائول عُمونيون ٿي جنگ ڪرئ

11 تئيون عُموني قوم رنه پادشا ناحس حملو ڪريا هارو جلعاد علاقا ۾ بيبس شهر ننه چوقير گهيرو ڪرين تنبو ڪوڙبا ان بيبس ري ٻڌي منڪي ناحس ننه ڪيڏو:
 ”امون ٿي وسن بوندو ان امي تمارئي شيوا ڪرئون.“

² تئيون ناحس عُموني اُٿون ننه جواپ ڏيڏو: ”هُون تمون ٿي ايٿا وات مانھ ٺاھ ڪريھ جي پيرھين هُون تمون ٻڌون رئي زمئيي اونڪ ڪڍاويھ پري زم هُون ايوئ نمونئ اسرائيلون رئي پيعزئي ڪرون.“

³ تئيون يبيس شهر ري موتي اوتا نئه ڪيڏو: ”امون نئه هات ڏي ڏيو تون امي اسرائيل رن ٻڌون علاقون ۾ منڪ ميلون. پسئه جي اماري مدت هارو ڪوئي نه آيو تون امي آپ نئه تمارئه حوالئه ڪر شون پرا.“

⁴ پسئه هيا شهر را منڪ سائول را شهر جيع ۾ آيا ان اوئي منڪون نئه او واتون همپراوي. هائي هومپرين ٻڌا منڪ زور زور ٿي روي مڏيا. ⁵ تئه توئه سائول ٻڌون وونهو ڪيتر ٿي پاسو آوتو تو، تون سائول پونسيو: ”ايئون منڪون نئه ڪي ٿيوه؟ اي ڪم روئه ربا؟“ تئيون اوئي يبيس رن منڪون ري واتون اوتا نئه همپراوي. ⁶ زئيون سائول هائي واتون هومپري تئيون ايشور رئي آتما اوتا ۾ زور ٿي اوئي ان اوتا نئه الاهي ڪاوڙ اوئي. ⁷ اوئه هيڪ جوڙي ٻڌ ليدا ان اوئون نئه هلالين ٽڪرا ٽڪرا ڪرين منڪون هات اسرائيل رن ٻڌون علاقون ۾ ام ڪين ميليا: ”جيا سائول ان سموئل لار جنگ ڪروا نئي ويتا اوئون رن ٻڌون ٿي همروم ٿيشي.“

تيا مانه پرميشور رئي پيڪ اوئون مانه وڙي ڳئي ان او هيڪ ٿين ٺهريا. ⁸ ان سائول بزق شهر ڪن اوئون نئه پيرا ڪريا. ام يهوداه را قبيل موئين ٿي ٿيه هزار آدمي ٿيا ان باقي قبيلون را ترڻ لڪ هتا. ⁹ ان اوئي اوئون منڪون ٿي جيا آيا تا ڪيڏو: ”تمي يبيس جلعاد رن منڪون نئه اي ڪيا جي، هوري تڙڪو ٿيا مور تمي آزاد ٿي زاشو.“ تئيون اوئي منڪي زائين يبيس رن منڪون نئه اي ڪبر ڏيڏي ان او ڪش ٿيا. ¹⁰ تئيون يبيس ري منڪي عمونيون نئه ڪيڏو: ”هوري امي تمون ڪن آوشون، پسئه زم تمون نئه وئنه هم امون ٿي ڪريا.“

¹¹ پيزئه ڏي هوار ٿيا مور سائول منڪون را ترڻ توڙا نيا ان او پروڻ تئه عمونيون رن تنبون ۾ پينا ان تڙڪو ٿيتو هوڏي اوئون نئه مارتا ربا. جيا پجي ڳيا تا او وينڪائي ڳيا. بي آدمي ڪيئنه پڻ پيرا نه ڏيڪوڻا.

¹² تئيون منڪي سموئيل نٿه ڪيڏو: ”اي ڪيٿڻه ڪيڏو تو جي سائول آيون مانھ پادشائي نه ڪرئ؟ اوئون آدميون نٿه لي آو، تون امي اوئون نٿه ماري نوڪونھ.“

¹³ سائول ڪيڏو: ”آز ڪيا نٿه پڻ مت ماريا ڪم تون پرميشور آز اسرائيلي قوم نٿه پڇاوي ليدئيھ.“ ¹⁴ تئيون سموئيل منڪون نٿه ڪيڏو: ”هالو! جلجال هالون زم اوئنه سائول نٿه وڙي پڪا نمونا ٿي پادشا ناوون.“ ¹⁵ تئيون ٻڌا منڪ جلجال ۾ ڳيا ان اوئنه اوئي پرميشور را نوم مانھ سائول نٿه پادشا نايو. پسئھ اوئي سڪ شونتي هارو پرميشور را نوم مانھ مال را ڏونپ سڙايا ان سائول پيڙئي ٻڌي اسرائيليئي ڪشي ڪري.

سموئيل قوم ٿي واتون ڪرھ

12 تئيون سموئيل ٻڌون اسرائيليون نٿه ڪيڏو: ”زوئو! جيئن ڪئين تمي مون نٿه ڪيڏو او ٻڌوئي مئين مونيو ان تمون مانھ هيڪ پادشا راکيو. ² ان هوئھ زوئو! اي پادشا تماري آڳوونئي ڪرھ. هون تون ڏوڪرو سون ان مارو مائو ڏوڙو ٿي ڳيوھ، پڻ مارا ڏيڪرا تمون پيڙا سئھ. هون ٻاڙاپڻ ٿي لين آز هوڏي تماري آڳوونئي ڪرتو آيوھ. ³ مون نٿه همپراو جي مئين ڪياڪ ٿي ٻڙڌ ليدو هوئھ ڪا ڳڏيڙو؟ ڪا مئين ڪياڪ رو حق ماريو هوئھ ڪا ڪياڪ مانھ ظلم ڪريو هوئھ ڪا ڪياڪ ٿي رشوت لين انياي ڪري هوئھ؟ تون هون حاضر سون. تيام تمي پرميشور ان اوئا را پاها ٿي سونيل پادشا هومو مارا موندا مانھ همپراو ان او هون تمون نٿه پاسو پڙي ڏيھ.“

⁴ اوئي جواب ڏيڏو: ”تمي نڪو امارو حق ماريو، نڪو امون مانھ ظلم ڪريو ان نڪو وڙي ڪياڪ را هات ٿي ڪئينڪ ليدو.“

⁵ تئيون سموئيل اوئون نٿه ڪيڏو: ”آز پرميشور ان اوئا رو سونيل پادشا ايئا وات رو شائيڌ سئھ جي مون ڪن تمارو ڪئين نٿي.“ اوئي ڪيڏو: ”هوئھ، او شائيڌ سئھ.“

⁶ پسنه سموئيل منكون نئه ڪيڏو: ”او پرميشور ئي سئه جيئنه موسيٰ ان هارون نئه سونديا ان تمارون ٻاپ ڏاڏون نئه مصر ملڪ ٿي ڪاڊين لي آيوه. ⁷ هونه ترسو! تون هون تمون نئه پرميشور هوما او ٻڌائي پلائي را کوم ياد ڪراون جيا پرميشور تمون هارو ان تمارون ٻاپ ڏاڏون هارو ڪريا.

⁸ يعقوب رنه مصر زيا ڪيڙ زئون تماري ٻاپ ڏاڏي پرميشور نئه پوڪاريو تيون پرميشور موسيٰ ان هارون نئه ميليا ان او تمارون ٻاپ ڏاڏون نئه مصر ٿي ڪاڊين ايئا ماڳ هوڏي لي آيا. ⁹ پڻ او پرميشور آيرا ايشور نئه پولي ڳيا. تيام ايشور اوئون نئه حضور شهر را يادشا ري قوج را آڳيون سيسرا ان مواب ملڪ را يادشا ان فلسطيني قوم وازون را هات مڙ ڏيڏا پرا ان او اوئون ٿي وڍيا. ¹⁰ پسنه اوئي پرميشور نئه پوڪاريو ان ڪيڏو: ’امي ڏوه ڪريوه. امي پرميشور نئه ساڏين بعل نومي ڏيون رئي ان عستارات ڏيوي رئي شيوا ڪري. هونه تمي امون نئه امارون ڏشمئون رون هاتون ٿي سڏاوو، تون امي تماري شيوا ڪرئون.‘ ¹¹ تيام پرميشور يربعل^a، براق^b، افتتاح ان سموئيل نئه ميليا ان تمون نئه چارون پاهون رون ڏشمئون رون هاتون ٿي سڏايا ان تمي سڪ ٿي ريو مڏيا. ¹² پڻ زئون تمي پاڙيو جي عموني قوم رو يادشا ناحس تمون مانھ حملو ڪرو آيوه تيون تمي مون نئه ڪيڏو: ’امارو پڻ ڪوئي يادشا هونه جيو امون مانھ راز ڪرئ.‘ پڻ تمارو يادشا تون پرميشور تمارو ايشور آپ سئه.

¹³ هونه اوئا يادشا نئه زوئو جيا نئه تمي سونديوه ان جيا رئي تمي مونڳئي ڪري تي. زوئو! پرميشور تمون نئه يادشا ڏيڏو. ¹⁴ جي تمي پرميشور رئي پيڪ راکشو، اوئا رئي وات مونشو، اوئا رئي شيوا ڪرئو ان پرميشور را حڪم نئين توڙو، ان ايئا شيوا جي تمي ان تمارو يادشا پڻ جيو تمون مانھ راز ڪرئ، پرميشور آيرا ايشور وونه وينا ريشو، تون نيك سئه. ¹⁵ پڻ جي تمي پرميشور رئي وات نه مونو ان پرميشور را حڪم توڙو، تون

^a 11:12 يربعل ايئا رو پيزو نوم جڏعون هتو ^b 11:12 براق رو پيزو نوم ٻڌان هتو

پرمیشور رو هات تمارئ ڪلاڻ هوشي زم اُو تمارون باپ ڏاڏون رءُ ڪلاڻ هتو. ¹⁶ هوءَ
 تمڀي اُڀو ان اڀا موتا ڪوم نءُ زوئو جيا نءُ پرميشور تمون هومو ڪرشي. ¹⁷ ڪي همئئ
 ڪڻڪ لڻيا را ڏي نئي؟ پڻ هون پرميشور ٿي وينئڀي ڪريه جي ڳازشي ان مي ورهشي.
 تنيون تمون نءُ ڪپر پڙشي ان زوئي ليشو جي تمڀي آپ هارو يادشا مونگين ڪيو و اوڙو ڪوم
 ڪريوه. ”

¹⁸ تيام سموئيل پرميشور ٿي وينئڀي ڪري ان پرميشور اوتا رئي هومپڙي. پسئ اوت
 ڏي ڳازيو ان مي ورهيو. تنيون ٻڌا منڪ پرميشور ان سموئيل ٿي پيئوئا. ¹⁹ ان ٻڌي منڪي
 سموئيل نءُ ڪيڌو: ”آپرون نوڪرون هارو پرميشور آپرا ايشور ٿي پرائنا ڪرو جي امي مري
 نه زائون، ڪم تون امي آپ هارو يادشا مونگين هيڪ ڏوه پيزو وڌايو پرو.“

²⁰ سموئيل منڪون نءُ ڪيڌو: ”پيائو مت! تمڀي اوڙو ڪوم تون ڪريوه، پڻ توڀي
 پرميشور وونهو ويو مت ساڏو ان آپرا هاسا من ٿي پرميشور رئي شيوا ڪرو! ²¹ تمڀي
 پرميشور نءُ ساڏين نالون ڏيو ڏيتونون لار مت وو! او نڪو ڦاڻيڌو ڏي هيڪئ نڪو چٽڪارو
 ڏي هيڪئ ڪم تون او ڪيائي ڪوم را نئي. ²² پرميشور آپرا نوم را گهئا مون ري ڪري
 آپرون منڪون نءُ هيڪلا نئين ساڏئ ڪم تون پرميشور آپري مرضي ٿي تمون نءُ آپري
 قوم ناياه. ²³ هوءَ ريو هون، تون ايشور نه ڪرئ جي هون تمون هارو پرائنا ڪروو ساڏي
 ڏيون ان پرميشور رو ڏوهاري ٿيون. پڻ هون تمون نءُ او مارڳ ڏيڪاڙه جيو نائوڪو ان
 سڌو سئ. ²⁴ رُوڳو اتو تئ جي تمڀي پرميشور رئي پيڪ راکو ان آپرا پورا من ان هاسائي
 ٿي اوتا رئي شيوا ڪرو ان ويچار ڪرو جي اوتئ تمون هارو ڪيو موتا ڪوم ڪرياه. ²⁵ پڻ
 جي تمڀي هزون پونڌا ڪوم ڪرتا ربا، تون تمارو ان تمارا يادشا رو نوم نشون ٿي نئين
 رءُ.“

فِلِسٽِيُون ٿِي جنگ

13 سائُول رٿه اسرائيل رو پادشا ٿيا نٿه هيڪ سال پورو ٿيو تو ان پيزو سال ویتو تو۔
 2 تئيون سائُول اسرائيلي منڪون موئين ٿي آپ هارو ترڻ هزار جوڻ سونديا۔
 اوئون موئين ٿي بي هزار مڪماس ان بيت ايل شهرون را ڏونگر وارا علاقا ۾ سائُول پيڙا
 ريتا ان باقي هيڪ هزار بنيامين را علاقا را شهر جبع ڪن يوناتن پيڙا ريتا۔ پيزون منڪون
 نٿه اوٿه پاسا آڀري گهري رونا ڪريات پرا۔

3 هوٿه يوناتن فِلِسٽِيُون ري چوڪي رون قوجيون مانھ حملو ڪريو جيا گبع ۾ هتا۔ ان
 فِلِسٽِيُون نٿه هيا وات رٿي ڪبر پڙي گئي۔ تئيون سائُول منڪون نٿه ميلين پورا مُلڪ ۾ رڻ
 شينگڙو وگاڙين ڪيدو: ”ٻڌون عبراني منڪون نٿه اي وات همپراوو!“ 4 ان اسرائيلي قوم
 ري ٻڌي منڪي هائي هومپريو جي سائُول فِلِسٽِيُون ري چوڪي مانھ حملو ڪريو ان هوٿه
 فِلِسٽِيُون نٿه اسرائيليون ٿي نڦرت ٿي گئيھ۔ تيام ٻڌائي منڪ سائُول ڪن جلجال شهر ڪن
 پيڙا ٿيا۔

5 ان فِلِسٽي اسرائيليون ٿي وڊيا هارو پيڙا ٿيا۔ اوئون ڪن ٿيه هزار رت هتا ان گهوڙون
 مانھ سوار قوجي سو هزار هتا ان اوئون پيڙا سمونڊ را ڪنارا ري واري را زم منڪ هتا۔
 اوئي حملو ڪريا هارو مڪماس شهر ڪن تنبو هٿيا جيو بيت آون شهر رٿه اڳوڻلئھ پاهٽه
 سٿه۔ 6 زئيون اسرائيلي اوئون نٿه پاريا تئيون پيٿائي گيا ان گهبرائين پوئنيرون، زهاڙڪون،
 ٿيڪريون، ڪڏون ان ويرون ۾ هٿائي گيا۔ 7 ان ڪئينڪ عبراني يردن ڌريا رٿه اڳوڻلئھ پاهٽه
 جد ان جلعاد را علاقا ۾ گيا پرا۔ پڻ سائُول جلجال شهر ۾ ريو ان جيا منڪ اوٿا پيڙا هتا
 او پيڪ ٿي ڏرڙتا تا۔

سائول آپري مرضي ٿي ڏونپ ڪرڻ

⁸ سائول اوتڻه سموئيل را ڏيڏل ٿوڻا پرموڻه هات ڏيئون هُڏي وات زوتو ريو پڻ سموئيل جلجال ۾ نه آيو ان منڪ سائول ڪن ٿي ايل اول ٿيو ربا. ⁹ تئيون سائول ڪيڏو: ”پرميشور را نوم مانھ ھاڙا مال رو ڏونپ ساڙيا ھاڙو ان سڪ شونتي را ڏونپ ڪريا ھاڙو ٻڌوئي مال مُون ڪن لي آو!“ ان اوتھ ھاڙا مال رو ڏونپ آپ ساڙيو. ¹⁰ زئيون او ھاڙو مال ڏونپ مانھ ساڙي ريو تئيون سموئيل آوي پوگيو ان سائول اوڻا را آڌرمون ھاڙو گيو ان اوڻا نئھ اوڪار ڏيڏو. ¹¹ تئيون سموئيل پونسيو: ”تمي اي ڪي ڪريوھ؟“ سائول جواب ڏيڏو: ”زئيون مئين اي پارو جي فلستي مڪماس ۾ پيرا ٿي گياھ ان منڪ مُون ڪن ٿي ايل اول تھ ربا ان تمي ڏيڏل ٿوڻا مانھ نه آيا، ¹² تئيون مئين سوچيو فلستي جلجال ۾ مُون مانھ حملو ڪرشي ان مئين هزون هُڏي پرميشور ري ڏيا ھاڙو پراٽنا پڻ نٿي ڪري. تيام مئين مجبور ٿين ھاڙا مال رو ڏونپ آپ ساڙيو.“

¹³ سموئيل سائول نئھ ڪيڏو: ”تمي گونڌائي ڪريھ، تمي پرميشور آپرا ايشور رو حڪم نٿي مونيو جيو اوتھ تمون نئھ ڏيڏو تو. جي تمي مونوت تون پرميشور تماري پادشائي نئھ اسرائيليون مانھ ڪيڏي ڪتم ٿيو نه ڏت. ¹⁴ پڻ هوئ تماري پادشائي ڪتم ٿي زاشي ڪم تون پرميشور آپرا من پرموڻه هڪا منڪ نئھ سوندي ليڏوھ زم اوڻا نئھ آپري قوم رو اڳيون ناوتھ، ايڻا ھاڙو جي تمي پرميشور رو حڪم نٿي مونيو جيو تمون نئھ ڏيڏو تو.“

¹⁵ پسئ سموئيل اوئين جلجال شهر ٿي بنيامين را علاقا را شهر جبع ۾ گيو. تئيون سائول اوئون منڪون نئھ گڻيا جيا اوڻا پيرا ري گيا تا ان او مورگا سوڪ هو هتا.

اسرائيليون ڪن جنگي هٿيار نٿي هوڻا

¹⁶ سائول، ان اوڻا رو ڏيڪرو يوناتن ان اوئون را منڪ بنيامين علاقا را شهر جبع ۾ هتا ان فلستيي مڪماس شهر ڪن تنبو هٿيا. ¹⁷ ان فلستيون رون تنبئون ٿي قوج را ترڻ توڙا

نيهريا. هيڪ توڙو عفره شهر را مارڳ هومو سعال شهر را علاقا ۾ ڳيو،¹⁸ پيزو توڙو بيت حورون شهر هومو ڳيو ان ترثمو توڙو اوتا ڌنگ هومو ڳيو جيئنه ضبوعيم ڪائي سئنه ان اوئون رڻ وڳڙو پرائه.

¹⁹ اوئون ڏيئون ۾ اسرائيل را ٻڌا ملڪ ۾ ڪيئنه پڻ لوئار ڳوتيو نه زرتو، ڪم تون فلسطيني ام ڪيتا جي عبراني منڪ آپ هارو تروئارون ڪا پالا نه ناوي هيڪنه.²⁰ تيام ٻڌا اسرائيلي آپرا ڌاترا، ڪوڌارون، سئوڙا، ان وونهلا تڪا ڪرايا هارو فلسطينيون ڪن زاتا.²¹ او ڪوڌار ان سئوڙا نپيا رئي مزورئي اڌ تولا ٿي توڙيڪ وڌارنه چونڌي ليتا ان ڌنڌار، وونهلو ان پروئي نپيا رئي مزورئي اڌ تولا ٿي توڙيڪ گهٽ چونڌي ليتا.²² ايئا هارو جنگ رنه ڏي سائول ان يوناتن شيوا ايئون را ڪيا پڻ منڪ ڪن تروئار ڪا پالو نتو.

²³ هوئه فلسطينيون ري قوج رئي هيڪ پلتن مڪماس ري ڪائي هومئي ڳئي.

يُوناتَن فلسطين مان ه حملو ڪرئ

14 هوئه هيڪ ڏي ام ٿيو جي سائول رنه ڏيڪرئ يوناتن آپرا هٿيار اُپاڙيا وارا جووڻ ننه ڪيڏو: ”هالو! آبي اوئه پاهنه فلسطينيون ري چوڪي هوما هالون.“ پڻ يوناتن آپرا ٻاپ ننه نه همپڙايو.² اوئه توئنه سائول جبع شهر را ڌنگ ڪن اوتا ڌاڙهون را وڻ نيسو هتو جيو مجرون ۾ سئنه ان لڳ ڀڳ سو هو منڪ اوتا پيرا هتا.³ اوئون ۾ اخياه پڻ هتو جيا ڪن مڪ پوزاري رو ڪاس ويسڪوت هتو، جيا ۾ ايشور را نوم را پويتر پکا هتا. او يڪبود را پائي اخيطوب رو ڏيڪرو هتو ان اخيطوب فنيحاس رو ڏيڪرو ان عيلي رو پوترو هتو. عيلي اڳي سيلا ۾ پرميشور رو پوزاري هتو.

منڪون ننه ڪبر نتئي جي يوناتن ڳيوه پرو.

⁴ هوئه يوناتن ڏونگر ري زهوڙ موئين ٿين فلسطينيون ري چوڪي ڪن زاوا ڪرتو تو. اوتا زهوڙ ري ٻي پاهي هيڪوڪي چنيون واري تيڪري هتي. اوئون موئين ٿي هيڪي

رو نوم بُوصِیص ان پِيزي رو نوم سنه هتو. ⁵ هیک چُنپ واڙئي ٽيڪرئي اوتر ۾ مِکماس شهر هومئي هتئي ان پِيزي ڏکڻ ۾ گِبع شهر هومئي هتئي.

⁶ تئيون يُوناتَن اُپرا هٿيار اُوپاڙيا وَاڙا جووڻ نٿه ڪِيدو: ”هالو! آبي اُوتا پاهڻه اُوتون اڻ توهڙل فلسٽيون ري چوڪي هوما هالون. ٿي هيڪڻه پرميشور اُپئي مڌت ڪرڻه. پچايا هارو پرميشور ڪن ٿوڙون ڪا گهڻون منڪون رئي ڪوئي وات ئي نٿي.“

⁷ اُوت هٿيار اُوپاڙيا وَاڙه جووڻ ڪِيدو: ”زم تمون نٿه وڻه هم ڪرو! زم تمڻي ڪيشو همروم هون ڪريه.“

⁸ تئيون يُوناتَن ڪِيدو: ”زو! آبي اُوتون منڪون ڪن هالشون زم او آپون نٿه پاڙي هيڪڻه. ⁹ جي او آپون نٿه ڪڻه، ’هائڻه اُوپو! امي آوونھ ربا.‘ تئيون آبي اُوپرا ماڳ مانھ ماڻ ٿو ماڻ اُوپا ريشون ان اُوتون ڪن نئين زائون. ¹⁰ پڻ جي او ام ڪڻه، ’امون ڪن اُونسا آو!‘ تئيون آبي اُوتون ڪن هالشون. ڪم تون هائي آپون هارو نيشون هوشي جي پرميشور اُوتون نٿه آڀا هات ۾ ڏيڏاه را.“

¹¹ پسڻه بي زڻا اُوتون ڪن گيا ان فلسٽيون ري چوڪي ري قوجيئي اُوتون نٿه پاڙيا ان ڪِيدو: ”زوئو! هائي عبراني اُوتون ڏرڙون موئين ٿي ٻارا نيھري آياھ جيئڻه او هتائي گيا تا.“ ¹² ان سوڪي ري قوجيئي يُوناتَن ان اُوتا را هٿيار اُوپاڙيا وَاڙا جووڻ نٿه ڪِيدو: ”اُونسا آو تو تمارئي ڪپر ليون.“ تئيون يُوناتَن اُوپرا هٿيار اُوپاڙيا وَاڙا جووڻ نٿه ڪِيدو: ”هَوڻه مُون وونھڙ وونھڙ وُوڊو آو ڪم تون پرميشور اُوتون نٿه اسرائيليون را قَوَضا ۾ ڏيڏاه را.“ ¹³ يُوناتَن اُپرون هاتون ان پڳون ٿي رڙين اُونسو سڙي گيو ان اُوتا وونھڙ وونھڙ اُوتا را هٿيار اُوپاڙيا وَاڙو هتو. يُوناتَن اُوتون مانھ حملو ڪريو ان اُوتون نٿه ڏک هڻين پاڙو گيو ان اُوتا را هٿيار اُوپاڙيا وَاڙو جووڻ اُوتا وونھڙ وونھڙ اُوتون نٿه مارتو گيو. ¹⁴ اي يُوناتَن ان اُوتا را هٿيار اُوپاڙيا وَاڙا جووڻ رو پيھريو حملو هتو جيا ۾ اُوئي ويھڪ منڪ ماري.

اُوئون ري لاشون اڌ ايڪڙ ۾ پڪڙل پڙي تي. ¹⁵ تئيون فلسٽي قوم را ٻڌائي قوجي، پلئ اُو تنبُئون ۾ هتا ڪا ميدون ۾، چوڪي واڙا قوجي ان حملو ڪريا واڙا جنگي جودا پڻ، اُو ٻڌائي پيڪ ٿي ٿرترتا تا ان زمئي پڻ ٿرترتي تي ان اُو الاهي گهڻا پيڻائي ڪيا تا.

فلسٽيون رئي هار

¹⁶ هوئ ٻنيامين را علاقا ۾ جبع شهر تي سائول ري چوڪيداري ياريو جي فلسٽي پيڪ ۾ ايل اول پاڳهه ريا. ¹⁷ تئيون سائول آبرون منڪون نئ ڪيدو: ”گڻپ ڪرين زوئو جي آپون موئين ٿي ڪوڻ ڳيوه پرو.“ تئيون اُوئي گڻپ ڪري تون ڪبر پڙي جي يوناتن ان اُوئا را هٿيار اُوپاڙيا واڙو نٿي. ¹⁸ تيا مانھ سائول پوزاري اخياه نئ ڪيدو: ”ايشور رئي پيٽي ايتئ لي آو!“ اُوئ توتئ ايشور رئي پيٽي اسرائيليون پيڙي اوتئ هتئي. ¹⁹ سائول هزون پوزاري ٿي واتون ڪرتوت ريو اتا ۾ فلسٽيون رون تنبُئون ۾ پيرھين ٿي گهڻي ڳوڙ ٿيو رئي. تئيون سائول پوزاري نئ ڪيدو: ”ريوا ڏئ!“ ²⁰ پسئ سائول ان اُوئا را ٻڌا منڪ هڪا ماڳ پيڙا ٿين وڊوا ڪيا ان اُوئي ياريو جي فلسٽي پي ري ڪري آت ۾ هڪا پيڙا نئ مارئ ريا. ²¹ ان آها پاها رون علاقون را عبراني جيا پيرھين فلسٽيون پيڙا پري ڪيا تا اُو اُوئون نئ ساڏين اُوئون اسرائيليون پيڙا پري ڪيا جيا سائول ان يوناتن پيڙا هتا. ²² ان اُو ٻڌائي اسرائيلي منڪ جيا اِفرائيم را ڏونگر واڙا علاقا ۾ هتائي ڪيا تا. زئيون اُوئي هومپريو جي فلسٽي پاڳهه ريا تئيون اُو پڻ جنگ ۾ پيڙا ٿيا ان اُوئون وونهڙ ٿيا. ²³ اُوئ ڏي پرميشور اسرائيليون نئ پڇايا ان جنگ بيت آون شهر تي اڳڙ وڌي ڪئي.

سائول رو هون

²⁴ اُوئ ڏي اسرائيلي منڪ الاهي ڏوروڻ ۾ هتا ڪم تون سائول اُوئون نئ اي هون ڏين ڪيدو تو: ”آز هونز هوڏي زئيون هوڏي آبرون ڏشمئون ٿي پڌلو نه لي ليون تئيون هوڏي

جي ڪيٽڪ ڪئين پڻ کاڌو تون اُو پتل ٿيڻي. ”تيام اُوئون موئين ٿي ڪيٽه پڻ ڪئين نه ساڪيو.“

²⁵ هوئه اسرائيلي قوج را ٻڌائي منڪ جهنگ ۾ پوگيا ان اُوئه مڌ هئي. ²⁶ زئون اي منڪ جهنگ ۾ پوگيا تئين زوئه تون مڌ ٽمھ رئي. پڻ ڪيا نه هيٺ نه ٿئي جي اُوئا موئين ٿي ساڪه ڪم تون اُوئون نه سائول را ڏيڏل هون رئي پڪ هئي. ²⁷ پڻ يوناتن نه ڪهر نئي جي اُوئا ره ٻاپ ٻڌون منڪون نه هون ڏيڏو. تيام اُوئه هات ۾ لاکڙي ليڏي ان مڌ را منارا موئين هئي. پسئ آڀرا هات ٿي مڌ ساڪي ان اُوئا ۾ ڪئينڪ هيٺ آئي. ²⁸ تئين اُوئون منڪون موئين ٿي هيڪه اُوئا نه ڪيڏو: ”تمارء ٻاپ ٻڌون نه هون ڏيڏو جي، ’جيو منڪ آڙ ڪئين پڻ ڪاشي اُو پتل هوشي.‘ تيام ٻڌائي منڪ هاو مريا جيو ٿي ڳياھ.“

²⁹ تئين يوناتن ڪيڏو: ”مارء ٻاپ ملڪ نه مصيٽ موئين نوڪيوھ. زوئو! ٿوڙيڪ مڌ ساڪيا ٿي مون ۾ ڪئي هيٺ آئيھ. ³⁰ ڪتو نائوڪو هوئيٽ جي ٻڌائي منڪ ڏشمئون ٿي لوٽل مال ٿي پيٽ پرين ڪائ ان پسئ اُو فلسٽيون را هزون پڻ گهڻا منڪ مارٽ.“ ³¹ اُوئه ڏي اُوئي مڪماس شهر ٿي ايالون شهر هوڏي فلسٽيون نه پڳڙاوين ماري ان منڪ الاهي ٿاڪي ڳيا تا. ³² تيام منڪ لوٽ را مال مانھ ٿوئي پڙيا ان ريون، ٻڙه ان واسٽا لين اُوٽ ره اُوٽ زمي مانھ هلاليا ان لوئي هوڏا روندن کاڌا.

³³ تئين سائول نه ڪهر زڙي جي منڪ پرميشور رو ڏوه ڪرھ ربا ڪم تون اُو لوئي هوڏو مونھ ڪاھ ربا. تئين اُوئه ڪيڏو: ”تمي ڏوه ڪريوھ. هوئه هيڪ موتو پوٽو ريڙوين لي آو.“ ³⁴ پسئ سائول ڪيڏو: ”منڪون ۾ پڪڙي زائو ان اُوئون نه ڪو، ’هرڪو آڀرو ٻڙه، ان آڀري ري ايتھ لي آوھ ان ايتھ هلالين ڪاھ پڻ لوئي هوڏو ڪائين پرميشور رو ڏوهاري نه ٿھ.“ تيام اُوئه رات ٻڌائي منڪ آڀرا ٻڙه اُوئه لايا ان هلاليا. ³⁵ ان سائول

پرمیشور را نوم مانھ مال ساڙيا رڻي ويڏئي ناوئي. هائي پيرھين ويڏئي هتئي جي سائول پرمیشور هارو ناوئي تي.

³⁶ پستھ سائول ڪڍدو: ”ليو! آبي رات را پڻ فلسطين لار ٿيون ان ڏي اُوگيا هوڏي اوئون رو مال لوتي ليون ان ڪيا نٿ پڻ جيو تو نه ساڏون.“
اوي ڪڍدو: ”زم تمون نٿ وٽه هم ڪرو!“

پڻ پوزاري ڪڍدو: ”آوو! آبي پيرھين پويتر پکا نوکين ايشور ٿي ڪهر پاڙون جي ڪي ڪرو.“

³⁷ تو پستھ سائول ايشور ٿي پونسو: ”هون فلسطين وونه ٿيون، ڪا نا؟ ڪي تم ائون نٿ اسرائيلين را قوضام ۾ ڏيشو را، ڪا نا؟“ تئين پوزاري پويتر پکا نوکيا. پڻ ايشور اوٽه ڏي پويتر پکا نوکيا ٿي ڪوي وڙندي نه ڏيڏي. ³⁸ تيام سائول ڪڍدو: ”تمون موئين ٿي جيا اگيون سو، ايٽه ڏوڪڙا آو ان ڪهر پاڙين زوئو جي آڙ ڪي ڏوه ٿيوه.“ ³⁹ اسرائيل نٿ سڏايا وارا جيوتا پرمیشور رو هون جي مارٽه ڏيڪرٽه يوناتن پڻ ڏوه ڪريو هوشي تون او ضرور ماريو زاشي.“ پڻ منڪون موئين ٿي ڪيٽه پڻ جواب نه ڏيڏو. ⁴⁰ تئين اوٽه ٻڌون اسرائيلين نٿ ڪڍدو: ”تمي ٻڌا هيڪه پاهٽه ٿي زائو ان هون ان مارو ڏيڪرو يوناتن هيڪه پاهٽه.“

منڪي سائول نٿ ڪڍدو: ”زم تمون نٿ نيڪ لاڳه هم ڪرو!“

⁴¹ تئين سائول پرمیشور اسرائيلي قوم را ايشور ٿي وينتئي ام ڪڙي: ”او ايشور، هاس ساوو ڪرو!“ پستھ مڪ پوزاري پويتر پکا نوکيا، ان پکا ۾ يوناتن ان سائول را نوم نيهر يا ان منڪ پچي ڳيا. ⁴² تئين سائول مڪ پوزاري نٿ ڪڍدو: ”مارا ان مارا ڏيڪرا يوناتن را نوم مانھ پکو نوکو!“ تئين يوناتن رو نوم نڪريو. ⁴³ تيا مانھ سائول يوناتن نٿ ڪڍدو: ”مون نٿ همپراو جي تئين ڪي ڪريو؟“

يُونَاتَن اُوٿا نئه ڪيڏو: ”مئين لاکڙي ٿي ٿوڙڪيڪ مڌ ساڪي تي. تيام هوئه هون مريا هارو تيار سون.“

44 سائول ڪيڏو: ”مئين ايشور را نوم مانه هون کاڌو تو. جي مارو هون ڪوڙو ٿئم، تون ايشور مون نئه هيا رئي سزا ڏئم، پلئه ڪٿي پڻ ڏورئي سزا هوئه! تيام، او يُونَاتَن، تون ضرور ماريو زائيه.“

45 تئيون منڪي سائول نئه ڪيڏو: ”يُونَاتَن ڪم مرائه؟ اُوئه تو اسرائيليون نئه اتي موٽي ڏوروڻ ٿي پڇاياه. جيوتا پرميشور رو هون ام ماڳئه نئين ٿئم! اُوٿا را ماتا رو هيڪ مٿوٿار پڻ زمي مانه نئين پڙئه ڪم تون آڙ اُوئه ايشور پيڙو ٿين ڪوم ڪريوه.“ هم منڪي يُونَاتَن نئه پڇايو ان او نه مروٽو.

46 تئيون سائول فلسطين رئي ڪيڙ ساڌئي ان فلسطي آڀرون علاقون ۾ پاسا ڳيا پرا.

سائول رو ڪوم ان ڪٽڻپ

47 زئبون ٿي سائول اسرائيل مانه پاڌشائي شروع ڪري تئيون ٿي او آڀرون چارون پاهون رون ڏشمٽون ٿي وڌتو ريو. او مواب، عمون ان اڏوم را منڪون، صوباه رون پاڌشائون ان فلسطين ٿي وڌيو. او جيئئه پڻ زاتو اوت رو پوندو هاڙ ڪرتو. 48 ان اُوئه پهادرئي ڪرين عماليقيون نئه مريا جيا اوئون نئه لوتتا ان اسرائيليون نئه اوئون رون هاڻون ٿي سڏايا.

49 سائول را ڏيڪرا اي هتا، يُونَاتَن، اسوي ان ملڪيشوع. اوٿا ري بي ڏيڪري پڻ هتي. موٽي رو نوم ميرب ان نوني رو نوم ميڪل هتو. 50 سائول ري ڏوشي رو نوم اخينوعم هتو، جيئي اخيمعض رئي ڏيڪري هتئي. سائول ري قوج را آڳيوون رو نوم ابنيرو هتو جيو سائول را ڪاڪا نير رو ڏيڪرو هتو. 51 سائول رو ٻاپ قيس ان ابنيرو ٻاپ نير بي ٿي ابي ايل را ڏيڪرا هتا.

⁵² سائول رڻي ٻڌي حياتي فلسطين ۾ ڏور رڻي جنگ ٿيڻي رڻي. زئيون سائول نٿو ڪوڪ پڙوڪو ڪا جوڌو منڪ زڙتو تون اوتڻا نٿو آڀ ڪن راکتو.

عمالِيقون ٿي جنگ

15 سموئيل سائول نٿو ڪيڏو: ”پرميشور مٺو نٿو ميلو تو جي هون تمارا ماڻا مانه تيل نومين پادشا ناوون زم تمي اوتڻا ري اسرائيلي قوم را پادشا ٿيو. تيام هون تمي پرميشور ري واتون هومپرو! ² ڪراوون پرميشور ام ڪه، ’زئيون اسرائيلي مصر ملڪ ٿي نيهر يا تا تئيون مارگ ۾ عماليقيي جيا ڪوم اسرائيلي قوم ٿي ڪريا، هون اوئون رو ڀڏلو ليھ. ³ تيام هون تون زا ان عماليقيون نٿو مار ان او ٻڌوئي ڪئين جيو اوئون رو سٺ هاو تپاه ڪر پرو! اوئون مانه ڏٺيا مت ڪري! تون اوئون رون آدميون، ڏوشيون، سوڪرون، سوڪريون ان ڏاوئون ٻارون نٿو، ٻڙڌون، رييون، اونئون ان ڳڏيڙون نٿو ماري پرا.“

⁴ تئيون سائول قوجيون نٿو تلم شهر ڪن پيرا ڪريا ان اوئون نٿو ڳڻيا. او ٻي لڪ هتا ان ڏه هزار قوجي يهوداه را قبلا را پڻ هتا. ⁵ هون سائول عماليقي قوم وازون را شهر ڪن آيو ان نڌي موئين هتائين ٻيهي ريو. ⁶ سائول اوئن ريا وازون قيني قوم وازون نٿو ڪيڏو: ”تمي اسرائيل رون ٻڌون منڪون مانه ڏٺيا ڪري تئي زئيون او مصر ٿي نيهرين آيا تا. تيام هون تمي عماليقيون موئين ٿي نيهر ي زائو! ام نه تئو جي هون اوئون پيرا تمون نٿو پڻ مراوون پرا.“ تيام قيني عماليقيون موئين ٿي نيهر ي ڳيا.

⁷ پسئ سائول عماليقيون نٿو حويله شهر ٿي لين شور شهر هوڏي ماريا جيو مصر ملڪ را ڏنگ مانه سٺ. ⁸ سائول عماليقيون را پادشا اجاج نٿو جيوتو زهاليو ان پيزون ٻڌون نٿو تروٿار ٿي مرايا پرا. ⁹ پڻ سائول ان اوٿا ري قوج رٽ منڪي اجاج نٿو ان ناوڪي ناوڪي رييون، ٻڙڌ، متارو مال ان گهيتيا جيوتا ساڏيا، ڪم تون او اوئون نٿو ماروا نٿا ڪرتا، پڻ اوئي هر او شينهنون جي ڪيا ڪوم ري نتي ان ڪراپ هتي او هاو تپاه ڪري پري.

ایشور سائول پادشا نئه ساڌي ڏٺھ

¹⁰ تئيون سموئيل مانھ پرمیشور رئي اي ووڻي اوترئي: ¹¹ ”مُون نئه ڏک سئ جي مئين سائول نئه پادشا ٿيا هارو سونديو، ڪم تون او مون وونه نئي وويو ان مارو ڪيڏو نئي مونيو.“ تئيون سموئيل نئه الاهي ڪاوڙ آئي ان او ٻڌي رات پرمیشور ٿي پراٽا ڪرتو ريو. ¹² ان سموئيل هوار رو ويلو اونيئو ان سائول ٿي گهڏا رُونو ٿيو. تئيون سموئيل نئه ڪٻر زڙي جي سائول ڪرمل شهر ۾ ڳيو تو ان اوئه آري يادگيري هارو پوڻو ڪوڙيو تو ان پاسو جلجال شهر ڳيوه پرو. ¹³ زئيون سموئيل سائول ڪن پوڳي ڳيو تئيون سائول ڪيڏو: ”تمون نئه پرمیشور را پاها ٿي آشيرواڌ زڙئه! مئين پرمیشور رو حڪم پورو ڪريوه.“

¹⁴ سموئيل ڪيڏو: ”تون پسئ اي ريئون ان ٻڙڌون رئي ڪيوي ڪاش سئ؟“

¹⁵ سائول ڪيڏو: ”اي عماليقيون ڪن ٿي لي آياه. قوج ري منڪي ناڻوڪي ناڻوڪي ريئون ان ٻڙڌ جيوتا راکيا زم اوئون نئه پرمیشور تمارا ايشور هارو ڏونپ ڪرئ، پڻ پيرو ٻڌو ڪئين امي تپاه ڪريو پرو.“

¹⁶ تئيون سموئيل سائول نئه ڪيڏو: ”ماڻ ڪر ان هومپڙ جي پرمیشور مون نئه رات ڪي ڪيڏو.“

سائول ڪيڏو: ”هَمپڙاو!“

¹⁷ سموئيل ڪيڏو: ”زو! تون آري نظرون ۾ ڪئين نتو. توئي پڻ تون اسرائيلي قوم رون قبيلون رو اڳيون ٿيو. پرمیشور تون نئه اسرائيل رو پادشا ٿيا هارو سونديوه. ¹⁸ پرمیشور تون نئه هڪا ڪوم هارو ام ڪين ميليئو تو جي، ’زا ان ڏوهاري عماليقيون نئه هاو تپاه ڪر! ان زئيون هوڏي او ڪتم نه ٿي زائئ تئيون هوڏي اوئون ٿي وڌتو رئه!‘ ¹⁹ تم پرمیشور رئي وات ڪم نه مونئي؟ ان لوت را مال رئي لالچ ڪم ڪري؟ اي تون پرمیشور هومو ڪراپ ڪوم سئ.“

²⁰ سائول سموئيل نٽه ڪيڏو: ”مئين تون پرميشور رو ڪيڏو مونيو ان جيئنه پرميشور مون نٽه ميلو هون ڳيو ان عماليق را پادشا اجاج نٽه زهالين لي آيوه ان عماليقيون نٽه هاو تپاه ڪريا پرا. ²¹ پڻ لوت رو مال جيو هاو تپاه ڪروو تو اوئا موئين ٿي منڪ نائوڪا نائوڪا گهيتا ان ٻڙه لي آيا زم جلجال ۾ پرميشور تمارا ايشور را نوم مانه سٿاونه.“

²² سموئيل ڪيڏو: ”پرميشور هاڙا مال رو ڏونپ سٿايا ٿي ڪا پيزا ڏون اڀڻ ڪرايا ٿي اتو ڪش نٿي ٿيتو زتو ايئا وات ٿي ڪش ٿئھ جي پرميشور رو ڪيڏو مونو. زوئو! ايشور رو ڪيڏو مونو مال سٿايا ٿي، ان وات مونو گهيتون را هار رو ڏونپ سٿايا ٿي الاهي گهٽو نائوڪو سٽه. ²³ ڪم تون پڳاوت ڪروو ان جاڏوگرئي ڪروو، ٻي ئي هيڪ جيو ڪوم سٽه. وڏائي ڪروو ايوو ڪراپ سٽه زم ڏيو ڏيوٽونون رئي ان مورتيون رئي پوزا ڪروو. ڪم تون تئين پرميشور رو ڪيڏو نه مونيو، تيام اوئھ تون نٽه ساڏي ڏيڏوه جي تون پادشا نه رٽه.“

²⁴ سائول سموئيل نٽه ڪيڏو: ”مئين تون ڏوه ڪريوه. مئين پرميشور را حڪم ان تماري واتون تيام نه مونيو جي هون منڪون ٿي پيئو تيام اوئون رئي وات هومپري. ²⁵ تيام هوئھ هون تمون نٽه منت ڪرونھ جي مارا ڏوه ماڦ ڪرو ان مون پيزا پاسا هالو زم هون زائين پرميشور رئي شيوا ڪرونھ.“

²⁶ پڻ سموئيل سائول نٽه ڪيڏو: ”هون تون پيزو پاسو نئين هالون، ڪم تون تئين پرميشور رو ڪيڏو نٿي مونيو ان پرميشور تون نٽه ساڏي ڏيڏوه جي تون اسرائيل رو پادشا نه رٽه.“

²⁷ زئبون سموئيل پاسو زيا هارو وڙيو، تو سائول اوئا نٽه روڪيا هارو اوئا را چوگا رئي سار زهالني ان اوقاتي ڳئي. ²⁸ تيا مانھ سموئيل اوئا نٽه ڪيڏو: ”همروم پرميشور پڻ اسرائيل رئي پادشائي تمون ٿي آڙ ڪوهين پيزا نٽه ڏيڏيھ پرئي جيو تمون ٿي نائوڪو سٽه.“

²⁹ ياد راکو! ايشور جيو اسرائيلي قوم رڻي شون سڻه اُو نڪو ڪوڙ ٻولڻه ان نڪو پڇتائڻه. ڪم تون اُو منڪ نٿي جي پڇتائڻه.

³⁰ سائول ڪيڏو: ”مئين تون ڏوه ڪريوه. تويي پڻ اسرائيلي قوم رن موتون هومو ان پيزون هومو مارو مون راکو ان مون پيڙا پاسا هالو زم هون پرميشور تمارا ايشور نڻه نمڻ ڪرون.“ ³¹ تيام سموئيل سائول پيڙو پاسو ڳيو ان سائول پرميشور نڻه نمڻ ڪري.

³² تئيون سموئيل ڪيڏو: ”عماليقيون را يادشا اجاج نڻه مون ڪن لي آو.“ تئيون اجاج اي ويچار ڪرين ڪشي ڪشي اوتا ڪن آيوه جي، ”موت رڻي گهڙئي تري ڳيڻه.“ ³³ پڻ سموئيل ڪيڏو: ”زم تاري تروار ڏوشيون نڻه پي اولاد ڪري، همروم تاري مان پڻ پي اولاد ٿيشي.“ ان سموئيل اجاج نڻه جلال ۾ پرميشور هومو ٽڪرا ٽڪرا ڪريو.

³⁴ پسنه سموئيل رامه شهر هومو ڳيو پرو ان سائول آڀري گهري سائول را شهر جيع ۾ ڳيو. ³⁵ ان سموئيل مرتون هوڏي سائول رو مونيڊو وڙي نه زويو، ڪم تون سموئيل سائول هارو ڏکي ٿيتو ريو. ان پرميشور نڻه پڻ ڏک ٿيو جي اوتڻه سائول نڻه اسرائيلي قوم رو يادشا نايو تو.

دائود نڻه يادشا ٿيا هارو سونديڻه

16 پرميشور سموئيل نڻه ڪيڏو: ”تون ڪتاک ڏي سائول هارو ڏکي ٿيتو ريھ؟ هوڻه تون مئين اوتا ٿي اسرائيل رڻي يادشائي ڪوهي ليڏئي. تون شينگڙا ۾ تيل ڀر ان زا! هون تون نڻه بيت لحم شهر واڙا يسي ڪن ميلونھ ڪم تون مئين آپ هارو اوتا رن ڏيڪرون موئين ٿي هڪا نڻه يادشا سونديوه.“

² سموئيل ڪيڏو: ”هون ڪم ڪرين زائون؟ جي سائول نڻه ڪٻر پڙئي، تون مون نڻه مارشي پرو.“

پرمیشور ڪڍڻو: ”هڪ واسڙو آپ پڙو لي زا ان ام ڪي جي، ’هون پرمیشور را نوم مانھ مال ساڙوا آيوھ-‘³ ان يسي نئہ ایشور را نوم مانھ ساڙل مال رو مونھ کاڌا رئي ڏاوت ڏي۔ پسئہ هون تون نئہ همپراويھ جي تارئہ ڪي ڪروو ان جيا رو هون ڪونھ اوتا را ماتا مانھ تيل نومين مون هارو پاڌشا سوندي۔“

⁴ پسئہ سموئيل همروم ڪريو زم پرمیشور ڪڍڻو تو۔ زئيون او بيت لحم پوگيو تئيون شهر را موتا اگيوون پيڻاتا پيڻاتا اوتا نئہ مڙوا گيا ان پونسوا ربا: ”نمي ڪير ٿي آياھ؟“
⁵ اوتہ ڪڍڻو: ”هوئہ، ڪير ٿي آيوھ۔ هون پرمیشور را نوم مانھ مال رو ڏونپ ساڙوا آيوھ۔ تمی آپرا آپ نئہ پوٽر ڪرو ان ڏونپ ڪريا هارو مون پيرا آو۔“ اوتہ يسي نئہ ان اوتا رون ڏيڪرون نئہ پوٽر ڪريا ان اوتون نئہ مال رو ڏونپ سڙيا رئي ڏاوت ڏيڏي۔

⁶ زئيون او آيا تئيون سموئيل يسي را ڏيڪرا الياب نئہ زوئين ويچار ڪريو جي، ”هاس م پرمیشور رو سونيل پاڌشا اي سئہ۔“⁷ پڻ پرمیشور سموئيل نئہ ڪڍڻو: ”تون اوتا را مونيڊا ان ڦڌ نئہ مت زو! مئين تو هيا نئہ نٿي سونديو۔ هون پرمیشور منڪون را زم نٿي زوتو، ڪم تون منڪ ڦڌ پٽ زوئہ پڻ هون پرمیشور من نئہ زوئوئہ۔“

⁸ تئيون يسي ايندباڻ نئہ هاڏ ڏيڏو ان اوتا نئہ سموئيل هومو اويڙبو پڻ سموئيل ڪڍڻو: ”پرمیشور ايئا نئہ پڻ نٿي سونديو۔“⁹ پسئہ يسي سمه نئہ آڳڙ اويڙبو۔ تون سموئيل ڪڍڻو: ”پرمیشور ايئا نئہ پڻ نٿي سونديو۔“¹⁰ همروم يسي آپرون هات ڏيڪرون نئہ سموئيل هوما اويڙبا پڻ سموئيل يسي نئہ ڪڍڻو: ”پرمیشور ايئون نئہ نٿي سونديا۔“

¹¹ پسئہ سموئيل يسي نئہ پونسيو: ”تارا ٻڌائي ڏيڪرا اي سئہ؟“
اوتہ ڪڍڻو: ”ٻڌون ٿي نونو هزون سئہ۔ او ريڊيون سارئہ ريو۔“

سموئيل يسي نئہ ڪڍڻو: ”اوتا نئہ تيڙاو ڪم تون زئيون هوڏي او ايئنه نٿي آوتو آبي روٽي کاوا نئين پيهون۔“¹² تئيون اوتہ اوتا نئہ تيڙايو۔ او هيئت پريو هتو، نيڻ ناڪي

نائوڪو هتو ان رُوپارو هتو۔ پرميشور سموئيل نئه ڪيڏو: ”اوٽ! هايا نئه يادشا نايا هارو هايا را ماٿا مانھ تيل نوم!“¹³ تئيون سموئيل تيل رو شينگڙو ليڏو ان اوٽا رون پايون هومو اوٽا را ماٿا مانھ تيل نومين يادشا تيا هارو سونديوه۔ پسئ سموئيل اونيون ان پاسو آڀري گهري رامه شهر هومو گيو پرو۔ اوٽا ڏي ٿي لين پرميشور رئي آتما دائود مانھ پورا ٻو ٿي اوترتي رئي۔

دائود سائول را ڌرٻار ۾

¹⁴ ان پرميشور رئي آتما سائول ٿي شيتئ ٿي ڳئي ان پرميشور را پاها ٿي هيڪ پونڌي آتما اوٽا نئه تنڳ ڪروا مڌي۔¹⁵ ان سائول ري نوڪري ڪيڏو: ”زوئو، هيڪ پونڌي آتما ايشور را پاھي ٿي تمون نئه تنڳ ڪرئ۔¹⁶ تيام، امارا مالڪ، هوئئ تمي آڀرون نوڪرون نئه حڪم ڏيو جي او هيڪ ايوا منڪ نئه ڳوئئ جيو ڪماسو وڳاڙيا ۾ هوشيار هوئئ ان زئيون پڻ ايشور را پاها ٿي او پونڌي آتما تمون مانھ اوترئ تئيون او ڪماسو وڳاڙئ ان تمي ٺيڪ ٿي زائو۔“

¹⁷ سائول آڀرون نوڪرون نئه ڪيڏو: ”تمي هيڪ نائوڪو ڪماسو وڳاڙيا وارو مون هارو ڳوتو ان اوٽا نئه مون ڪن لي آو!“

¹⁸ تئيون نوڪرون موئين ٿي هيڪئ ڪيڏو: ”مئين بيت اللحم ۾ يسي را هيڪا ڏيڪرا نئه پاربوه جيو ڪماسو وڳاڙيا ۾ هوشيار سئ۔ او جنگي جودو پڻ سئ، وات ڪريا ۾ هوشيار ان رُوپارو سئ۔ ان پرميشور اوٽا پيرو سئ۔“

¹⁹ تئيون سائول منڪون هات يسي نئه اي ڪي ميليو: ”ٿارا ڏيڪرا دائود نئه مون ڪن ميل جيو ريون سارئ۔“²⁰ تئيون يسي آڀرا ڏيڪرا دائود نئه هيڪا ڳڏيڙا مانھ رَوونو ڪريو ان سائول هارو روتي، انگڙور را رس رئي هيڪ هنڌاري ان هيڪ چيلو ڏي ميليو۔²¹ هوئئ دائود سائول ڪن آوين اوٽا هارو ڪوم ڪروا ريو۔ او سائول نئه الاهي نائوڪو لاڳيو ان

سائول را هٿيار اُپاڙيا وازو ٿي ڳيو. ²² ان سائول يسي نئه ڪي ميليو: ”دائود نئه مون ڪن ريو دئه ڪم تو او مون نئه الاهي نائوڪو لاڳئه.“

²³ زئيون او پونڌي آتما ايشور را پاها ٿي سائول مانه اوترتي تيئون دائود ڪماسو وڳاڙتو ان سائول نئه شونتي زرتي. ام او نيك ٿي زاتو ان او پونڌي آتما اوئا موئين ٿي نيهر ي زاتي.

فلسطيني قوم رو جُوليت اسرائيليون نئه للڪارھ

17 هوئه فلسطيني جنگ ھارو آپري قوج پيرئي ڪري ان يهوداه را علاقا ۾ شوڪه نومي شهر ڪن پيرا ٿيا ان شوڪه ان عزيقه شهرن وسا افسدميم شهر ڪن تنبو ڪوڙيا. ² سائول ان اسرائيلي قوم را منڪ پيرا ٿيا ان ايله ري ڳاٽر ۾ تنبو ڪوڙيا ان جنگ ھارو فلسطينيون هوما قطارون ۾ اُپي ريا. ³ ان هیکا پاها را ڏونگر مانه فلسطيني ان پيرا پاها را ڏونگر مانه اسرائيلي اُپيا تا ان ايئون بيئون وسا کائي هتي.

⁴ هوئه فلسطينيون ري قوج موئين ٿي هيك جنگي جوڌو نيهر يو جيا رو نوم جُوليت هتو. اوجات شهر رو هتو. اوئا رو قد نوڦت ٿي پڻ وڌار هتو. ⁵ اوئا را ماتا مانه پيترو رو توپ هتو ان اوئا رئه پيترو رو ڀڳتو پيرل هتو جيا رو وزن لڳ ڀڳ ستونجاه ڪلو هتو. ⁶ اوئا رون ڀڳون مانه پيترو را ڀڳتو ٻونڌل هتا ان اوئا رون بيئون ڪوون وسا پيترو رو سرو ٻونڌل هتو. ⁷ اوئا را پالا رئي لاکڙي چرڪا ري لاکڙي جيوي ڏاڍي ان ڏاڍي هتي ان اوئا را پالا رو شروع وازو حصو لوھ رو ناول هتو جيا رو وزن هات ڪلو هتو ان هيك منڪ ڍال اُپاڙين اوئا مور مور ویتو.

⁸ جُوليت اُپين اسرائيل ري قوج نئه ڌڙڪا ٿي ڪيدو: ”تمي جنگ ڪريا هارو تيار ٿين امهي ڪم اُپياھ؟ هون تو فلسطيني سون پڻ تمي سائول را شيواڌاري سو. تمي ڪياڪ هیکا منڪ نئه سونڊو جيو ميدون ۾ آوين مون ٿي وڌو. ⁹ جي او مون ٿي وڌو ان مون نئه

ماري نوڪڻه تون امي تمارا ڳلوم ٿي زاشون. پڻ جي هُون اُوڻا نئه هراوين ماري نوڪونه تون تمي امارا ڳلوم ٿي زايا ان امارئي شيوا ڪريا!“¹⁰ ان اُوڻه فلسطيني اسرائيلي قوج نئه ام پڻ ميوڻو ڏيتو: ”او اسرائيلي قوج وازون! تمون موئين ڪوئي مڙس هوئه تون ميلو زم اُو مون ٿي مقابلو ڪرئ.“¹¹ زئين سائول ان ٻڌي اسرائيلي اُوڻا فلسطيني ري واتون هومپري تئين پريشون ٿيا ان الاهي پيئائي ڳيا.

دائود ان جاتي جوليت

¹² دائود يهوداه علاقا را بيت اللحم شهر ۾ ربا وارا هڪا افراتي رو ڏيڪرو هتو جيا رو نوم يسي هتو. يسي را آڻ ڏيڪرا هتا ان اُو سائول را زمونا ۾ گهرڊو ان موٽي عمر رو ٿي ڳيو تو.¹³ هوئه يسي را موتا ترڻ ڏيڪرا سائول پيرا جنگ ۾ ڳيا جيون را نوم اي هتا، الياب جيو مويي هتو، پيزو اينداب ان ترڻو سمه.¹⁴ هائي ترڻ ٿي موتا ڏيڪرا سائول پيرا ڳيا تا. دائود ٻڌون ٿي نونو هتو¹⁵ ان اُو سائول ڪن ٿي پاسو بيت لحم زاتو ان آڀرا ٻاپ ري رييون سارتو.

¹⁶ هوئه اُو فلسطيني چاليه ڏي هونز هوار آوين ميٺا ڏيتو ريو.

¹⁷ هڪ ڏي يسي آڀرا ڏيڪرا دائود نئه ڪيتو: ”تُون اڌڪ مڻ شيڪل ڌون ان اي ڏه روتي تارون پايون نئه جلدتي تنبوئون ۾ پوڳاڙ!“¹⁸ ان اوئون ري تولي را آڳيوون هارو ماوا ري اي ڏه ٽڪي لي زا ان زوئي آو جي تارون پايون رو ڪي حال سئ ان اوئون ٿي ڪئينڪ نشونئي لي آوي!“

¹⁹ سائول ان دائود را پائي ان ٻڌائي اسرائيلي منڪ فلسطينيون ٿي جنگ هارو ايله ري ڳاتر ۾ پيرا ٿيل هتا.

²⁰ دائود هوار رو ويلو اُونيو ان رييون ڌراڙ ڪن ساڌين يسي را حڪم پرموئنه ٻڌوئي ڪئين لين روونو ٿيو. جئه توئنه اُو تنبوئون ۾ پوڳيو تئه توئنه قوج جنگ هارو نارا هئئي

زاتئي ٿئي. ²¹ هوڻه اسرائيليئي ان فلسطيني آبرئي آبرئي قوج هوم هومئي قطارون ۾ اُڀاڙئي. ²² ان دائود قوج رو شيمون همپاريا وارا ڪن آبرو شيمون ساڏين آفوكو قوجيون ڪن گيو ان زائين آبرون پايون ٿي ڪبر چار ليوا ريو. ²³ اُو هزون اوئون ٿي واتون ڪرتو تو تئيون جات شهر رو او فلسطيني جوڌو جيا رو نوم جوليت هتو فلسطينون ري قوج موئين ٿي نيهريو ان اوڻه وڙي او ئي واتون ڪري. ان دائود او واتون هومپري. ²⁴ ٻڌائي اسرائيلي منڪ اوڻا آدمي ننه پارين الاهي پيڻائي گيا ان اوڻا هوما ٿي پاگيا. ²⁵ اسرائيلي منڪ آيت ۾ ام ڪيتات ربا: ”تمي اوڻا آدمي ننه زوئوھ جيو هومو اُڀوه، ڪي؟ هائي اسرائيليون رئي پيعزتي ڪروا آيوھ. تيا هارو جيو ڪوئي اوڻا ننه ماري نوڪشي، اوڻا ننه پاڌشا دولت ٿي مالا مال ڪرشي ان آبرئي ڏيڪري اوڻا ننه پرتاوشي ان اسرائيل وسا اوڻا را ٻاپ رئي اڪائي پاڌشا رئي هر نمونا رئي شيوا ڪريا ٿي آزاد هوشي.“

²⁶ دائود اوئون منڪون ننه پونسو جيا اوڻا ڪن اُڀا تا: ”جيو آدمي ايڻا فلسطيني ننه مارين هيا پيعزتي رو ڪارڻ اسرائيل ٿي شيتنه ڪرڻ، اوڻا ننه ڪي زڙشي؟ ايڻا فلسطيني رئي توهر پڻ نٿي ٿيل! هائي آبرا آپ ننه ڪي هزمڻه جي جيوتا ايشور ري قوج رئي پي عزتي ڪرڻ؟“ ²⁷ منڪي اوڻا ننه او هاڳي جواپ ڏيڌو جي جيو اوڻا آدمي ننه ماري نوڪڻه اوڻا ننه اي اي زڙشي.

²⁸ هوڻه دائود رڻه ٻڌون ٿي موئنه پائي الياب دائود ننه منڪون ٿي واتون ڪرتون هومپريو. تئيون الياب ننه دائود مانھ الاهي ڪاوڙ سڙئي ان اوڻه ڪيڏو: ”تون اتي هوڏي ڪم آيوھ؟ او توڙڪيڪ ريڊيون سڻ، او تون ميدون ۾ ڪيا ڪن ساڏين آيوھ رو؟ هون تون ننه اوڙكونھ جي تون آبرا آپ ننه ڪتو موتو هزمڻه. مون ننه تو ڪبر سڻه جي ٿارا من موئين ڪيوي ڪراپ واتون سڻه. تون تو جنگ زووا آيوھ.“

²⁹ دائود ڪيڏو: ”مئين ڪي ڪريوھ؟ هون وات پڻ نه ڪرون؟“

³⁰ پسنه داؤد آپرا پائي ڪن ٿي پيڙهه پاهه ڳيو ان همروم واتون ڪروا مڏيو ان منڪي
اوتاهه نه وڙي پيرهن را زم جواپ ڏيڏو. ³¹ ان ڪئينڪ منڪي داؤد ري او واتون هومپري
ان زائين سائول نه همپراوي ان پسنه سائول اوتاهه نه تيڙايو.

³² ان داؤد سائول نه ڪيڏو: ”اوتاهه آڏمي ري ڪري ڪيا نه پيڙايا ري ضرورت نٿي.
هون تمارو شيواڌاري آپ اوتاهه فلسطي ٿي وڍوا زائيه.“

³³ سائول داؤد نه ڪيڏو: ”تون ايڏا قابل نٿي جي اوتاهه فلسطي ٿي وڍهه، ڪم تو تون
هرون ٻار سئو ان او ٻاراپن ٿي جنگي آڏمي سئو.“

³⁴ تئين داؤد سائول نه جواپ ڏيڏو: ”هون تمارو شيواڌاري آپرا ٻاپ ري ريڊيون سارونه
ان زئين ڪوئي شينه ڪا رچ ولر ۾ آوين ڪوئي گهيتو اوڀاڙين لي زاتو، ³⁵ تئين هون
اوتاهه لار زائين اوتاهه نه مارتو ان گهيتا نه اوتاهه را مونڊا ٿي سڏاوين لي آوتو. زئين ڪوئي
شينه ڪا رچ مون مانه حملو ڪرتو، تو هون اوتاهه نه زاري ۾ زهالين ماري نوڪتو. ³⁶ تارنه
شيواڌاري شينه نه ان رچ نه پڻ ماريهه. تيام اي فلسطي جيو ايشور نه نٿي مونتو او پڻ
هايون جيوو ٿيشي، ڪم تون اوته جيوتا ايشور ري قوج ري پي عزتي ڪريهه.“ ³⁷ پسنه
داؤد ڪيڏو: ”پرميشور مون نه شينه ان رچ رون پنجون ٿي پچايوهه. او ئي مون نه ايڏا
فلسطي را هات ٿي پچاوشي.“

تئين سائول داؤد نه ڪيڏو: ”زا! پرميشور تون پيرو رهه!“
³⁸ تئين سائول آپرا جنگي وستر داؤد نه پيرايا ان پيترو رو توپ اوتاهه را ماتا مانه
راڪيو ان اوتاهه نه ٻڳتر پڻ پيرايو. ³⁹ تئين داؤد اوئون لوگهڙون مانه سائول ري تروئار
پڻ بوندئي. پڻ داؤد هائي ٻڌو ڪئين پيرين وي نه هيڪيو ڪم تو اوته او شينهن پيرهن
ڪيڏي نتي پيري. تئين داؤد سائول نه ڪيڏو: ”هون اي ٻڌي پيرين وي نٿي هيڪتو ڪم
تو مئين ايئون نه پيرهن ڪيڏي نٿي پيري.“ تيام داؤد او ٻڌو ڪئين اُتاريو پرو. ⁴⁰ تئين

اَوَئِهَ اَپَرِي هَوَتِي اَپرا هات ۾ لِيَتِي ان زائينَ ڪائي واري نڌي ٿي پونس لاهڻ پوڻا ويٺينَ ڌراڙون واري ٿيلي ۾ نوڪيا جئي اَوَئا ڪن هتِي ان اَوَئا رهي ڳوڻن اَوَئا را هات ۾ هتِي. پسئ اَوَئا اَوَئا فلسِتي هومو ڳيو.

41 هَوَئِه اَوَئا فلسِتي آڳڙ وڌينَ دائود هومو آيو ان اَوَئا را هتيار اُپاڙيا وازو اَوَئا مور مور هتو. 42 اَوَئا فلسِتي ڌيونَ ٿي تائينَ زويو، تون اَوَئا نئہ دائود ڏيکوڻو. اَوَئا دائود نئہ هاوَ گهت هَزميو، ڪم تو اَوَئا ڳورو ان رُوپارو سوڪرو هتو.

43 تئينَ فلسِتي دائود نئہ ڪيڏو: ”ڪي هون ڪوترو سون جي تون هوتِي لينَ مون هومو آيوه؟“ ان اَوَئا فلسِتي اُپرون ڌيونَ را نوم لينَ دائود نئہ پتو. 44 تئينَ اَوَئا دائود نئہ ڪيڏو: ”تون مون ڪن آوَ! هون تارو مونھ جهنگلي زناورون ان گهڙڏون نئہ ڪوراويه.“

45 دائود اَوَئا فلسِتي نئہ ڪيڏو: ”تون تروڻار، پالو ان سرو لينَ مون ڪن آوَھ ريو پڻ هون ڪراوون پرميشور را نوم ٿي تون ڪن آونھ ريو، جيو اسرائيل ري قوج رو ايشور سئ، جيا رهي تئينَ پيڙتِي ڪريھ. 46 ان آڙ پرميشور تون نئہ مارا هات ۾ ڏيشي رو ان هون تون نئہ مارينَ تارو ماڻو تارا ڌڙ ٿي ڌار ڪريھ پرو. ان هون آڙ رئہ ڏي فلسِتي قوج ري لاشون جهنگلي زناورون ان گهڙڏون نئہ ڪوراويه، زم ڏنيا زوڻي لئہ جي اسرائيل ۾ ايشور سئ. 47 ان اي ٻڌا منڪ زوڻي لئہ جي پڇايا وازو پرميشور آپ سئ، اَوَئا نئہ تروڻار ان پالا رهي ضرورت نٿي هوتِي. ڪم تون جنگ ۾ جيت تون پرميشور رهي سئ ان اَوَئا تون نئہ امارا هات ۾ ڪشي پرا.“

48 هَوَئِه ام ٿيو جي اَوَئا فلسِتي آڳڙ وڌيو ان دائود ٿي مُقايلا هارو ڏوڪڙو آيو. تئينَ دائود پڻ جلدِي ٿي اَوَئا فلسِتي ٿي مُقابلو ڪروا ڏوڙيو. 49 دائود اُپرو هات ٿيلي ۾ نوڪينَ اَوَئا موئينَ ٿي هيڪ پوڻو ليدو ان ڳوڻن ۾ راکينَ اَوَئا فلسِتي را ماتا ۾ هڻيو ان اَوَئا پوڻو اَوَئا را ماتا موئينَ ڪُپي ڳيو ان اَوَئا زمي مانھ مونڊا وروڻو پڙيو نو. 50 هيوئہ نمونئہ دائود اَوَئا

ڳوٺن ان اُٺا پوٺا ٿي اُٺا فلسطيني نٿه هرايو ان اُٺا نٿه ماريو پرو- ٿيو ام جي دائود را هات ۾ تروٺار نٿي. ⁵¹ تيام اُٺه ڊوڙي زائين اُٺا فلسطيني رٿي تروٺار ميٺ ٿي توئين ڪاڍي ان اُٺا نٿه اُٺا ري ٿي تروٺار ٿي ماري نوڪيو ان اُٺا رو ماٿو واڍيو پرو-

زئين فلسطيني هائي پاڙيو جي اوئون رو جنگي جوڌو مرئي ڳيوه تئين او پاڳيا. ⁵² تئين يهوداه رو قبيلو ان اسرائيلي قوم رون پاڳي قبيلون را ٻڌائي منڪ اوٺيا ان نارا هئين جات شهر هوڏي ان عقرون شهر را پاڳر هوڏي فلسطيني نٿه مارتا ڳيا. فلسطيني ري لاشون شعريم را مارڳ ۾ جات ان عقرون شهرن هوڏي پڪڙل پڙي تي. ⁵³ تئين اسرائيلي قوم را منڪ فلسطيني نٿه ساڌين پاسا وڙيا ان اوئون رون تنبئون نٿه لوٺيا. ⁵⁴ دائود اُٺا فلسطيني رو ماٿو يروشلم شهر ۾ لي آيو ان اُٺا رون هٿيارون نٿه آڀرا تنبو ۾ راڪيا پرا-

دائود رٿه سائول هومو پيش ٿيو

⁵⁵ ايٺا ٿي پيرھين، زئين سائول دائود نٿه اُٺا فلسطيني رو مقابلو ڪريا هارو زاتون پاڙيو تو تئين اُٺه قوج را آڳيون ابنير نٿه پونسبو: ”ابنير! هائي ڪيا رو ڏيڪرو سٺ؟“ ابنير ڪيڏو: ”جيئن ڀادشا، تمارو هون هون هايا نٿه نٿي اورڪتو-“

⁵⁶ تئين ڀادشا ڪيڏو: ”تون ڪپر ڪاڍ جي اي جوڻ ڪيا رو ڏيڪرو سٺ-“

⁵⁷ هوٽه زئين دائود اُٺا فلسطيني نٿه مارين پاسو آيو رو تئين ابنير اُٺا نٿه سائول ڪن تيڙي ڳيو، ان دائود را هات ۾ فلسطيني رو ماٿو هتو. ⁵⁸ تئين سائول اُٺا نٿه پونسبو: ”تون ڪيا رو ڏيڪرو سٺ؟“

دائود جواب ڏيڏو: ”هون تمارا شيواداري يسي رو ڏيڪرو سون، جيو بيت لحم شهر ۾ رٿه-“

يُونَاتَنَ ان دَاؤُد رَئِي دُوسَتِي

18 زئيون دَاؤُد سَاؤُل ٿِي واتون ڪري ريو تو يُونَاتَنَ رو مَنَ دَاؤُد ٿِي لاڳي ڳيو ان يُونَاتَنَ اُوئا ٿِي آڀرئ پراپر پريم ڪروا مڏيو. ² سَاؤُل اُوئا ڏي ٿِي دَاؤُد نئہ آپ ڪنَ راڪيو ان اُوئا نئہ نوڪرِي ساڏينَ پاسو آڀرا ٻاپ ري گهري زاوا نہ ڏيڌو. ³ يُونَاتَنَ ان دَاؤُد هيڪا پيزا ٿِي دُوسَتِي رو وائيڌو ڪريو ڪم تون يُونَاتَنَ اُوئا ٿِي آڀرئ پراپر پريم راکتو. ⁴ تئيون يُونَاتَنَ آڀرو گهنگهو اوتارينَ دَاؤُد نئہ ڏيڌو ان آڀرا گهنگها پيڙي آڀري تڙوئا، آڀري دنوڙي ان آڀري ڪڙ رو پتو پڻ ڏيڌو. ⁵ هَوئہ جيئہ تيتئہ سَاؤُل دَاؤُد نئہ ميلتو اُو زاتو ان عقل ٿِي ڪوم ڪرتو ان سَاؤُل اُوئا نئہ جنگي منڪون مانہ آڳيون راکيو ان اي وات ٻڌون منڪون ان سَاؤُل را ٻڌون نوڪرون نئہ نائوڪي لاڳي.

سَاؤُل دَاؤُد مانہ ريشي پڙھ

⁶ دَاؤُد رئہ اُوئا فلسِتي نئہ ماريا ڪيڙ، زئيون سَاؤُل پاڌشا ان اُوئا ري قوج را منڪ جنگ ٿِي پاسا آيا، تئيون اسرائيل رون ٻڌون شھرون ٿِي ڏوشي ڳيت ڳاوتي ان رمتي ڪشي ٿِي ڌڦ ان پاڇا وڳاڙتي سَاؤُل پاڌشا را آڌرمون هارو نيھري. ⁷ ان اُو ڏوشي رمتي رمتي ام ڳاوتي تي: ”سَاؤُل هزارون نئہ ماريها! دَاؤُد لڪون نئہ ماريها!“ ⁸ اي وات سَاؤُل نئہ الاهي ڪراپ لاڳي ان اُوئہ ڪاوڙ ۾ ڪيڌو: ”اُوئي دَاؤُد هارو تون لڪ ڪيڌو: ان مون هارو رُوڳو هزار. ٻڌوئي ڪئين تون اُوئا نئہ زڙي ڳيوھ. پاڌشائي شوا پيزو ڪي ريوھ؟“ ⁹ ايئا هارو اُوئا ڏي ٿِي سَاؤُل نئہ دَاؤُد مانہ شڪ ٿيو.

¹⁰ پيزئہ ڏي زئيون سَاؤُل گهري هتو تون ايشور را پاها ٿي هيڪ پُونڌي آتما سَاؤُل مانہ زور ٿي اوترِي تون اُو ڏوٿوا ريو ان ووئي ڪروا ريو. روز را زم دَاؤُد ڪماسو وڳاڙتوت ريو. هَوئہ سَاؤُل را هات ۾ پالو هتو. ¹¹ تون سَاؤُل ام ويچار ڪرين پالو هتيو جي، هُون

دائود نٽه پينٽ پيڙو پرويه پرو. پڻ دائود اوتاهوما ٿي هيڪل ٿي ڳيو. ان پيڙي وار پڻ همروم ٿي ڳيو، جي سائول پالو هٿيو، پڻ دائود پڇي ڳيو.

¹² سائول دائود ٿي پيڻاتو ڪم تو پر ميسور دائود پيڙو هتو ان سائول نٽه ساڌي ڏيڌو تو. ¹³ تيام سائول اوتاهوما نٽه آب ڪن ٿي ڌار ڪرين اوتاهوما نٽه هيڪ هزار قوجيون مانها آڳيون راکيو ان او جنگ وديا م اوئون رئي آڳيون ڪرتو. ¹⁴ دائود جئين پڻ ڪرتو او عقل ٿي ڪرتو ان پر ميسور اوتاهوما پيڙو هتو. ¹⁵ زئين سائول زوبو جي او عقل ٿي ڪوم ڪرئ تئين او اوتاهوما ٿي ماڳنه گهڻو پيئاوا ريو. ¹⁶ پڻ اسرائيل ان يهوداه را ٻڌائي منڪ دائود نٽه پريم ڪرتا ڪم تون او جنگ م اوئون رئي آڳيون ڪرتو.

سائول دائود نٽه آپري ڏيڪري پرتاوتھ

¹⁷ تئين سائول دائود نٽه ڪيڌو: ”زو! هون آپري موتي ڏيڪري ميرب تون نٽه پرتاويھ. تون روڳو مون هارو پهاڌر تڻه ان پر ميسور ري جنگون وڌ!“ سائول هم ڪيڌو ڪم تون او ام ويچارو جي، او ماري هاڻي نئين پڻ فلسطين ري هاڻي مرائي زائھ! ¹⁸ تيا مانها دائود سائول نٽه ڪيڌو: ”هون ڪون سون ان اسرائيلي قوم م مارا ٻاپ ري اڪائي رئي هيٺ ڪي سڻه جي هون پاڌشا رو زمائي تيون؟“ ¹⁹ تيام زئين توڻو آيو تئين سائول ري ڏيڪري ميرب رو ويوا دائود ٿي نئين پڻ ابل محولا نومي شهر را ربا وارا عدري ايل ٿي ڪريو پرو.

²⁰ هوئھ سائول رئي ڏيڪري ميڪل دائود ٿي پريم ڪرتي. زئين سائول نٽه هاڻي ڪبر پڙي تئين او هيا وات ٿي ڪش ٿيو. ²¹ تئين سائول ويچارو، ”هون مارئي ڏيڪري اوتاهوما نٽه ڏيه زم او دائود هارو قاهي تڻه ان او فلسطين ري هاڻي مرائھ.“ ايئا هارو سائول دائود نٽه ڪيڌو: ”هون تون نٽه وڙي زمائي تيا رو موقعو ڏيونھ.“ ²² ان سائول آپرون شيواڌاريون نٽه ام حڪم ڏيڌو: ”دائود ٿي ماٺ ماٺ م وات ڪرو ان اوتاهوما نٽه ام ڪو

جي، 'زوئو، پادشا تمون ٿي ڪُش سڻه ان اُئا رون ٻڌون نوڪرون نڻه پڻ تمي نائوڪا لاڳوه تيام هونءِ تمي پادشا را زمائي ٿي زائو!'" ²³ تئيون سائول ري نوڪري اي واتون دائود نڻه همپراوي. تئيون دائود لين ڪيڌو: "پادشا رو زمائي ٿيوو تمون نڻه ڪي هورئي وات لاڳهه؟ هون گريپ منڪ سون ان مارو ڪئين مون ٿي نٿي."

²⁴ تئيون سائول ري نوڪري سائول نڻه همپرايو جي دائود ام ام ڪهه ريو. ²⁵ تئيون سائول ڪيڌو: "تمي دائود ٿي ڪيا جي، 'پادشا پئها نٿي مونگتو. اُئا نڻه روڳو اي ڪپهه جي تمي هو فلسطينون رئي توهر ڪرين اُئون ري وادل ڪالون اُئا نڻه ڏيو، زم پادشا را دشمنون ٿي پڌلو ليڌو زائو." سائول رو ارادو اي هتو جي دائود نڻه فلسطينون ري هائي مراوي نوڪه. ²⁶ زئيون اُئا ري نوڪري هائي وات دائود نڻه ڪيڏي تئيون دائود پادشا رو زمائي ٿيا هارو راجي ٿيو. ڏيڏل ڏي پورا ٿيا ٿي مور مور ²⁷ دائود آڀرون منڪون نڻه لين روونو ٿيو ان بي هو فلسطيني ماري نوڪيا ان اُئون رئي توهر ڪراوي. هم دائود فلسطينون ري هيڪ هو نئين پڻ پوري بي هو ڪالون پادشا نڻه ڏيڏي، زم او پادشا رو زمائي ٿه. تئيون سائول آڀري ڏيڪري ميڪل اُئا نڻه پراوئي.

²⁸ هونءِ سائول هائي ٻڌو ڪئين زوين اوڙڪي گيو جي پرميشور دائود پيرو سڻه ان اينا رئي ڏيڪري ميڪل پڻ اُئا ٿي پريم ڪهه. ²⁹ تيا ري ڪري سائول دائود ٿي الاهي گهڻو پئاوا ريو ان هميش هارو دائود رو دشمن ٿي گيو.

³⁰ هونءِ فلسطينون را آڳيون زئيون پڻ اُئون ٿي جنگ ڪرو آوتا تئيون سائول رون پيزون ٻڌون نوڪرون ٿي وڌارءِ دائود گهڻو عقل ٿي جنگ ڪرتو جيا ٿي اُئا رو مون الاهي وڌي گيو.

سائول دائود نٽه ستاوڻه

19

هونئ سائول آڀرا ڏيڪرا يوناتن ان آڀرون ٻڌون وڌيرون نٽه اي حڪم ڏيڻو: ”دائود نٽه ماري نوڪو!“ پڻ سائول رو ڏيڪرو يوناتن دائود ٿي الاهي کُش هتو. ² تيام يوناتن دائود نٽه ڪيڏو: ”مارو ٻاپ تون نٽه مارو ڪرڻه. تيام تون آڀرو ڪيال راڪي ان هوار رو ڪياڪ ايونئ ماڳ هٽائي زائي جيا رڻي ڪيا نٽه ڪٻر نه هونئ. ³ پسئ هون آڀ مارا ٻاپ پيرو اوڻا ميدون ۾ آويھ جيئنه تون هٽال هوئيھ ان پسئ هون آڀ مارا ٻاپ ٿي ٿارا پارام وات ڪريھ. ان جي مون نٽه ڪئين ڪٻر پڙئي تون تون نٽه همپراويھ.“

⁴ هونئ يوناتن آڀرا ٻاپ سائول ٿي دائود را وڪوڻ ڪريا ان ڪيڏو: ”ڀاڏشا جي، ام نه ٿنه جي تمي آڀرا شيواڌاري دائود نٽه مارين ڏوهاري ٿيو! ڪم تو اوئنه تمارو ڪوئي ڏوه نٿي ڪريو پڻ اوئنه تون تمون هارو الاهي ناڻوڪا ڪوم ڪرياه. ⁵ ان اوئنه آڀرو جيو ڪترا ۾ نوڪين اوڻا فلسٽي نٽه ماري نوڪيو. هيونئ نمونئ پرميشور ٻڌون اسرائيليون نٽه ڀڄايا. هائي زوئين تمي کُش ٿيا. هونئ تمي ڪم دائود نٽه مارين پي ڏوهي را ڪون را ڏوهاري ٿيو ڪروھ؟“

⁶ ان سائول يوناتن رڻي وات مونئي ان هون ڪائين ڪيڏو: ”جيوتا پرميشور رو هون اوڻا نٽه ڪوئي نئين مارئھ.“ ⁷ تئين يوناتن دائود نٽه هاڏ ڪريو ان او ٻڌي واتون اوڻا نٽه همپراوي. پسئ دائود نٽه سائول ڪن تيڙي ڳيو ان دائود پيرهين را زم اوڻا ڪن شيوا ڪروا مڏيو.

⁸ تيا ڪيڙ وڙي جنگ ٿي ان دائود فلسٽيون ٿي وڊيا هارو نيهريو. دائود اوئون را الاهي منڪ ماري نوڪيا ان او اوڻا هوما ٿي پاڳي ڳيا.

⁹ هيڪ ڏي سائول آڀرا گهر ۾ آڀرو پالو هات ۾ لين پينو تو تئين پرميشور را پاها ٿي هيڪ پونڌئي آتما اوڻا مانھ اوترئي. اوئنه توئنه دائود ڪماسو وڳاڙتو تو. ¹⁰ تئين سائول

دائود ننه پالا ٿي پينت پيڙو پڙووا ڪريو پڻ اُو هوما ٿي هيڪل ٿي گيو ان پالو پينت ۾ ڪڍي گيو. اُوته ئي رات دائود پڇين پاڳي گيو.

¹¹ هُوته سائول دائود ري گهري ڪئينڪ منڪ ميليا زم اُوئا مانھ نظر راکڻه ان هوار رو اُوئا ننه ماري نوڪڻه. ايئا هارو دائود ري ڏوشي ميڪل اُوئا ننه ڪڍڻو: ”جي آڙ رات تمڀي آڀرو جيو پڇايا هارو نه پاڳيا، تون هواري مرئي زاشو.“ ¹² ان ميڪل دائود ننه ڌري ٿي نيسو اوتاريو ان اُو پاڳين پڇي گيو. ¹³ پسئ ميڪل هيڪ مورتئي لين کات مانھ هُوئاري ان ٻاڪريون ري ويگر رو اوڻيو مٿوتئي راکين اُوئا ننه لوگهڙا ٿي ڍونڪيو پرو. ¹⁴ زئون سائول را منڪ دائود ننه زهاليا هارو آيا تئين اُوته ڪڍڻو: ”اُو پيمار سئ.“

¹⁵ تيا ڪيڙ وڙي سائول ڪئينڪ منڪون ننه ام ڪين دائود ننه زووا ميليا: ”اُوئا ننه کات هُوڏو مون ڪن اُوپاڙين لي آو، تون هون اُوئا ننه ماري نوڪڻه.“ ¹⁶ پسئ زئون اُو منڪ دائود ري گهري گيا تئين زوبو جي کات مانھ مورتئي پڙيھ ان اُوئا ري مٿوتئي ٻاڪريون ري ويگر رو اوڻيو سئ.

¹⁷ تيا ڪيڙ پسئ سائول ميڪل ننه ڪڍڻو: ”تئين مون ٿي ايوو ڏڳو ڪم ڪريوھ؟ تئين مارا ڏشم ننه پڇايوھ ان پڳڙايوھ پرو.“

ميڪل سائول ننه جواپ ڏيڻو: ”اُوته مون ننه ڪڍڻو، مون ننه زاوا ڏئ! مون ننه مڇپور مت ڪر جي هون تون ننه ماري نوڪڻ.“

¹⁸ زئون دائود پاڳين پڇي گيو، اُو رامه شهر ۾ سموئيل ڪن گيو ان جئين ڪئين سائول اُوئا ٿي ڪريو تو اُو ٻڌوئي اُوئا ننه همپڙايو. تئين دائود ان سموئيل ٻي ئي سنتون را آشرم هوما گيا ان اُوته ريو ربا. ¹⁹ هُوته سائول ننه ڪٻر زڙي جي دائود رامه را علاقا ۾ آشرم ۾ سئ. ²⁰ تون سائول دائود ننه زهاليا هارو ڪئينڪ منڪ ميليا تئين اُوئي زوبو جي ايشور رو نياپو ڏيڏا واڙون رو توڙو ووئي ڪرھ ريو ان سموئيل اُوئون رو آڳوون ٿين اُوپوھ.

تئين ايشور رئي آتما سائول رون منكون مانھ اوترئي ان او پڻ ايشور را پاھا ٿي آگم ووٽي
 ڪروا ربا. ²¹ ان زئين سائول نٽھ اي ڪپر زڙئي تون اوئھ ڪئينڪ پيزا منڪ ميليا ان او پڻ
 ايشور را پاھا ٿي آگم ووٽي ڪروا مڌيا. تون پسئھ سائول ترٽمي وار وڙي منڪ ميليا ان
 او پڻ ايشور را پاھا ٿي آگم ووٽي ڪروا مڌيا. ²² تئين او آڦوڪو رامھ شھر ھومو گيو ان
 اوئا موٽا تراو مانھ جيو سيڪو ۾ سئھ پوگيو ان پونسوا مڌيو: ”سموئل ان دائود ڪيٽھ
 سئھ؟“ تون ڪٽيڪ اوئا نٽھ ڪيڏو: ”او تون رامھ شھر ڪن آشرم ۾ سئھ.“ ²³ تمارئي
 صلاح نيڪ تئين او رامھ شھر را آشرم ھومو گيو ان ايشور رئي آتما اوئا مانھ پڻ اوترئي
 ان او ويتو ويتو ووٽي ڪرتو رامھ را آشرم ۾ پوگيو. ²⁴ تون اوئھ ڏن ۾ آوين آپرا لوگھڙا
 اوتاريا ان او پڻ سموئل ھوم ھومو ايشور را پاھا ٿي ووٽي ڪروا مڌيو ان او پورو ڏي ان
 پورئي رات اوگھڙو پڙيو ريو. ايئا ھارو اي ڪيٽئي وويئي جي ”سائول پڻ ايشور رو نياپو
 ڏيڏا وارون موٽيليو سئھ، ڪي؟“

يوناتن دائود رئي مدت ڪرھ

20 ھوئھ دائود رامھ را آشرم ٿي پاگيو ان يوناتن ڪن زائين ڪيا مڌيو: ”مئين ڪي
 ڪريوھ؟ مارئي ڪي ڳلتيئي سئھ؟ مئين تارا ٻاپ رو ڪي ڏوھ ڪريوھ جي او
 مارو جيو لبوا ڪرھ؟“

² يوناتن اوئا نٽھ ڪيڏو: ”ھم نئين ٿئھ. زو، مارو ٻاپ ڪوئي پڻ نونو ڪا موٽو ڪوم
 ھوئھ تون مون نٽھ ھمپڙايا وڳر نٽي ڪرتو. ايئا ھارو مارو ٻاپ ايئا وات نٽھ مون ٿي ڪم
 ھٽاڙشي؟ او ام نئين ڪرھ.“

³ تئين دائود ھون ڪائين ڪيڏو: ”تارو ٻاپ نائوڪئھ ڍاڙھ زوئھ جي مون مانھ تارئي
 ڏيا رئي نظر سئھ. ايئا ھارو او ويچارو ھوشي جي ’يوناتن نٽھ ايئا وات رئي ڪپر نہ پڙھ

نڪا اُو ڏکي ٿيڻي. 'پڻ جيوتا پرميشور رو ان ٿارو هون، مون نٿه پڪ سٺه جي هون هر توڻه موت را ڪترام سون.'"

⁴ تئيون يوناتن دائود نٿه ڪيڏو: "جئين ڪئين تون ڪي هون تون هارو اُوئي ڪريه."

⁵ تون دائود يوناتن نٿه ڪيڏو: "زو! هواري نوو چنڊ سٺه ان مون مان هه قرض سٺه جي پاڌشا پيرو روئي ڪاوا بيهون. پڻ تون مون نٿه موڪل ڏٺه جي هون ترٿما ڏي ري هونز هوڏي ميدون ۾ هتائين ريون. ⁶ ان جي هون ٿارا ٻاپ نٿه ياد آون هه تون ڪي جي، 'دائود مون تي موڪل هارو منت ڪري ٿي زم اُو آڀر ه شهر بيت الحم زائي هيڪه ايئا هارو جي اوڻه ٻڌي اڪائي هارو هر سال پرميشور را نوم مان هه مال ساڙيا وازو ڏونپ سٺه. ⁷ تئيون جي اُو ڪه، 'نيڪ سٺه،' تون ٿارو شيواڌاري پچي زاشي پڻ جي اوئا نٿه ڪاوڙ آو هه تون هزمي زائي جي مون نٿه ماريا رو پڪو ارادو ڪريو هه. ⁸ تيام هو هه تون آڀرا شيواڌاري مان هه ڏٺيا ڪر ڪم تو تئين آڀرا شيواڌاري تي پرميشور هومو وائڏو ڪريو. پڻ جي مون ۾ ڪوئي ڏوهه سٺه تون آڀرا ٻاپ ڪن لي زايا تي ناڻوڪو سٺه جي تون آڀ مون نٿه ماري نوڪ."

⁹ يوناتن ڪيڏو: "ام ڪيڏي نئين ٿهه. جي مون نٿه ڪهر هوئي ٿهه جي مارا ٻاپ رو تون

نٿه ماريا رو ارادو سٺه تون ڪي هون تون نٿه نه همپراوئي؟"

¹⁰ پس هه دائود يوناتن نٿه ڪيڏو: "ٿارو ٻاپ تون مان هه ڪاوڙ ڪر هه تون ڪي ٿيڻي ان

تئيون مون نٿه ڪو هه همپراوشي؟"

¹¹ تون يوناتن دائود نٿه ڪيڏو: "هال! آڀي ميدون هوما هالون." ان اُو ٻي ميدون هوما

گيا پرا. ¹² تئيون يوناتن دائود نٿه ڪيڏو: "پرميشور اسرائيل قومي رو ايشور شائيڏ سٺه

جي، زئيون هون هواري ڪا پرمهه ائيه هاڳي توڻه مارا ٻاپ ري مرضي رئي ڪهر پاڙون ان

زوئون جي تون هارو ناڻوڪو سٺه تون هون تون ڪن منڪ ميلين تون نٿه ضرور همپراويهه.

¹³ جي مار هه ٻاپ تون نٿه ماريا رو پڪو ڦينصلو ڪريو هه، تون هون تون نٿه ضرور همپراويهه

ان تُون نٽ ھازو ھورو روونو ڪريھ۔ جي ام نہ ڪرون، تون پرميشور مُون نٽ ھايا رئي سزا
 ڏئ، پلئ ڪٽئي پڻ ڏورئي سزا ھوئ! مارئي پراٽنا سٺ جي پرميشور تُون پيڙو ريشي زم او
 مارا پاپ پيڙو ھتو۔¹⁴ زئيون ھوڏي ھون حياتي ريون، تئيون ھوڏي تُون مُون مانھ پرميشور
 را زم ڏٿيا ڪري۔ ان زئيون ھون ايٿا ڏٿيا ٿي روونو ٿي زائون،¹⁵ توئي پڻ تُون مُون ڪيڙ
 ماري اڪائي مانھ پڻ ھميش ھارو ڏٿيا ڪري! ان زئيون پرميشور تارا ھيڪ ھيڪ ڏشمڻ نٽ
 زمي ٿي ڪنم ڪري نوڪيو ھوشي، تئيون پڻ تُون ڏٿيا ڪرتو ري!“¹⁶ پسئ يُوناتَن دائود
 ري اڪائي رو سات ڏيڏا رو ھون ڪاڏو ان ڪيڏو: ”پرميشور دائود رون ڏشمڻون ٿي پڌلو
 لئ!“¹⁷ تيا مانھ يُوناتَن دائود نٽ اوٿا پريم ري ڪري وڙي ھون ڪورايو ڪم تو او دائود
 ٿي آپرئ پراپر پريم راکتو۔

¹⁸ تئيون يُوناتَن دائود نٽ ڪيڏو: ”ھواري مئينا را پيھريا ڏي رئي پرپ سٺ ان پرپ ري
 ڏاوت ۾ ٿارئ پينا رو ماڳ نالو پاڙين ٿارئي ڪپر پاڙئي زاشي۔¹⁹ پرمتئ تُون جلدئي اوئ
 ماڳ نيسو آوي رو جيئئ تُون پيرھين ھٿال ھتو ان ازل نومي ٿيڪري ڏوڪڙو ري۔²⁰ ان
 ھون اوئ پاهئ ترڻ ھر ام ھيھ زم ڪوئي نئونو ڪرتو ھوئ۔²¹ ان پسئ ھون اوئ توئئ
 سوڪرا نٽ ميلھ جي، ’زا! ھرون نٽ ڳوتين لي آو!‘ ان پسئ جي ھون سوڪرا نٽ اي
 ڪون جي، ’زو! ھر ٿارئ ايئ پاهئ سٺ۔ اوئون نٽ لي آو!‘ تئيون تُون مُون ڪن آوي رو
 ڪم تو جيوتا پرميشور رو ھون تُون ھارو ٿاڻوڪو ھوشي ان ڪوئي ڪترو نئين ھوئ۔²² پڻ
 جي ھون سوڪرا نٽ ام ڪون جي، ’زو! ھر ٿارئ اوئ پاهئ تُون اڳڙ سٺ‘ تئيون تُون زائي
 پرو ڪم تو پرميشور تُون نٽ روونو ڪريوھ پرو۔²³ ان ايئون واتون رو جي آبي ھيڪا پيزا
 ٿي ڪريھ پرميشور ھميش ھارو شائيڌ ريشي۔“

²⁴ ھوئ دائود ميتون ۾ زائين ھٿائي ڳيو ان مئينا رئ پيرھين ڏي يادشا پرپ رئي روئي
 ڪاوا پينو۔²⁵ يادشا اڳي را زم آپرا ماڳ مانھ پينت ڪن پينو ان يُوناتَن يادشا ھومو پينو ان

ابنير سائول ڪن ٻين ان دائود رو ماڳ نالو ريو. ²⁶ پڻ اُوڻه ڏي سائول ڪئين نه ڪيڏو: ڪم تو اُوڻه ويچارو جي، ”دائود ننه ڪئينڪ ٿي ڳيو هوشي ڪا اُوڻه ڳيو هوشي. هوڻه، اُوڻه ضرور اڻڙائي ڳيو هوشي.“ ²⁷ هُوڻه پيهرين ڏي را زم ٻيڙه ڏي پڻ دائود رو ماڳ نالو ريو. تئين سائول آڀرا ڏيڪرا يوناتن ننه ڪيڏو: ”ڪي وات سڻه؟ يسي رو ڏيڪرو نا ڪال روڻي ڪاوا آيوه نڪو آڙ.“

²⁸ تئين يوناتن سائول ننه جواب ڏيڏو: ”دائود مُون ننه منٿ ڪرين بيت لحم شهر زيا رڻي موڪل مونڱي ²⁹ ان اُوڻه ڪيڏو جي، هُون تُون ننه منٿ ڪرونه جي مُون ننه زاوا ڏنه ڪم تو امارا شهر ۾ اماري اڪائي رو ايشور را نوم مانه مال ساڙيا رو ڪاس توڻو سڻه ان مارنه پائي مُون ننه لازمي تيڙايوه. هُوڻه جي مُون مانه تاري ڏيا رڻي نظر هوڻه تون مُون ننه زاوا ڏنه زم زائين آڀرون پايون ٿي ٿي آون.“ تيا هارو اُوڻه ڏشا پيو روڻي ڪاوا نٿي آيو.“

³⁰ تئين سائول يوناتن مانه ڪاوڙيو ان اُوڻه يوناتن ننه ڪيڏو: ”او ڪنجري را ڏيڪرا! مُون ننه پوري ڪبر سڻه جي تئين يسي را ڏيڪرا رو پاھو ليڏوه. اي ٿاري پيعزتي سڻه ان ٿاري مان رڻي پيعزتي سڻه! ³¹ ڪم تو زئين هُوڏي يسي رو ڏيڪرو ايتا ڏنيا ۾ ريشي تئين هُوڏي نڪو تون تُون ڪامياپ ٿيه نڪو ٿاري پاڌشائي. تيام هنزون منڪ ميل ان اُوڻه ننه مُون ڪن لي آو! ڪم تو اُوڻه ننه مارو ضروري سڻه.“

³² تئين يوناتن آڀرا ٻاپ سائول ننه جواب ڏيڏو: ”اُوڻه ننه ڪم مارو؟ اُوڻه ڪي ڪريوه؟“

³³ تئين سائول اُوڻه ننه نمو ماريا هارو پالو هڻيو. هايا ٿي يوناتن زوڻي ڳيو جي اُوڻه رڻه ٻاپ دائود ننه ماري رو پڪو ڦينصلو ڪريوه. ³⁴ تيام يوناتن الاهي ڪاوڙ موئين روڻي

کاڌا را ماڳ ٿي اُونين ڳيو پرو ان پرپ رڻه اُوڻه ڏي اُوڻه ڪئين نه کاڌو ڪم تو اُو داڻود هارو ڏکي هتو تيام جي اُوڻا رو باپ داڻود را پارام گهت وڌ ٻوليو.

³⁵ هُوڻه يُوناتَن هوار رڻه توڻه داڻود نڻه ڏيڌل توڻا پرموڻه ميڌون هومو ڳيو ان هيڪ نونو سوڪرو اُوڻا پيڙو هتو. ³⁶ تون اُوڻه سوڪرا نڻه ڪيڏو: ”ڊوڙ ان اي هر جيو هون هتون ڳوتين لي آ!“ زئين اُو سوڪرو ڊوڙيو زاتو تو تئين يُوناتَن ايوو هر هڻيو جي اُوڻا مور زائين پڙيو. ³⁷ زئين اُو سوڪرو اُوڻه پاهڻه پوڳيو جڻه پاهڻه يُوناتَن هر هڻيو تو، تون يُوناتَن سوڪرا نڻه لار ٿي اوتومڻو ڪيڏو: ”هر هزون تون ٿي پرا سڻه.“ ³⁸ يُوناتَن اُوڻا سوڪرا نڻه وڙي ڪيڏو: ”جلڏي ز! اُوپ مت!“ تئين اُو سوڪرو هر ڳوتين آڀرا مالڪ ڪن لي آيو. ³⁹ پڻ اُوڻا سوڪرا نڻه هيا وات را مطلب را پارام ڪئين ڪپر نٽي پڙي. رُوڳو داڻود ان يُوناتَن ايڻا وات رو مطلب زوڻتا. ⁴⁰ پسڻه يُوناتَن آڀرا هٿيار اُوڻا سوڪرا نڻه ڏيڌا ان اُوڻا نڻه ڪيڏو: ”ايئون نڻه شهر لي ز!“

⁴¹ زئين اُو سوڪرو ڳيو پرو تئين داڻود تيڪري را ڏڪڻاڌليا پاها ٿي ٺهريو ان ترڻ وار يُوناتَن ري پڳي پڙيو ان بي ٽي ٻاٽ نوڪين هيڪا پيڙا هارو روبا، ان داڻود الاهي روبا. ⁴² نيٺ يُوناتَن داڻود نڻه ڪيڏو: ”هازو هورو ز پرو ڪم تو آڀي بي پرميشور را نوم رو هون کاڌو ه جي، پرميشور انصاف ڪريا واڙو سڻه، جي آڀي هميش هُوڏي هيڪا پيڙا را دوست ريشون، ان مارئي ان ٿارئي اولاد پڻ هيڪا پيڙا ٿي دوستي راکشي.“ تئين داڻود روونو ٿيو ان يُوناتَن پاسو شهر ۾ ڳيو پرو.

داڻود سائول ڪن ٿي پاڳي زائو

21 هُوڻه داڻود نوب شهر ۾ اخيملڪ پوزاري ڪن ڳيو ان اخيملڪ پيڻاتو پيڻاتو داڻود نڻه مزو آيوه ان اُوڻا نڻه ڪيڏو: ”تمي ڪم هيڪلا سو؟ تمون پيڙو ڪوئي منڪ نٿي؟“

² ڊاؤد اخیملڪ پُوزاري نٿه ڪڍڻو: ”پادشا مُون نٿه هڪا ڪوم رو حُڪم ڏين ڪڍڻو: ’جيا ڪوم هارو هُون تُون نٿه ميلونھ ان جيو حُڪم مئين تُون نٿه ڏيڏوھ اُوئا رئي ڪيا نٿه پڻ ڪبر نه پڙئڻ-‘ تيا هارو مئين آپرون سائون نٿه هيڪي ڪاس جڳا مانھ پيھاريھ پرا-
³ ايئن توتئھ تمون ڪن ڪاڏا هارو ڪي سئھ؟ مُون نٿه پونس روتي ڪا جئين ڪئين تمون ڪن هونھ اُو ڏيو!“

⁴ پُوزاري ڊاؤد نٿه جواپ ڏيڻو: ”مُون ڪن گھر ري روتي تون نٿي پڻ ايشور را نوم مانھ ڪرل روتي سئھ ان هُون اُو تمون نٿه اُون آڏميون هارو ڏي هيڪونھ جيا ڏوشيون ٿي شيتئھ ربا هونھ-“

⁵ ڊاؤد پُوزاري نٿه جواپ ڏيڻو: ”ترڻ ڏيئون ٿي امي ڏوشيون ٿي شيتئھ ربا ان ام پڻ اُو منڪ هر معمولي پنڌ ۾ پويتر رھ پڻ اي تو ڪاس پنڌ سئھ ان تيام لازمي سئھ جي اُو آڙ پڻ پويتر هوشي-“

⁶ تنيون پُوزاري ايشور را نوم مانھ ڪرل روتي اُوئا نٿه ڏيڏي ڪم تو ايئا شيوا روتي نٿي- رُوگي ايشور را نوم مانھ ڏون ڪرل روتي هتي جي پرميشور را هوما ٿي اُوپاڙي تي زم اُوئا ماڳ اوتھ ڏي تازي روتي راکئھ-

⁷ هونھ اوتھ ڏي سائول رون وزيرون موئين ٿي هيڪ منڪ اوتئھ پرميشور را منڌر ۾ پوزا ڪروا تيا مور اول هتو- اُوئا رو نوم دوئيگ هتو ان اُو اڏومي قوم رو هتو- اُو سائول رون ڌراڙون رو آگيوون هتو-

⁸ پسئھ ڊاؤد اخیملڪ نٿه پُونسيو: ”تمون ڪن ايئنھ ڪوئي پالو ڪا تروٿار سئھ؟ ڪم تو پادشا را ڪوم ري تڪڙ ۾ هُون آپريي تروٿار ان آپرا هٿيار آپ پيڙا نٿي لي آيو-“

⁹ پُوزاري ڪِڏو: ”جُوليتِ فلسِتي رَئي تَرُوَارَ جِيا ٿي تَمي اُوَئا نَئِه ايلِه ڳاتَر موئِن ماريو تو اُو لوڳهڙا موئِن وِنتل مُڪ پُوزاري را کاس ويسڪوت لار راکل سئِه. جي تَمي اُوَئا نَئِه ليوا ڪروھ تون لي زائو! اُوَئا شيوا ايئَئِه ڪوئي پِزو هٿيار نٿي.“

دائود ڪِڏو: ”هايا جيوئي پِزيئي ڪوئي نٿي. هائي تَمي مُون نَئِه ڏيو رَئي!“

دائود جات شهر را پادشا ڪن پاڳي زائو

¹⁰ پَسَئِه دائود اُوئون رَوونو ٿيو ان اُوَئِه ئي ڏي سائول ڪن ٿي پاڳين جات شهر را پادشا اڪيس ڪن ڳيو پرو. ¹¹ تون اڪيس ري نوڪري اُوَئا نَئِه ڪِڏو: ”ڪي اي ايئَا مُلڪ رو پادشا دائود نٿي؟ جيا را پارام منڪ رمي رمين ام ڳاوئِه جي، ’سائول هزارون نَئِه ماريها! دائود لڪون نَئِه ماريها!‘“

¹² ايئون واتون ري ڪري دائود ڦڪر ۾ پڙي ڳيو ان جات را پادشا اڪيس ٿي الاهي پيئوڻو. ¹³ تيام اُوَئِه اُوئون آڳر چالاڪي ڪري ان اُوئون وسا ڳونڌون را زم شهر را پاڳر مانِه ليڪا ڪاڍوا مڏيو ان آڀري ڏاڙي مانِه لاڙيون ويوراوا مڏيو. ¹⁴ تئيون اڪيس آڀرون نوڪرون نَئِه ڪِڏو: ”ڪي تَمي نٿي ڏيڪتا جي اي آڏمي تون ڳونڌو سئِه؟ تَمي اُوَئا نَئِه مُون ڪن ڪم لايها؟ ¹⁵ ڪي مُون ڪن ڳونڌون رَئي ڪوت سئِه؟ جي تَمي هيڪ پِزا نَئِه لي آياھ زم اُو مُون هومو ڳونڌائي ڪرئِه. ايوا منڪ نَئِه ماري گهري ڪم لايها؟“

دائود عدولام را پونئيرا ۾

22 پَسَئِه دائود اُوئون پاڳين عدلام را پونئيرا موئين زائين ريو. هائي هومپرين اُوَئا را پائي ان اُوَئا را ٻاپ رَئي ٻڌئي اڪائي اُوَئا ڪن اُوَئِه پُوڳئي. ² ان اُو ٻڌائي منڪ جيا ڏڪي، قرضي ان لاچار هتا اُوَئا ڪن پِزا ٿيا ان اُو اُوئون رو آڳيوون ٿيو. هيوئِه نمونئِه اُوَئا ڪن لڳ پڳ چار هو منڪ پِزا ٿي ڳيا.

³ پستہ دائود اوتون مواب ملڪ را شهر مصفاہ ۾ گيو ان مواب را پادشا نٿه ڪيڏو: ”مارا مان ٻاپ نٿه تتيون هُودِي ايتنه تمون ڪن ريو اڏيو زئيون هُودِي مُون نٿه ڪپر نه پڙي زائنه جي ايشور مُون هارو ڪي ڪرشي.“ ⁴ هيونئنه نمونئنه او آڀرا مان ٻاپ نٿه مواب را پادشا ڪن ساڏي آيو ان زئيون هُودِي دائود پونئيرا ۾ هتال ريو تتيون هُودِي اوئا را مان ٻاپ پادشا ڪن ريا.

⁵ تيا ڪيڙ ايشور رو نياپو ڏيڏا وارو سنت جاد دائود ڪن آيو ان ڪيڏو: ”ايئا جگا ۾ هتائين مت ريو! ايئون يهوداه را ملڪ ۾ زائو ڀرا!“ تيام دائود رُونو ٿيو ان حارت را جهنگل ۾ گيو پرو.

سائول پوزاريون نٿه قتل ڪرئھ

⁶ هونئنه سائول هومپريو جي دائود ان اوئا را سائون رئي ڪپر پڙي گئيه. سائول اوئنه توتنه جبع شهر ڪن ڏونگر ري سوتي مانھ لوا را وڻ نيسو آڀرو پالو لين پينو تو ان اوئا را وزير اوئا رنه آهئنه پاهئنه اويا تا. ⁷ تتيون سائول آڀرون وزيرون نٿه جيا اوئا رنه آهئنه پاهئنه اويا تا ڪيڏو: ”بنيامين را قبيلو واڙون، مارون پايون! مارئي وات هومپرو! تم ڪي سوچوھ؟ يسي رو ڏيڪرو تمون نٿه هر هيڪ نٿه ڪيتر ان انڳورون رو ٻاگھ ڏيشي، ڪي؟ ڪا تمون ٻڌون نٿه هزار هزار ان هو هو را آڳيون ٺاوشي، ڪي؟ ⁸ هيونئي لالچ راڪين تم ٻڌائي مارنه ڪلاڦ ٿيا ان زئيون مارنه ڏيڪرنه يسي را ڏيڪرا ٿي وائڏو ڪريو تتيون تمون موئين ٿي ڪيئن ئي مُون نٿه نه همپرايو. تمون موئين ڪوئي نٿي جيو مُون هارو ڏڪي تنه نڪا مُون نٿه همپراوت جي مارنه ڏيڪرنه مارا نوڪر نٿه پڙڪايو زم او هتائين مُون مانھ حملو ڪرئنه. هائي ٻڌئي وات تم ڪي آڙوھ ريا.“

⁹ تتيون دوئيگ جيو اڏومي قوم رو هتو ان او سائول رون وزيرون پيرو اوپو تو اوئنه ام ڪيڏو: ”مئين يسي را ڏيڪرا نٿه نوب شهر ۾ اخيطوب را ڏيڪرا اخيمڪ پوزاري ڪن

آوتون پاڙيو تو. ¹⁰ ان اخیملڪ اُوٽا هارو پرمیشور رئي مرضي زوٽيا هارو پوٽر پکا نوکيا تا ان اُوٽا نٽه کاڌا پڌا ري شينهنون ڏيڏي تي ان اُوٽا نٽه جُوليتِ فلسٽي رئي تروٿار پڻ ڏيڏي ٿئي۔

¹¹ تئيون پاڌشا اخیطوب را ڏيکرا اخیملڪ پوزاري ان اُوٽا را ٻاپ ري اکائي رون ٻڌون پوزاريون نٽه جيا نوب شهر موئين هتا تيڙيا ان اُو ٻڌائي پاڌشا ڪن حاضر ٿيا۔

¹² تون سائول هاکل ڪرين ڪيڏو: ”اخیطوب را ڏيکرا! ماري وات هومپ!“
تئيون اُوتھ لين ڪيڏو: ”جي، مارا مالڪ، هُون حاضر سون۔“

¹³ پسئہ سائول اُوٽا نٽه وڙي ڪيڏو: ”تون ان يسي رو ڏيکرو ٻي ئي ڪم نا ٺاوين مارئہ ڪلاڦ ٿياھ؟ تئين اُوٽا نٽه روتي ان تروٿار ڏيڏي ان اُوٽا هارو ایشور رئي مرضي زوٽيا هارو پوٽر پکا نوکيا زم اُو مارئہ ڪلاڦ هٽائين ٻيھئہ زم آڙ اُو ڪرئہ ريو۔“

¹⁴ تئيون اخیملڪ پاڌشا نٽه جواپ ڏيڏو: ”تمارو ٻڌون نوڪرون موئين ٿي دائود جيوو هاسو ڪوٺ سئہ؟ پاڌشا جي، اُو تمارو زمائي پڻ سئہ ان تماري رکشا ڪريا وڙون سپايون رو آڳيون پڻ سئہ ان تمارا گهر ۾ مونواڙو سئہ۔ ¹⁵ ڪي تيڏي مئين اُوٽا هارو پيهرين وار ایشور ٿي ڪپرچار ليڏي؟ نا، ام نٿي۔ پاڌشا جي، تمي مُون مانھ، آڀرا شيواڌاري مانھ ان مارا ٻاپ ري ٻڌي اکائي مانھ ڪوئي الزوم مت هٿيا ڪم تو هُون تمارو شيواڌاري ايئون واتون را پارام ڪئين نٿي زوٽو۔“

¹⁶ توئي پڻ پاڌشا ڪيڏو: ”او اخیملڪ، تُون ان ٿارا ٻاپ رئي ٻڌي اکائي ضرور موت رئي سزا کاشو!“ ¹⁷ پسئہ پاڌشا اُوتون سپايون نٽه جيا اُوٽا ڪن اُوپا تا حُڪم ڏيڏو: ”پرمیشور رون پوزاريون نٽه ماري نوکو ڪم تو اي پڻ دائود پيڙا سئہ۔ ان ايئون نٽه ڪپر هٽي جي اُو پاگل سئہ توئي پڻ مُون نٽه نه همپڙايو۔“ پڻ پاڌشا را شيواڌاري پرمیشور رون پوزاريون نٽه ماروا نٿا ڪرتا۔ ¹⁸ تئيون پاڌشا دوئيگ نٽه ڪيڏو: ”تون هايون پوزاريون

نټه ماري نوک! “تټيون دوئيگ اډومي زائين پوزاريون نټه ماريان اوتټه ډي اوتټه پنجاښي اډمي ماريان جيون رټه هوترا ناوټل پوزاريون وارا ويس پيرل هټا. 19 اوتټه زائين پوزاريون را شهر نوب نټه پټ ناش کريو پرو. اوتټه نونون موتون اډميون ان ډوشيون نټه، ننکون ٻارون ان ډاوتيون نټه پټ ماري نوکيا ان ٻډه، ګډيڙا، رييون ان ٻاکري پټ تروټار ټي ماري پري. 20 روڳو اخيطوب را ډيکرا اخيملک رون ډيکرون موئين ټي هيک پچي ګيو، جيا رو نوم ابي ياتر هټو، ان او داټود کن پاګي ګيو. 21 اوتټه پوګين ابي ياتر داټود نټه کبر ډيډي جي ساټول پرميشور رون پوزاريون نټه مرايه پرا. 22 تټيون داټود ابي ياتر نټه کيډو: “هون اوتټه ډي زوټي ګيو تو زيون مئين دوئيگ اډومي نټه اوتټه پاربو تو جي او ضرور ساټول نټه کبر ډيشي. تارا پاپ رټي ٻډي اکائي ماري کري مروټي. 23 تيام هوتټه تون مون پيرو رټه ان مت پيټا! جيا مارو جيو ليو کړه او ئي تارو پټ جيو ليو کړه. جي تون ماري همپار م ريه، تون پچي زايه.”

داټود قعيله نومي شهر نټه پچاوتټه

23 هوتټه کئينک منکي داټود نټه کبر ډيډي جي، “زوټو! فلستي قعيله شهر رون منکون ټي وډه ريا ان کرون نټه لوټه ريا. 2 تټيون داټود پرميشور نټه پونسبو: “کي هون زائون ان اوټون فلستيون نټه مارون؟”

تون پرميشور داټود نټه کيډو: “زا ان اوټون فلستيون نټه مارين قعيله شهر نټه پچاوتټه!” 3 پټ داټود ري منکي اوټا نټه کيډو: “زوټو! امي تون ايټته يهوداه م اپري قوم وسا ريتون پټ پيټاوتنه، تون پسټه امي قعيله شهر هوما زائين فلستيون رو مقابلو کم کرين کرسون؟”

4 تټيون داټود پرميشور رټي مرضي زوټيا هارو پوزاري ټي پويتر پکا نکايا. پويتر پکون ټي پرميشور ايوي وړنډي ډيډي: “اوتټه، قعيله هومو زا! کم تو هون فلستيون نټه تارا

هاٽ ۾ ڏيھ را۔⁵ تيام دائود ان اوتا را منڪ قعيلہ شھر ھوما ڳيا ان فلسطين تي وڌين اوتون را الاهي منڪ ماري نوکيا ان اوتون تي مال سڏايو۔ ھم دائود قعيلہ ۾ ريا وڙون نٿم پڇايا۔

⁶ زئيون اخيملڪ رو ڏيکرو ابي ياتر دائود ڪن پاڳيو تو ان قعيلہ شھر ۾ اوتا پيرو آيو تو، تو اوتا را هات ۾ مڪ پوزاري رو کاس ويسڪوت هتو، جيا موئين پرميشور ري مرضي رئي کبر پاڙيا هارو پويتر پکا راکل هتا۔

⁷ هوئه سائول نٿه کبر زرتي جي دائود قعيلہ ۾ آيوه تون سائول ويچار ڪريو جي، ”ايشور اوتا نٿه مارا هات ۾ ڏيدو رو ڪم تو او ڪوت وڙا شھر ۾ آيوه، جيا موئين تي سونو مات پاڳي نٿي هيڪتو۔“⁸ تون سائول جنگ هارو آيون ٻڌون منڪون نٿه تڙايا زم قعيلہ شھر ھومو زائين دائود ان اوتا رون منڪون نٿه گھيري لٿه۔

⁹ هوئه دائود نٿه کبر پڙي ڳئي جي سائول اوتا هارو گهات گهڙهه ريو۔ تيام اوئه ابي ياتر پوزاري نٿه ڪيدو: ”ايشور رئي مرضي زوڻيا هارو مڪ پوزاري را کاس ويسڪوت موئين راکل پويتر پکا ايتنه لي آو!“¹⁰ تون دائود پرميشور تي پونسو: ”او پرميشور، اسرائيلي قوم را ايشور، تمارا شيواڌاري نٿه پڪي کبر زرتي جي سائول قعيلہ شھر ۾ آوا ڪرئ زم ماري ڪري شھر نٿه ناش ڪرئ۔“¹¹ تئين قعيلہ را منڪ مون نٿه اوتا رٿه حواله ڪرشي پرو، ڪي؟ سائول آوشي، ڪي؟ مئين تماره شيواڌاري تون هم هومپريوه۔ او پرميشور، اسرائيلي قوم را ايشور، هون تمون نٿه منت ڪرونه جي تمي آيرا شيواڌاري نٿه همپراو جي ڪي تيشي۔“

تون پوزاري پويتر پکا نوکيا ان پرميشور پويتر پڪون تي ام وڙندي ڏيڏي: ”هوئه، او آوشي۔“

¹² تئيون دائود لين پونسيو: ”قعيله شهر را منک مون نئه ان مارون منکون نئه سائول رئه حوالئه کرشي پرا، کي؟“

تون پرميشور پويتر پکون ٿي ام وڙنڌي ڏيڏي: ”هوئه، او تمون نئه اوتا رئه حوالئه کرشي.“

¹³ تئيون دائود ان اوتا را منک جيا لڳ ڀڳ سو هو هتا، ائين قعيله شهر ٿي نيھري ڳيا ان پاڳي پاڳين جڳا جڳا ريو مڌيا. هوئه سائول نئه کبر زڙي جي دائود قعيله ٿي نيھري ڳيو، تيام او اوتئه نه ڳيو.

دائود ڏونگرون واڙا علاقا ۾

¹⁴ هوئه دائود رڻ ۾ هتيا ري جڳايون ۾ ان زيف شهر را آها پاها را رڻ وڳڙا رون ڏونگرون واڙا علاقا ۾ هتائين ريتو. ان سائول هر روز اوتا رئي ڳوت ڪرتو پڻ ايشور دائود نئه اوتا را هات ۾ نه ڏيڏو.

¹⁵ وڙي دائود نئه کبر پڙي جي سائول ايٿا نئه ماروا نيھريو. اوتئه توئئه دائود زيف را رڻ وڳڙا ۾ حورش شهر ڪن هتو. ¹⁶ تون سائول رو ڏيڪرو يوناتن رُونو ٿيو ان دائود ڪن حورس ۾ ڳيو ان اوتا نئه حونصلو ڏين اوتا رو من ايشور ۾ ڏاڍو ڪريو. ¹⁷ اوتئه دائود نئه ام ڪيڏو: ”تون مت پيٽا ڪم تو مارا باپ رو هات تون هوڏي نئين پوڳئه. تون اسرائيل رو پاڌشا ٿيھ ان هون تون پيڙو هوئيھ. اي وات مارا باپ نئه پڻ کبر سئ.“ ¹⁸ پسئ اوتي بي ئي پرميشور هومو هون ڪائين دوستي رو وائڏو ڪريو. پسئ يوناتن آڀري گھري ڳيو پرو ان دائود حورس شهر ڪن ئي ريو.

¹⁹ تئيون زيف شهر را منک جيع شهر ۾ سائول ڪن زائين ڪيو مڌيا: ”دائود امارا علاقا ۾ حورس ري هتال جڳايون ۾ نهال سئ جيو يشمون شهر رئه ڏکڻ ۾ حڪيله نومي

ڏونگر هومو سٺ. ²⁰ تيام، او پادشا، هونءَ تمڻي آڀري مرضي پرموٽه آو ان اوتا نءَ تماره حواله ڪرو امارو زمو سٺ.

²¹ تئيون سائول ڪڍو: ”پرميشور را پاها ٿي تمون نءَ آشيرواڌ زڙه ڪم تو تمڻي مون مانه ڏيا ڪريه. ²² هونءَ زائين پڪ ڪري ليو ڪم تو ڪيٽڪ مون نءَ همپرايوه جي او الاهي چالاڪي ٿي ڪوم ڪرئ. تيام اوتا ماڳ نءَ زوئو ان ڪبر پاڙو جي او ڪيٽه رءُ ان اوتا نءَ اوتنه ڪيٽه پاريوه. ²³ ان تمڻي اي پڻ زوئو ان ڪبر پاڙو جي او ڪيٽه ڪيٽه هٽائ. پسئ مون ڪن آيا ان هون تمون پيرو هاليه. پسئ او ايٽا ملڪ ۾ ڪيٽه پڻ هوشي توڻي پڻ هون اوتا نءَ ڳوتي ليه، پلئ مارءَ يهوداه را قبيلا ري ٻڌي اڪيون رئي جونچ ڪرو پڙه.

²⁴ تئيون زيف شهر را منڪ رونا ٿيا ان سائول ٿي پيرهين پاسا آڀرا شهر زيف ۾ آيا را. پڻ دائود ان اوتا را منڪ معون رڻ وڳڙا ۾ هتا جيو يشمون شهر رءَ ڏڪاڏلئ پاهئ اراباه ۾ سٺ. ²⁵ تئيون سائول ان اوتا را منڪ دائود نءَ ڳوتو نيهربا. ايٽا وات رئي ڪبر زڙوئي دائود ڏونگر ٿي نيسو اوتري آيو ان معون رڻ وڳڙا ۾ شهرين ٿي شيتي ريو مڏيو. سائول اي هومپرين معون رڻ وڳڙا ۾ دائود وونهڙ ٿيو. ²⁶ ان ڏونگر رءَ هيڪه پاهئ سائول هتو ان پيرئ پاهئ دائود ان اوتا را منڪ هتا. دائود سائول ٿي پاڳنو تو ڪم تون سائول ان اوتا را منڪ دائود ان اوتا رون منڪون نءَ زهاليا هارو گهيري ليڏا تا. ²⁷ پڻ اوئ توتنه هيڪ آدمي سائول ڪن نياپو لي آيو جي، ”جلدي پاسا هالو! ڪم تو فلسطيني ملڪ مانه حملو ڪريو.“ ²⁸ تيام سائول دائود لار ٿيو ساڌي ڏيڏو ان فلسطيني ٿي وڍوا ڳيو. تيام منڪي اوتا جڳا رو نوم پچيا رو ڏونگر^a راڪيو. ²⁹ ان دائود اوئون ڳيو پرو ان عين جدي شهر ڪن هٽال جڳايون ۾ ريو ريو.

^a 28:23 پچيا رو ڏونگر اصلي عبراني ٻولي ۾ نوم سٺ سلع همخلقوت.

دائود سائول نٿه ماري نوڪيا ٿي پاهو ڪرڻ

24 زئيون سائول فلسطين نٿه ڀڳڙاوين پاسو آيو تئين اُئا نٿه ڪبر زڙي جي دائود عين جدي شهر ڪن رڻ وڳڙا ۾ سٺه. ² تيام سائول ٻڌون اسرائيليون موئين ٿي ترڻ هزار سونيل آدمي لين اُئا ڏونگر مانھ، جيا نٿه ٻاڪرون رو ڏونگر ڪڻھ، اُئا ڏونگر مانھ دائود ان اُئا رون منڪون نٿه ڳوتوا نيھريو. ³ ان اُو مارڳ ۾ رييون را واڙون ڪن پوڳيو جيئنھ هڪ پونئيرو هتو ان سائول اُئا پونئيرا ۾ جنگل رٿه ڪيال ڳيو. هوءَ اُئا ئي پونئيرا را هاو موئينلئھ پاهئھ دائود آڀرون منڪون پيڙو هٿال هتو. ⁴ تيام دائود ري منڪي ايئا نٿه ڪيڏو: ”زوئو! آڙ پرميشور تمون نٿه ڪيو نائوڪو موقعو ڏيڏوھ! پرميشور تو ام ڪڻھ ريو جي، هُون تارا ڏشمڻ نٿه تارا هات ۾ ڏيھ. زم تارو من ڪرئھ، هم تون اُئا ٿي ڪر!“ تيام دائود اُونين سونئھ ماڻ سائول را گھنگھا رئي ساڙ ڪري ليڏي.

⁵ پڻ اُئا ڪيڙ دائود نٿه ڏک ٿيو ڪم تو اُئھ سائول را گھنگھا رئي ساڙ ڪري ليڏي تئي. ⁶ پسئھ اُئھ آڀرون منڪون نٿه ڪيڏو: ”پرميشور نه ڪرئھ جي هُون آڀرا مالڪ مانھ جيو پرميشور را پاهي ٿي يادشا ناول سٺھ آڀرو هات اُوپاڙون. اي تون پرميشور را پاهي ٿي سونيل سٺھ.“ ⁷ هم ڪين دائود آڀرون منڪون نٿه سائول مانھ حملو ڪريا رو نا پاڙيو.

هوءَ سائول اُونين پونئيرا ٿي نيھريو ان آڀرو مارڳ ليڏو. ⁸ تيا ڪيڙ دائود پڻ اُونيو ان اُئا پونئيرا ٿي ٻارو نيھرين سائول نٿه لار ٿي هاڙ ڪرين ڪيڏو: ”او مارا مالڪ، مارا يادشا!“ زئيون سائول وونھڙ ڦرين زويو تئين دائود اُئا نٿه نمين نمسڪار ڪري. ⁹ پسئھ دائود سائول نٿه ڪيڏو: ”تمي ڪم ايوون منڪون ري واتون مانھ ڪون ڏيوھ جيا ڪڻھ، دائود تمارئھ ڪلاڦ سٺھ.“ ¹⁰ زوئو! آڙ تمي آڀري اونڪيئي پاڙي ليڏوھ. پرميشور پونئيرا ۾ تمون نٿه مارا هات ۾ ڏيڏا تا ان ڪئينڪ منڪي مون نٿه ڪيڏو پڻ هتو جي تمون نٿه ماري نوڪون. پڻ مئين تمارو مون راکيو ان مئين ڪيڏو: هُون آڀرا مالڪ مانھ هات نئين

اوپاڙون ڪم تو اُو پرميشور را پاها ٿي سُونڍل سٺه. ¹¹ ايٺا شيوا، او مارا مالڪ، اي پڻ زوئو جي تمارا گهنڱا رئي ساڙ مارا هات ۾ سٺه. مئين تمارا گهنڱا رئي ساڙ ڪترئي پڻ تمون نٺه ماريا نئين. تمي اي زوئين هزمي زائو جي مارا من ۾ ڪيا پڻ نمونا رئي پُونڌائي ڪا ڏوهه نٿي ان مئين تمارو ڪئين نٿي بگاڙيوه. توئي پڻ تمي مارو جيو ليڏا هارو گهاٽ گهڙوه. ¹² پرميشور آپون بيئون رو ڦينصلو ڪرڻه ان پرميشور تمون ٿي مارو پڌلو لئ! هون تمون ٿي ڪئين نئين ڪرون. ¹³ باپ ڏاڏون رئي اي ڪيٽئي سٺه جي، پُونڌو پُونڌائي ڪرشي. ¹⁴ تيام هون تمون ٿي ڪئين نئين ڪرون. ¹⁴ اسرائيل رو پاڌشا ڪيا وونهه ٿيوه؟ تمي ڪيا رئي ڳوت ڪروه ريا؟ تمارا مڦاڻلا ۾ هون تون ڪئين نٿي. هون زوئنه مرل ڪوترو ڪا ڪتمل را زم سون. ¹⁵ انصاف ڪريا وازو پرميشور ئي سٺه. اُو آپ مارو ان تمارو نيا ڪرڻه ان مارو حال زوئين مُون نٺه مارو حق ڏئنه ان مُون نٺه تمارا هات ٿي سڌاوه!

¹⁶ زئين داؤد اي واتون سائول ٿي ڪري ريو تئين سائول ڪيڏو: ”او داؤد، مارا ڏيڪرا، ڪي اي هاس ۾ ٿارو هاڏ سٺه؟“ ان سائول زور زور ٿي رووا مڏيو. ¹⁷ ان اُوئنه داؤد نٺه ڪيڏو: ”تون مُون ٿي وڌارڻه هاسو سٺه ڪم تون مئين تون ٿي پُونڌائي ڪريه توئي پڻ تئين مُون ٿي پلائي ڪريه. ¹⁸ ان تئين آڙ ساڦ ڪرين ڏيڪاڙيوه جي تئين مُون ٿي پلائي ڪريه ڪم تون زئين پرميشور مُون نٺه ٿارا هات ۾ ڏيڏو تئين تئين مُون نٺه نه ماريو. ¹⁹ جيڪڏي ڪياڪ آڏمي نٺه اُوئا رو ڏشمڻ هات آوئنه تون ڪي اُو اُوئا نٺه ساڏي ڏئنه؟ تيام پرميشور تون نٺه اُوئا پلائي رو پڌلو ڏئنه جيو آڙ تئين مُون ٿي ڪريه. ²⁰ ان هَوئنه هون زوئونه جي تون ضرور پاڌشا ٿيه ان اسرائيل رئي پاڌشائي ٿارا هات ٿي ڏاڏي ٿيشي. ²¹ تيام هَوئنه مُون ٿي پرميشور رو هون ڪائين وائڏو ڪر جي تون مُون ڪيڙ ماري نسل نٺه ڪتم نئين ڪرڻه ان مارا باپ ري اڪائي موئين ٿي مارو نوم ڪتم نئين ڪرڻه.“

22 تيام دائود سائول ٿي هون کاڌو ان سائول آيري گهري گيو پرو پڻ دائود ان اوتا را منک پاسا آيري هتيا ري جگا ۾ گيا پرا.

سموئيل رو سرگواس

25 هوءَ سموئيل سرگواسي ٿيو ان ٻڌائي اسرائيلي پيڙا ٿيا ان اوتا هارو وڙاپ ڪريو ان اوتا نئه اوتا را شهر رامه ۾ ڌڻن ڪريو. پسئہ دائود اُونين فاران رڻ وڳڙا ۾ گيو پرو.

دائود ان ٻائي ابيجيل

2 معون شهر ۾ هيڪ آدمي ريتو جيو ڪرمل شهر ۾ ڪاروپار ڪرتو. او آدمي الاهي امير هتو. اوتا ڪن ترڻ هزار ريڊيون ان هيڪ هزار باڪري هتي ان او ڪرمل ۾ آيري ريڊيون رئي اُون ڪتراوتو تو. 3 اوتا آدمي رو نوم نابال هتو ان اوتا ري ڏوشي رو نوم ابيجيل هتو. او الاهي هَرمو ان رُوپارئي هتئي پڻ او آدمي الاهي ڪاوڙ واڙو ان ڪراپ هتو. ان او ڪالب را گهراڻا ٿي هتو.

4 هوءَ دائود رڻ وڳڙا ۾ هومپريو جي نابال آيري ريڊيون رئي اُون ڪتراوتو ريو. 5 تيام دائود ڏه جووڻون نئه ام ڪين ميليا: ”تمي ڪرمل هوما نابال ڪن زائو ان مارو نوم لين اوتا نئه نمسڪار ڪريا! 6 ان اوتا نئه ام ڪيا، ’تماري ان تمارا گهر رئي ان جئين ڪئين تمارو سئہ اوئون ٻڌون رو ڪير هوءَ! 7 مئين هومپريو جي تمون ڪن ريڊيون رئي اُون ڪتريا واڙا آياھ. ڪرمل شهر را علاقا ۾ تمارا ڌراڙ امون پيڙا ريا پڻ امي اوئون نئه نقصون نہ پوتاڙيو ان زئيون هُڏي او امون پيڙا ريا اوئون رئي ڪوئي شينہ نہ گموڻي. 8 ايئا را پارام تمي آپرون منڪون ٿي پونسو، او تمون نئه همپراوشي. امي تمون ڪن ڪشي رئه توئہ آياھ تيام تمي مارون منڪون مانہ ڏٿيا ڪرو! هُون تمون نئه منٺ ڪرونہ جي تمي مارون منڪون نئه ان دائود نئه جيو تمارا ڏيڪرا جيوو سون جئين ڪئين ڏي هيڪو او ڏيو!“

⁹ تئيون دائود را منک نابال ڪن ڳيا ان دائود رو نوم لين اي واتون اوتا ٿي ڪري ان اوتا را جواب رئي وات زوئي. ¹⁰ نابال دائود رون نوڪرون نئه جواب ڏيڻو: ”ڪوڻ دائود؟ ان ڪوڻ سسي رو ڏيڪرو؟ ايئون ڏيئون ۾ الاهي شيواڌاري ايو سئه جيا آپرا مالڪ ڪن ٿي پاڳي زائھ. ¹¹ ڪي مئين آپري روتي، پوئي ان او مونھ جيو مئين ريون رئي اون ڪتريا وارون هارو تيار ڪريوھ اوئون منڪون نئه ڏيون جيون نئه هون اورڪتو پڻ نٿي جي او ڪيت را سئھ؟“

¹² تيام دائود را شيواڌاري نالا پاسا وڙيا ان زائين ٻڌي واتون دائود نئه همپراوي. ¹³ هائي هومپرين دائود آپرون منڪون نئه ڪيڏو: ”آپري آپري تروٿار ليو!“ تئيون ٻڌي آپري آپري تروٿار ليڏي ان دائود پڻ آپري تروٿار ليڏي. هم چار هو جووڻ دائود پيڙا ڳيا ان بي هو شيمون ڪن ربا.

¹⁴ اوئه توتئه نابال رون نوڪرون موئين ٿي هيڪئه نابال ري ڏوشي ابيجيل نئه ڪيڏو: ”دائود رڻ وڳڙا ٿي امارا مالڪ رئي ڪير ڪيريت پونسيا هارو منڪ ميليا پڻ اوئه اوئون رئي پي عزتي ڪري. ¹⁵ اوئي منڪي امون ٿي الاهي پلائي ڪري ٿي ان امارو ڪوئي نقصون نٿو ٿيو ڏيڏو. زئون هوڏي امي اوئون پيڙا ميڏونون ۾ ربا اماري ڪوئي شينھ نه ڳموئي. ¹⁶ زئون هوڏي امي اوئه ريون ساري اوئي ڏي رات اماري رڪوڙي ڪري. ¹⁷ تيام هوئه سوچي ليو جي تماره ڪي ڪروو ڪم تو امارا مالڪ ان اوتا ري ٻڌي اڪائي نئه ماريا رو ڦينصلو ٿي ڳيوھ. مسلو اي سئھ جي امارو مالڪ ايوو ڪراپ منڪ سئھ جي ڪوئي ايٿا ٿي وات نٿي ڪري هڪتو.“

¹⁸ تئيون ٻئي ابيجيل جلدي ٿي بي هو روتي، ڌراڪ رس ري بي هنڌاري، پونس شيڪل ريون، هيڪ مڻ شيڪل پونڪ، هو پونهلي ڪشمش ان انجير ري بي هو تڪي لين ٻڌوئي

شيمونَ ڳڏيڙون مانھ راکيو۔¹⁹ ان آڀرون نوڪرون نئھ ڪيڏو: ”تمي مون ٿي مور زائو! هُون تمون لار آوونھ رئي۔“ اُوئھ آڀرا آڏمي نابال نئھ نتو همپرايو۔

²⁰ زئيون اُو ڳڏيڙا مانھ سڙين ڏونگر ري ڍڙڪوڻ ٿي اوتري تئيون هوما ٿي دائود آڀرون منڪون پيرو آوتو تو۔ ام اُو هيڪا پيزا نئھ پيتي ڳيا۔

²¹ هُوئھ دائود آڀرون منڪون نئھ ام ڪيڏو تو: ”مئين رڻ وڳڙا ۾ ايٺا آڏمي را ٻڌا مال رئي ام رڪواڙي ڪري زم اُوئا را مال موئين ٿي ڪوئي شينھ نه ڳموئي۔ پڻ ايٺا رو مون نئھ ڪوئي ڦاٿيڏو نه ٿيو ڪم تون اُوئھ ڀلائي رئھ ڀڏلئھ مون ٿي نائوڪو نه ڪريو۔²² تيام هُون هوار ٿيا مور اُوئا رون آڏميون موئين ٿي هيڪا آڏمي نئھ پڻ جيوتو نئين ساڏون۔ هم نه ڪرون، تون ايشور مون نئھ هيا رئي سزا ڏئھ، ڀلئھ ڪئي پڻ ڏوري سزا هوءا!“

²³ زئيون ٻائي ابيجيل دائود نئھ پاڙيو تئيون جلدِي ڳڏيڙا ٿي اوتري ان نمين دائود نئھ نمسڪار ڪريو۔²⁴ پسئھ اُوئا ري پڳي پڙين ڪيا مڏي: ”او مارا مالڪ! اي ڏوھ مون

مانھ پڙئھ! آڀري ٻوني نئھ موڪل ڏيو تون تمون نئھ ڪئينڪ ڪونھ۔ ميرپوني ڪرين تمي آڀري ٻوني رئي هومپرو!²⁵ او مارا مالڪ! هُون تمون ٿي منت ڪرونھ جي اُوئا پُونڌا آڏمي نابال ري واتون مانھ ڏيون مت ڏيو ڪم تو جيوو نابال نوم رو مطلب سئھ ڳونڌو، ايوو ئي اُو آپ پڻ سئھ۔ او مارا مالڪ! تماري ٻوني تمارون نوڪرون نئھ جيون نئھ تمي ميليا تا نئا

پاڙيا۔²⁶ ان او مارا مالڪ! پرميشور تمون نئھ ڪُون ڪريا ٿي ان آڀري هاڻي ڀڏلو ليڏا ٿي روڪي ليڏا۔ هُوئھ، او مارا مالڪ! جيوتا پرميشور رو هُون ان تمارو هُون، تمارو پُونڌو ڪريا

واڙا، تمارا دشمن نابال را زم پتل ٿئھ!²⁷ او مارا مالڪ! هُوئھ اي پيت جئي تماري ٻوني تمون هارو لي آوئھ اُوئون منڪون نئھ ڏيو جيا تمون پيزا سئھ۔²⁸ تمي آڀري ٻوني رو ڏوھ

ماڦ ڪرو! او مارا مالڪ! پرميشور ضرور تمارو گھر هميش هارو قائم راکشي ڪم تون تمي، مارا مالڪ، پرميشور ري مرضي پرموئھ وڏوھ۔ تماري ٻڌي حياتي ۾ تمون ۾ ڪوئي

پُونڌاڻي نه ٿئي! ²⁹ پلئ منڪ تمنون وونهڙ ٿئي ان تمارو جيو لڏا هارو رڻا ڪرڻ توڻي پڻ ايشور مارا مالڪ رو جيو هر ڪترا ٿي پڇاوين حياتي را ٻنڌڻ ۾ راکشي پڻ پرميشور تمارون دشمنون رو جيو ناش ڪرشي. ³⁰ او مارا مالڪ، پرميشور تمنون ٿي اُو ٻڌي پلايون ڪرشي جيون را پارام اوڻه همپرايوه، ان تمنون نئي اسرائيلي قوم مانه راز ڪريا واڙو ناوشي. ³¹ جي هوڻه تمڻي پي ڳنا ڪون ڪرشو ان آڀرو ڀڏلو ليشو تون تئين اي تمنون هارو پشنتايا رئي ان ڏک رئي وات ٿيشي. او مارا مالڪ، زئين پرميشور تمنون ٿي پلائي ڪرشي، تئين تمڻي آڀري ٻوني نئي ياڌ ڪريا!

³² دائود ٻائي ابيجيل نئي ڪڍو: ”پرميشور اسرائيلي قوم را ايشور را وڪوڻ ٿئي جيو تون نئي آڙ مون هومڻي لي آيو. ³³ ڏنڪار هوڻه تون نئي ان تاري عقل نئي جيئنه مون نئي آڙ ڪون ڪريا ٿي ان آڀرو ڀڏلو لڏا ٿي روڪيو. ³⁴ جيوتا پرميشور، اسرائيلي قوم را ايشور رو هون، جيئنه مون نئي تارو ڪون ڪريا ٿي روڪيو، جيڪڏي تون جلدي نه ڪرڻ ها ان مون ٿي مڙوا نه آوڻه ها تون هوار ٿيا مور نابال رون آدميون موئين ٿي هيڪ پڻ جيوتو نه رت. “ ³⁵ پسنه دائود اُو ٻڌوئي ڪئين جيو اُو اوڻا هارو لي آوئي تئي قبول ڪريا ان اوڻا نئي ڪڍو: ”هاڙي هوري آڀري گهري زا! مئين تارئي وات مونئيه، زم تئين منت ڪري، هم هون ڪريه.“

³⁶ پسنه ٻائي ابيجيل آڀرا آدمي نابال ڪن آوئي ان پاڙيو جي اوڻه آڀرا گهر ۾ شاهي ڏاوت را زم هيڪ موٽي ڏاوت ڪريه. ان نابال الاهي ڪش هتو ان اُو شراب پين نشا ۾ هتو. تيام اوڻه آڀرا آدمي نئي هوار ٿيا هوڏي ڪئين نه همپرايو. ³⁷ هوار رو زئين نابال رو نشو اوتريو تئين اوڻا ري ڏوشي اُو واتون اوڻا نئي همپراوي. هائي واتون هومپرتون ئي اوڻا نئي اڌرنگ ٿي ڳيو ان اُو پتر را زم هوريا وگر هيڪا ماڳ پڙيو ريو. ³⁸ ان ڏه ڏيئون ڪيڙ پرميشور نابال نئي سزا ڏيڏي ان اُو مري ڳيو.

³⁹ زئيون دائود هومپريو جي نابال مري گيوه تون او ام ڪيا مڏيو: ”پرميشور را وڪوڻ تئ! ڪم تو اوئ نابال ٿي مارئي پيعزئي ڪريا رو ڀڏلو ليدو. پرميشور مون آڀرا شيواڌاري نئ ڪراپ ڪوم ڪريا ٿي شيتئ راکيوه ان نابال رو ڏوه اوئا آپ مانھ نوڪيوھ.“

تيا ڪيڙ دائود ٻائي ايجيل نئ نياپو ڏي ميلو جي او اوئا ٿي ويوا ڪرئ. ⁴⁰ پسئ دائود را شيواڌاري ڪرمل ۾ ٻائي ايجيل ڪن آيا ان ڪيدو: ”دائود امون نئ تمون ڪن ميليا زم امي تمون نئ اوئا ٿي گهرگهرڻو ڪريا هارو تيڙي زائون.“

⁴¹ تئيون ٻائي ايجيل ميلل منڪون ري پڳي پڙين ڪيدو: ”هون تمارئي ٻونئي تمارئي شيوا ڪريا هارو تيار سون ان آڀرا مالڪ رون شيواڌاريون را پڳ ڏهوبا هارو تيار سون.“

⁴² هوءَ ٻائي ايجيل جلدِي تيار تين ڳڏيڙا مانھ سوار ٿئي ان آڀري پونس ٻوني پيڙي ليدِي جي اوئا رئي مدت ڪرنار هتي ان او دائود رون منڪون پيڙي ڪئي ان دائود ٿي گهرگهرڻو ڪريو.

⁴³ هوءَ دائود اخينوعم ٿي پڻ ويوا ڪريو تو جئي يزرعيل شهر رئي هئي. هم اوئا ري بي ڏوشي ٿي. ⁴⁴ پڻ ساڻول آڀري ڏيڪري ميڪل، جئي پيمهرين دائود رئي ڏوشي هئي، اوئا نئ لیس را ڏيڪرا فلطي ايل نئ ڏيڏي پري جيو جليم شهر رو هتو.

دائود پيڙي وار ساڻول نئ ماري نوڪيا ٿي پاھو ڪرئ

26 زيف شهر ري منڪي وڙي جبع شهر ۾ ساڻول ڪن زائين ڪيدو: ”دائود حڪيله ڏونگر ۾ هتائين بينوه جيو يشمون شهر هومو سئ.“ ² تئيون ساڻول رُونو ٿيو ان ترڻ هزار سونيل اسرائيلي آدمي آپ پيڙا لين زيف را رڻ وڳڙا هومو گيو زم اوئا رڻ وڳڙا ۾ دائود نئ ڳوٽئ. ³ ان ساڻول حڪيله ڏونگر را مارڳ رئ پاهئ تنبو ڪوڙيا جيو يشمون شهر هومو سئ. تئيون دائود رڻ وڳڙا ۾ هتو ان اوئا نئ ڪپ پڙي جي ساڻول اوئا لار رڻ وڳڙا ۾ آيوھ. ⁴ تيام دائود جاسوس ميلين ڪپ پاڙي ليدِي جي ساڻول هاس ۾ آيوھ.

⁵ تئيون دائود رُونو ٿيو ان اُوتڻه آوڻ پوڳيو جيئن سائول را تنهُ ڪوڙل هئا ان اُو ماڳ پارو جيئن سائول ان نير رو ڏيڪرو ابڻر آروم ڪرتا تا۔ ابڻر اُوتا ري قوج رو آڳوون هتو۔ سائول تنهُون و سا هُوتو تو ان منڪ اُوتا ري چاري پاھي تنهُ ڪوڙڻ هُوتا پڙيا تا۔

⁶ تئيون دائود اخيملڪ نٽ، جيو جتي قوم رو هتو، ان ايشي نٽ، جيو يواب رو پائي ان دائود ري ٻين ضرورياه رو ڏيڪرو هتو، پونسو: ”ڪوڻ مُون پيرو سائول رون تنهُون ۾ هالشي؟“

ايشي ڪيڏو: ”هُون تمون پيرو هاليھ۔“

⁷ پسئ دائود ان ايشي رات را اوئون ڪن ڳيا ان پارو جي سائول تنهُون و سا هُوتو پڙيوھ ان اُوتا رو پالو اُوتا ري متوتئي زمي ۾ ڪوڙل پڙيوھ۔ ان چاري پاھي ابڻر ان اُوتا را منڪ هُوتا پڙياھ۔ ⁸ تئيون ايشي دائود نٽ ڪيڏو: ”ايشور آزارا دشمن نٽ تارا هات ۾ ڏيڏوھ رو۔ تيام هُوت ٽمي مُون نٽ موڪل ڏيو تون هُون پالا را هڪا ڌڪ ٿي اُوتا نٽ زمي ۾ ڏپورونھ پرو۔ ان مُون نٽ پيرو ڌڪ هُيا ري ضرورت ئي نئين پڙئ۔“

⁹ دائود ايشي نٽ ڪيڏو: ”اُوتا نٽ مت مار ڪم تو ڪوڻ سٽ جيو پرميشور را پاھا ٿي سونڊل يادشا مانھ هات اُوپاڙئ ان پي ڏوهي رٽ؟“ ¹⁰ ان دائود اي پڻ ڪيڏو: ”جيوتا پرميشور رو هُون، پرميشور آپ اُوتا نٽ مارشي زئيون اُوتا ري موت رو ڏي آوشي ڪا اُو جنگ ۾ ماريو زاشي۔ ¹¹ پرميشور نہ ڪرئ جي هُون پرميشور را پاھا ٿي سونڊل يادشا مانھ هات اُوپاڙون۔ پڻ تُون اُوتا رون متوتيون ٿي اُو پالو ان پوڻي رو گهڙو اُوپاڙي لئ تون آبي هالون۔“ ¹² تئيون دائود پالو ان پوڻي رو گهڙو سائول رون متوتيون ٿي اُوپاڙيو پرو ان اُو ڳيا پرا۔ پڻ ڪيئن اُوتون نٽ نہ پاريا ان نڪو ڪيا نٽ ڪبر پڙئي ان نڪو ڪوئي زاڳيو ڪم تون پرميشور اُوتون مانھ اگهور اُنڱھ ميلئي تي ان اُو اُنڱھال پڙيا تا۔

¹³ پسنه دائود وسلپو ميدون پار كرين ڏونگر ري سوتي مانه زائين اُپو ان اُو اوتون تي
الاهي شيتنه هتو. ¹⁴ ان دائود سائول رن منكون ننه ان نير را ڏيڪرا ابير ننه هاڏ پاڙين
ڪيڏو: ”او ابير، هومپڙه ريو تون جواپ ڏنه!“

ابير جواپ ڏيڏو: ”تون ڪوڻ سئه جيو پاڏشا ننه هاڏ پاڙه ريو؟“

¹⁵ دائود ابير ننه ڪيڏو: ”تون الاهي پهاڏر سئه، نا؟ اسرائيليون ۾ تون جيوو ڪوئي
نٿي. تون پسنه تئين ڪم آڀرا مالڪ پاڏشا رئي رڪواڙي نه ڪري؟ زو! هيڪ آڏمي تارا
مالڪ پاڏشا ننه ماريا هارو تمون ڪن پوگي آيو تو. ¹⁶ اي ڪوم تئين نائوڪو نٿي ڪريو.
جيوتا پرميشور رو هون، تمې ٻڌائي موت رئي سزا کاڌا رنه لائيق سو ڪم تو تمې آڀرا
مالڪ رئي جيا ننه پرميشور پاڏشا سونديو رڪواڙي نه ڪري. هونه تون زائين زو جي
پاڏشا رو پالو ان پوڻي رو گهڙو جيو اوڻا ري مٿوتئي هتو ڪيڏه سئه؟“

¹⁷ تئين سائول دائود رو هاڏ اوڙڪيو ان اوتومڻا هاڏ تي ڪيڏو: ”او مارا ڏيڪرا دائود،

ڪي اي تارو هاڏ سئه؟“

دائود جواپ ڏيڏو: ”او مارا مالڪ، پاڏشا! هوئه، اي مارو هاڏ سئه.“ ¹⁸ ان دائود

ڪيڏو: ”او مارا مالڪ، تمې ڪم مون لار، آڀرا شيواڌاري لار پڙياھ؟ مئين ڪي ڪريوھ؟
مارو ڏوه ڪي سئه؟ ¹⁹ تيام، او پاڏشا، مارا مالڪ! هونه آڀرا شيواڌاري ري واتون هومپرو!

جي پرميشور تمون ننه مارنه ڪلاڦ ڪرياه، تون مون ننه ماڦ ڪريا هارو ايشور را نوم
مانه ساڙل مال رو ڏونپ قبول ڪرئ! ان جي منڪي تمون ننه مارنه ڪلاڦ ڪرياه، تون
اوتون مانه پرميشور رئي پت پڙئه! ڪم تو اوئي آڙ مون ننه پرميشور ري ڏيڏل وراست تي
ڪاڍيو پرو، ان هم ڪريا تي زوڻه مون ننه ام ڪيڏو جي، ’تون ايئون زائين ڌاري قومون
رون ڏيوون رئي شيوا ڪر!‘ ²⁰ تيام مارو لوئي ايوا ڌاريا ملڪ ۾ نه ايڙانه جيڻه پرميشور

رو نوم ٿي نه ليتا! اسرائيل رو پادشا مُون هیکا ڪٽمل نٿه ڳوتوا ام نيهریو زم ڪوئي آڏمي
ڏونڳرون مانھ تيتر را شڪار هارو نيهریو هوئہ۔“

²¹تئيون سائول ڪيڏو: ”مئين ڏوه ڪريوه۔ او مارا ڏيڪرا دائود، مُون ڪن پاسو آو!
هوئہ هُون تارو نقصون نئين ڪرون ڪم تون آڙ تئين مارا جيو نٿه اُمولڪ هُزميو۔ مئين
ڳونڌائي ڪريئہ ان مُون ٿي الاهي موٽي ڳلتي ٿيئہ۔“

²²دائود جواب ڏيڏو: ”او پادشا، زوئو! اي ريو تمارو پالو۔ ڪياڪ جووڻ نٿه ميلو جي
ايئا نٿه لي زائہ۔²³ پرميشور هر منڪ نٿه اوئا ري هاسائي ان ايمونڌاري پرموئٽه پڌلو
ڏيشي۔ پرميشور آڙ تمون نٿه مارا هات ۾ ڏيڏا تا پڻ مارو من نه مونيو جي پرميشور را
سُونيل پادشا مانھ هات اُوپاڙون۔²⁴ زم آڙ مئين تمارا جيو نٿه اُمولڪ هُزميو هاڳي نمونئہ
پرميشور مارا جيو نٿه پڻ انمول هُزمئہ ان مُون نٿه ٻڌون تڪليپون ٿي سڏاوئہ!“

²⁵تئيون سائول دائود نٿه ڪيڏو: ”او مارا ڏيڪرا دائود، تون نٿه آشيرواڏ زڙئہ! تون
موتا موتا ڪوم ڪريھ ان تارئي جيت ضرور ٿيشي۔“

تيا ڪيڙ دائود آڀرو مارڳ ليڏو ان سائول آڀري گهري پاسو ڳيو پرو۔

دائود فلسطين وساءو

27 دائود ويچارو جي، ”هُون ڪيڏيڪ نه ڪيڏيڪ ضرور سائول رون هاتون ٿي ماريو
زائئہ۔ تيام مُون هارو ايئا ٿي نائوڪو پيزو ڪئين نٿي جي هُون فلسطين را
علاقا ۾ ڀاڳي زائون زم سائول مارئي ڪيڙ ساڌي ڏئہ ان اسرائيل رون ٻڌون علاقون ۾
مُون نٿه نه ڳوتئہ۔ ام هُون اوئا را هات ٿي پڇي زائئہ۔“² تيام دائود اوئون رُونو ٿيو
ان آڀرون سو هو سائون نٿه لين جات شهر را پادشا اڪيس ڪن ڳيو پرو جيو معوڪ رو
ڏيڪرو هتو۔³ ان دائود ان اوئا را منڪ آڀري آڀري اڪائي هوڏا جات ۾ اڪيس ڪن ریا۔
دائود پيڙي اوئا ري بي ڏوشي پڻ هتي مطلب اخينوعم جي يزرعيل شهر رئي هتئي ان

اِيجيل جئي ڪرمل شهر رئي هتئي، جيا رو پيرهيون آڏمي نابال ڳڙاري ڳيو تو. ⁴ ان ساڻول نئه ڪهر زڙئي جي دائود جات شهر پاڳي ڳيوه. اُئا ڪيڙ اُئنه وڙي ڪيڏي اُئا رئي ڳوت نه ڪري.

⁵ ان دائود اڪيس نئه ڪيڏو: ”تمارو شيواڌاري تمون پيرو پاڌشا را شهر ۾ ڪم ڪرين ري هيڪه؟ تيام جيڪڏي مُون مانھ تمي ڏيا رئي نظر ڪرو تون مُون نئه اينا مُلڪ را ڪياڪ شهر ۾ ماڳ ڏيو راوو زم هُون اُئنه ريون.“ ⁶ تتيون اڪيس اُئنه ڏي اُئا نئه صقلاج شهر ڏيڏو. تيام صقلاج آڙ هُوڏي يهوداه را پاڌشا رو سئه. ⁷ ان دائود فلسطينون را مُلڪ ۾ هيڪ سال ان چار مئينا ريو.

⁸ دائود ان اُئا ري منڪي جسوري، جزري ان عماليقي قومون مانھ حملا ڪريا. هائي منڪ زونا زمونا ٿي لين اُئا علاقا ۾ ريتا جيو شور شهر هُوڏي مصر را ڌنگ هُوڏي هتو. ⁹ ان دائود اُئا علاقا نئه تپاه ڪرتو ريتو ان ڪيا پڻ ڏوشي ڪا آڏمي نئه جيوتو نه ساڌتو ان اُئون رو رڍو مال، ڳاڻو مال، ڳڏيڙا، اُونٺ ان لوگهڙا لين پاسو اڪيس ڪن زاتو. ¹⁰ اڪيس پُونستو: ”آڙ تمي ڪيئه پاهئه حملو ڪريو تو؟“ تون دائود ام جواپ ڏيتو: ”ڏڪاڌليا رڻ وڳڙا ۾ يهوداه را قبيل را ڪياڪ شهر مانھ“ ڪا ”ڏڪاڌليا رڻ وڳڙا ۾ يرحميئي قوم را ڪياڪ شهر مانھ“ ڪا وڙي ”ڏڪاڌليا رڻ وڳڙا ۾ قيني قوم را ڪياڪ شهر مانھ“ ¹¹ ان دائود اُئون منڪون موئين ٿي ڪيا نئه پڻ جيوتو پچاوين جات شهر ۾ نه لاوتو ڪم تون اُو ويچارتو جي، ”ڪيئي اُو امارا پول پڌرا نه ڪرئه پرا ان ڪي نه ڏئه جي، دائود ام ام ڪريو.“ زئيون هُوڏي دائود فلسطينون را مُلڪ ۾ ريو تتيون هُوڏي اُو ام ئي ڪرتو ريو. ¹² تيام اڪيس دائود مانھ پڪو پروسو ڪريو پرو ان ويچارو جي، ”اسرائيل را منڪ دائود ٿي اتيي نقرت ڪرئه جي هُوئه اُو هميش مارو شيواڌاري ريشي.“

اُوتون ئي ڏيئون ۾ ام ٿيو جي فلسطيني اسرائيليون ٿي جنگ هارو آڀري قوج پيڙي ڪري ان اڪيس دائود نٿ ڪيڏو: ”تون نٿ ڪپر هوو ڪپٽه جي تون نٿ ان تارون منڪون نٿ ماري قوج پيڙا ضرور هالوو پڙشي.“

² ان دائود اڪيس نٿ جواپ ڏيڏو: ”پسٽه تمون نٿ ڪپر پڙي زاشي جي هون تمارو شيواڌاري تمون هارو ڪي ڪري هيڪونه.“

اڪيس دائود ٿي ڪيڏو: ”نيڪ سٺه. تون پسٽه هون تون نٿ آڀري رڪشا ڪريا هارو هميش آڀ پيڙو راکيه.“

سائول ايشور رو حڪم ٿوڙين هيڪي پوپي ڪن زوراوڻه

³ هوئ اُوتون ڏيئون ۾ سموئيل سرگواسي ٿي گيو تو ان ٻڌي اسرائيلي اُئا هارو وڙاپ ڪريو تو. اُئا نٿ اُئا را شهر رامه ۾ ڌقن ڪريو. سائول پوپون ان نزوميون نٿ ملڪ ٿي ڪاڊيات پرا.

⁴ اُوتون ڏيئون ۾ فلسطيني جنگ ڪروا پيڙا ٿيا ان آوين شونيم شهر ڪن تنبو ڪوڙيا ان سائول پڻ ٻڌون اسرائيليون نٿ پيڙا ڪريا ان اُئي جلبوعه شهر ڪن تنبو ڪوڙيا. ⁵ ان زئيون سائول فلسطيني رئي قوج پاڙي تون پيڙائي گيو ان اُئا را من ۾ الاهي پي پيڻو. ⁶ سائول پرميشور رئي مرضي زوڻوا ڪري، پڻ پرميشور اُئا نٿ ڪو شپنون ۾، نڪو مڪ پوزاري رٿ پويتر پکا نوڪيا ٿي ان نڪو ئي آڀرو نياپو ڏيڏا وازون سنتون ٿي ڪوئي جواپ ڏيڏو.

⁷ تئيون سائول آڀرون وزبرون نٿ ڪيڏو: ”ڪوئي ايوي ڏوشي گوتو جي پوپي هوئ زم هون اُئا ڪن زائين اُئا ڪن زوراوون.“

اُئا ري نوڪري اُئا نٿ ڪيڏو: ”عين دور ۾ هيڪ ڏوشي سٺه جي پوپي سٺه.“

8 تئيون سائول پڙا لوگهڙا پيرين آڀرو ويه ڀڏليو ان ٻي آدميون نئه پيڙا لين رات ٿو رات
اُٿا ڏوشي ڪن پوگيو ان اُٿا نئه ڪڍڻو: ”مُون هارُو آڀرا علم ٿي اُٿا آتما نئه تڙاڙو جيا
رو هُون تُون نئه نوم همڀڙاوون.“

9 تئيون اُٿا ڏوشي اُٿا نئه ڪڍڻو: ”ڪي تُون نئه نٿي ڪڀر جي سائول ڪي ڪريو؟
اُٿا پوپون ان نزوميون نئه مُلڪ ۾ ڪتم ڪرياه پرا. توي تُون ڪم مُون نئه مرايا هارُو اي
ڪوم ڪراوئھ؟“

10 تئيون سائول پرميشور رو هُون ڪائين ڪڍڻو: ”جيوتا پرميشور رو هُون! ايئا وات ري
ڪري تُون نئه ڪوئي سزا نئين زڙئھ.“

11 تئيون اُٿا ڏوشي پونسيو: ”هُون ڪيا نئه تُون هارُو تڙاڙو؟“
اُٿا ڪڍڻو: ”سموئيل نئه مُون هارُو تڙاڙو!“

12 زئيون اُٿا ڏوشي سموئيل نئه پارو تئيون زور ٿي رڙ ڪري ان سائول نئه ڪڍڻو:
”تمي مُون ٿي ڪم ڏوڪو ڪريو؟ تمي تون سائول سو.“

13 تئيون پاڌشا اُٿا نئه ڪڍڻو: ”پڻا مت! تُون نئه ڪي ڏيڪيام آوئھ؟“
اُٿا سائول نئه ڪڍڻو: ”مُون نئه هيڪ آتما زمي ٿي اُونسي اوتئي ڏيڪيام آوئھ ري.“
14 تئيون اُٿا پوپي نئه ڪڍڻو: ”اُو ڪيوئي ڏيڪائھ؟“

اُٿا ڪڍڻو: ”هيڪ ڏوڪرو اُونسو آوئھ ريو ان اُٿا رٿه چوگو پيرل سئھ.“
تئيون سائول نئه ڪڀر پڙي گئي جي اُو سموئيل سئھ ان اُٿا نئه نمين نمسڪار
ڪريو.

15 سموئيل سائول نئه ڪڍڻو: ”تئين مُون نئه تڙاڙوين ڪم تنگ ڪريو؟“
سائول جواب ڏيڻو: ”هُون الاهي پريشون سون ڪم تو فلسطيني مُون ٿي وڍوا آياھ ان
ايشور مُون ٿي ڌار ٿي گيوھ ان اُو نڪو تون آڀرو نياپو ڏيڏا وارون سنتون هات ڪوئي جواب

ڏٺھ ان نڪو شينون ۾ جواب ڏئھ۔ ايٺا ھارو ھوئ ھئين تمون نئ تيزاياه زم تمې مون نئ ھمپراو ھون ڪي ڪرون۔“

¹⁶ سموئيل ڪيڏو: ”تون زوڻئ جي پرميشور تون ٿي ڌار ٿي ڳيوھ ان تارئ ڪلاڦ ٿي ڳيوھ۔ تون پسئ ھوئ تون مون ٿي ڪم پونسئ؟ ¹⁷ پرميشور تون ٿي ھم رو ھم ڪريوھ زم اوئ مون ھات ھمپرايو تو۔ پرميشور تون ٿي پاڌشائي ڪوھين تارا پاڙوشي دائود نئ ڏيڏي پري۔ ¹⁸ ڪم تون تئين پرميشور رئي وات نہ مونئي ان عماليقيون نئ پرميشور را ڪيڏا پرموئئ سکت سزا نہ ڏيڏي، تيام پرميشور آڙ تون ٿي ام ڪريوھ۔ ¹⁹ ايٺا شيوا پرميشور تون پيرا اسرائيليون نئ پڻ فلسطينيون را ھات ۾ ڏيشي پرا۔ ان ھواري تون ان تارا ڏيڪرا مون پيرا مرلون را جڳت ۾ ھوشو ان پرميشور اسرائيلي قوج نئ پڻ فلسطينيون را ھات ۾ ڏيشي پري۔“

²⁰ تئين سائول سموئيل ريون واتون ري ڪري الاهي پيئي ڳيو ان اوئ ئي توئئ زمي مانھ پڙيو نو۔ ان اوئا ۾ ڪئين وشيت نہ رئي ڪم تو اوئ پورو ڏي ان پوري رات روئي نتئي ڪاڏي۔ ²¹ تئين او پويئي سائول ڪن آوي ان زويو جي او الاهي پريشون سئ۔ تيام اوئ سائول نئ ڪيڏو: ”مئين تماري بوني تماري وات مونئي۔ مئين آپرا جيو رئي ڦڪر نہ ڪري ان جيو پڻ تمې مون نئ ڪريا رو ڪيڏو، او تون مئين ڪريو پرو۔ ²² تيام ھوئ ھون تمون نئ منت ڪرونھ جي تمې آپري بوني رئي وات ھومپرو ان موڪل ڏيو تو تمون نئ روئي ڏيونھ زم تمې ايٺا نئ ڪائو ان تمون نئ وشيت زڙئ ان تمې آپرئ مارڳ رونا ٿي ھيڪو۔“

²³ پڻ سائول نہ موني ان ڪيڏو: ”ھون نئين ڪائون۔“ پڻ اوئا ري نوڪري ان اوئ ڏوشي الاهي منتون ڪري تئين اوئ اوئون رو ڪيڏو موني ان زمي ٿي اونين ڪاتلا مانھ پينو۔ ²⁴ اوئا پويي ري گھري ھيڪ متارو واسڙو ھتو ان اوئ جلدي ٿي اوئا نئ ھلاليو ان آتو لين

مونھريو ان روتي گھڙي. ²⁵تتيون اُوئہ سائول ان اُوئا رون نوڪرون نئہ روتي ڏيڏي ان اُوئي کاڌي. پسئہ اُو اُونيا ان اُوئہ ئي رات پاسا گيا پرا.

پادشا اڪيس دائود نئہ جنگ ۾ نٿي زاوا ڏيتو

29 تتيون فلسٽيني آڀري ٻڌي قوج افيق شهر ڪن پيڙي ڪري ان اسرائيليئي اُوئا نيرا ڏوڪڙا تنہو کوڙيا جيو يزريعل شهر ۾ سئہ. ²فلسٽي قوم را پونس ئي آڳيون ھو ھو رون توڙون ان هزار هزار رون توڙون پيڙا جنگ ڪروا مور مور ويتا تا ان دائود ان اُوئا را منڪ پادشا اڪيس پيڙا اُوئون لار لار زاتا تا. ³تتيون فلسٽي قوج ري آڳيون ڪيڏو: ”ايئون عبرانيون رو ايئہ ڪي ڪوم سئہ؟“

پادشا اڪيس فلسٽي قوج رون آڳيون نئہ جواپ ڏيڏو: ”ڪي اي موتو جنگي جودو دائود نٿي، جيو مور ۾ اسرائيل را پادشا سائول رو شيواڌاري هتو؟ اُو تون ھوئہ اتون سالون ٿي مون پيڙو سئہ ان زتيون ٿي اُو مون ڪن پاڳين آيوھ آڙ ھوڌي مئين اُوئا ۾ ڪوئي پونڌائي نٿي پاڙي؟“

⁴پڻ فلسٽي قوج را آڳيون اُوئا مانھ ڪاوڙيا ان اُوئا نئہ ڪيڏو: ”ايئا آڌمي نئہ پاسو ميلو پرو زم اُو آڀرئہ اُوئہ شهر پاسو زائہ جيو تمي اُوئا نئہ ڏيڏوھ. اُوئا نئہ امون پيڙو جنگ ۾ مت تيڙي ھالو! ڪيئہ ام نہ ٿئہ جي اُو جنگ ۾ امارئہ ڪلاڦ ٿي زائہ. ڪي اُو آڀرا مالڪ ٿي ناھ ڪريا ھارو امارون منڪون را ماتا لي نئين زائہ؟ ⁵يادہ راکو! اي تو اُوئي دائود سئہ، آڀون فلسٽيون مانھ جيت ڪريا ڪيڙ اسرائيل قومي واري رمي رمين ام گايو، سائول هزارون نئہ ماريھا! دائود لڪون نئہ ماريھا!“

⁶تتيون پادشا اڪيس دائود نئہ تيڙاوين اُوئا نئہ ڪيڏو: ”جيوتا پرميشور رو ھون! تون ھاسو سئہ ان ماري نظر ۾ تارو مون پيڙو قوج ۾ ھووو ناٿوڪو سئہ ڪم تو جيا ڏي ٿي تون مون ڪن آيوھ اُوئا ڏي ٿي آڙ ھوڌي مئين تون ۾ ڪئين پونڌائي نٿي پاڙي. پڻ ايئون

فِلِسٽِي قَوْم رُون اَڳيوونون ري نظر ۾ تُون نائوڪو نٿي. ⁷ تيام هَوَئ هُون هَارُو هُورُو وڙي
زا زم ٿاري ڪري فِلِسٽِي اَڳيوون ڪاوڙ نه ڪرئ.

⁸ داؤد اڪيس نئ ڪيڏو: ”مٿين ڪي ڪريو؟ زئيون ٿي هُون تمون ڪن سون تئيون
ٿي آڙ هُوڏي تمي مُون ۾ ايوو ڪي پاريو ه جيا ري ڪري هُون آپرا مالڪ پاڌشا رُون ڏشمئون
ٿي جنگ ڪروا نه زائون؟“

⁹ پاڌشا اڪيس داؤد نئ جواب ڏيڏو: ”هُون زوئون تُون مُون هَارُو ايشور را ڏوت جيوو
سئ تويي پڻ فِلِسٽِي قوج ري اَڳيووني ڪيڏو: ’اُو جنگ ۾ امون پيرو نه هالئ!‘ ¹⁰ تيام
تُون ان اُو ٻڌائي منڪ جيا مور ۾ سائول را شيواڌاري هتا، تمي هوار را ويلا اُونيا ان
هوزاڪو تئ روونا ٿي زايا!“

¹¹ تيام داؤد آپرون منڪون پيرو فِلِسٽيون را مُلڪ هومو پاسو زايا هَارُو هوار رو ويلو
اُونيو ان فِلِسٽِي قوج اِسرائيلي قوج ٿي جنگ ڪريا هَارُو يزرعيل شهر هومئي ڳيئي پري.

داؤد رئي عماليقيون ٿي جنگ

30 داؤد ان اُوئا را منڪ ترئمئ ڏي پاسا آپرا شهر صقلاج ۾ پوڳيا. هَوَئ زئيون داؤد

واڙا پيزيل ڳيل هتا تئيون عماليقي قَوْم واري نجب ان صقلاج رُون شهرون مان
حملو ڪريو تو ان صقلاج نئ ناش ڪرين ٻاريوت پرو. ² اُوئي ڏوشيون ان زتا نونا موتا
اوئئ هتا اوئون نئ ماريا نٿا پڻ ٻڌون نئ زهالين لين ڳيا تا. ³ زئيون داؤد ان اُوئا را منڪ
شهر ۾ پوڳيا تئيون پاريو جي شهر ٻاڙل پڙيوه ان ڪيئڪ ايتون ري ڏوشي ان ڏيڪرا ان
ڏيڪريون نئ زهالين لين ڳيا. ⁴ تئيون داؤد ان اُو منڪ جيا اُوئا پيرا هتا رڙيون ڪري ڪرين
اتا روبا جي اوئون ۾ روبا رئي هيئت نه رئي. ⁵ اُو داؤد ري پيئون ڏوشيون نئ پڻ زهالين
لين ڳيا تا، مطلب اخينوعم نئ جي يزرعيل شهر رئي هئي، ان ابيجيل نئ جي ڪرمل
شهر رئي هئي جيا رو پيرهيون آدمي نابال ڳڙاري ڳيو تو.

⁶ دائود الاهي مُصَيِّت ۾ هتو ڪم تو ايٺا را آڀرا منڪ ايٺا نٽه پوٺا هڻي هڻين ماروا ڪرتا تا ايٺا هارو جي منڪون را من آڀرون ڏيڪرون ان ڏيڪريون هارو الاهي ڏکي هئا. پڻ دائود آڀرو من ڀرميشور آڀرا ايشور ۾ ڏاڍو ڪريو.

⁷ تنهن دائود اخيمڪ را ڏيڪرا ابي ياتر پوزاري نٽه ڪيڏو: ”ميريوني ڪرين مڪ پوزاري رو ڪاس ويسڪوٽ جيا موئين ايشور رئي مرضي ڏيڪاريا وارا پويتر پڪا سٺه او مون ڪن لي آو!“ تنهن ابياتر دائود ڪن ايشور رئي مرضي زوٽيا هارو مڪ پوزاري رو ڪاس ويسڪوٽ لايو، جيا موئين پويتر پڪا راکل هئا. ⁸ ان دائود ڀرميشور نٽه پونسيو: ”جيڪڏي هون حملو ڪريا وازون لار ٿيون تون ڪي هون اوئون هوڏي پوڳي زائيه؟“ ڀرميشور اوٽا نٽه پويتر پڪون ٿي وڙندڙي ڏيڏي: ”هوئ، تون اوئون وونهڙ نٽه ڪم تو تون ضرور اوئون هوڏي پوڳي زائيه ان ٻڌون نٽه سڏاوين لي آويه.“

⁹ تنهن دائود ان او سو هو منڪ جيا اوٽا پيرا هئا رونا ٿيا. زئون اي بسور نڌي مانه پوڳيا تون ڪئينڪ منڪ اوٽه ري ڳيا ¹⁰ ڪم تو او اٽا ٿاڪي ڳيا تا جي بسور نڌي پار نه ڪري هڪيا. هيوت نمونٽه بي هو منڪ اوٽه ري ڳيا، پڻ دائود ان پاڻي چار هو منڪ اوئون ڏشمٽون وونهڙ وونهڙ ڳيا. ¹¹ پنڌ ڪرتون ڪرتون اوئون نٽه ميدون ۾ هيڪ مصري زڙيو ان او اوٽا نٽه دائود ڪن لي آوين اوٽا نٽه روتڻي ڪوراوئي ان پوٽي پيئاريو. ¹² اوئي انجير رئي هيڪ ٽڪي ان بي پونهلي ڪشمش اوٽا نٽه ڏيڏي. زئون او ڪاٽي ريو تنهن اوٽا نٽه ڪئينڪ هاڻ آيو ڪم تو اوٽه ترڻ ڏي ان ترڻ راتون نڪو روتڻي ڪاڏي تي نڪو پوٽي پيڏو تو. ¹³ تنهن دائود پونسيو: ”تون ڪيا رو منڪ سٺه؟ ان تون ڪيٽه رو سٺه؟“ اوٽه ڪيڏو: ”هون مصري سون ان هڪا عماليقي قوم وارا رو ڳلوم سون. ان مارو مالڪ مون نٽه ترڻ ڏي پيرهيڻ ساڌين ڳيو پرو ڪم تو هون پيمار ٿي ڳيو تو. ¹⁴ امي ڪريتي

قُوم را رڼ وگڙا پر ان يهوداه را علاقا پر ان كالب را رڼ وگڙا پر لوت مار كرځي ان صقلاج شهر ننه بارڼو پرو.

15 داؤد اوتا ننه كښودو: "كي تون مون ننه اوئون لوت مار كړيا واړون هوډي لي هاليه؟"

اوته كښودو: "تمي مون ټي ايشور رو هون كائو جي، نكو تمي مون ننه مارو ان نكو مون ننه مارا مالک رته حوالته كرو، تون پسنه هون تمون ننه اوئون لوت مار كړيا واړون هوډي لي هاليه."

16 پسنه مصري داؤد ننه اوته لي گڼو ان اوته او لوت مار كړيا واړا اوتا ټدا علاقا پر پكڙل هتا. او كاتا پيتا تا ان كشي مناوتا تا كم تو اوئون كن الاهي لوت رو شيمون هتو جيو اوئي فلسطين را ملك ان يهوداه را ملك ټي لوتيو تو. 17 داؤد رات را پيرهيان پوهر ټي لين پيزنه ډي هونز هوډي اوئون ننه مارتو ريو. روگا چار هو جوو آډمي پچي گيا جيا اونون مانه سترن پاگي گيا تا. لوتيا واړون موئين ټي پاقي هيک پڼ نه پچيو. 18 داؤد او ټدوي كئين سډاوي ليدو جيو عماليقي قوم واړا لوتين لي گيا تا ان اپري بيئون ډوشيون ننه پڼ سډاوي. 19 اوئون رو كوئي منک كا شينه نه گموځي، نكو نكئي نكو موځي، نكو سوکرا نكو سوکري ان نكو اوئون رو شيمون جيو او لوتين لي گيا تا. داؤد ټدون كئين پاسو لين آيو. 20 تيا وډارته داؤد اوئون لوتيا واړون ري ټدي ريډون باکري ان گايون ټرډ ليدا را ان اوتا را منک اوتا مال ننه اي كيتا مور مور هاكلي آيا: "اي داؤد رځي لوت سته."

21 پاسو گهري زاتو داؤد اوئون بي هو آډميون كن آيو جيا اتا ټاكي گيا تا جي اوتا لار لار زائي نه هکيا ان جيا ننه او بسور نډي مانه ساډين گيا تا. تعيون او منک داؤد ان اوئون منکون ننه مزوا نيهريا جيا اوتا پيزا هتا. زئين داؤد اوئون منکون كن پوگيو تون

اُوته اُوئون ٿي ڪير ڪيريت لِيڏي. ²² پڻ دائود پيرا زايا وازون منڪون موئين ٿي پيڪار ان پُونڌي منڪي ڪيڏو: ”اي آيون پيرا نٿا هاليا تيام آبي اِيئون نٿه اُوئا مال موئين ٿي ڪوئي حصو نئين ڏيئون جيو آبي سڏايو. آبي رُوڳو اُوئون نٿه اُوئون ري ڏوشي ان ٻار ڏيشون زم اُو اُوئون نٿه لين زائ پرا.“

²³ تئين دائود ڪيڏو: ”او مارون پايون، تم اِيئا مال نٿه جيو پرميشور آيون نٿه ڏيڏو ه هم نٿي ڪري هيڪتا ڪم تو اُوته آيون نٿه پچايا ه ان اُوئون لوت مار ڪريا وازون توڙون نٿه آڻا هات ۾ ڪريا جيئي آيون مان ه حملو ڪريو تو. ²⁴ تمارئي ايوئي وات ڪوڻ مونشي؟ ڪم تو زتو حصو جنگ ۾ زايا وازون رو تئھ اتوئي حصو شيمون ڪن ربا وازون رو هوشي. ٻڌون نٿه پراير حصو زڙشي.“ ²⁵ ان اُوئا ڏي ٿي اُوته اسرائيليون هارو هاڳي اصول ان قانون نايا جيا آڙ هوڏي سئھ.

²⁶ زئين دائود آڀرا شهر صقلاج ۾ پاسو آيو تئين اُوته يهوداه علاقا رون موتون ڪن جيا اُوئا را دوست هتا لوت را شيمون موئين ٿي ڪئينڪ ڏي ميلو ان ڪيڏو: ”زوئو، پرميشور رون ڏشمئون را شيمون موئين ٿي اي تمون هارو پيٽا سئھ.“ ²⁷ اُوته اي پيٽا اُوئون آڳيونون ڪن ميلئي جيا اِيئون شهرون ۾ ريتا، بيت ايل، رامات نجب، يتير، ²⁸ عروعر، سفموت، استموع، ²⁹ ركل، يرحميئي قوم را شهر، قيني قوم را شهر، ³⁰ حرمه، بورعاسان، عتاك ³¹ ان اُوئون ڪن جيا حبرون شهر ۾ هتا ان اُوئون ٻڌون علاقون ۾ جيئنه جيئنه دائود ان اُوئا را منڪ زاتا.

سائول ان اُوئا را ڏيڪرا مرئي زائھ

31 فلسيتي اسرائيل ٿي جنگ ڪري ان اسرائيلي فلسيتيون هوما ٿي پاڳيا ان جلبوع ڏونگر مان ه گهڻا مرئي ڳيا. ² فلسيتي سائول ان اُوئا رون ڏيڪرون لار ٿيا ان اُوئي سائول رون ڏيڪرون موئين ٿي ترڻ زئون نٿه مطلب يوناتن، اينداب ان ملڪيشوع

ننه ماري نوکيا. ³ جنگ ٿيئون سائول الاهي مصيبت ۾ پڙي ڳيو ان هر هٿيا واڙا ايئن ننه پاڙي ڳيا ان اُوئي ايئن ننه گهڻو گهائيل ڪريو پرو. ⁴ ٽيئون سائول آڀرا هٿيار اُڀاڙيا واڙا ننه ڪيڏو: ”آڀري تروٿار ٿي مون ننه ماري نوک! ام نه ٿئنه جي اي فلسٽي جيون رئي توهر پڻ نٿي ٿيل اُو آوين مون ننه ماري نوکئنه ان مارئي پيغزتي ڪرئ.“ پڻ اُوئا را هٿيار اُڀاڙيا واڙئنه ام نه ڪريو ڪم تو اُو الاهي پيٿاتوت ريو. تيام سائول آڀرئي تروٿار ليڏئي ان اُوئا مانه پڙيو. ⁵ زئيون اُوئا را هٿيار اُڀاڙيا واڙئنه پاڙيو جي سائول مري ڳيو ٽيئون اُو آڀرئي تروٿار مانه پڙيو ان اُوئا پيڙو مري ڳيو. ⁶ ام سائول ان اُوئا را ترڻ ئي ڏيڪرا ان اُوئا را هٿيار اُڀاڙيا واڙو ان اُوئا را ٻڌائي منڪ پڻ اُوئنه ڏي مرئي ڳيا. ⁷ زئيون اُوئي اسرائيلي آدميي جيا زهوڙ رئه پيڙئنه پاهئنه ان يردن ڏريا رئه پيڙئنه ڪپ هئا اي پاڙيو جي اسرائيلي قوج را منڪ پاڳي ڳياھ ان سائول ان اُوئا را ڏيڪرا مري ڳياھ ٽيئون اُو پڻ شهرون ننه ساڏين پاڳي ڳيا. ان فلسٽي اُوئنه آوين اوئون شهرون ۾ ربوا مڌيا.

⁸ پيڙئنه ڏي زئيون فلسٽي مرلون را لوگهڙا اوتاروا آيا ٽيئون اُوئي سائول ان اُوئا رون ترٿيون ڏيڪرون ننه جلبوعه ڏونگر مانه مرل پاڙيا. ⁹ ٽيئون فلسٽي سائول رو ماڻو واڍي ليڏو ان اُوئا را جنگي وستر اوتاري ليڏا ان آڀرا ٻڌا ملڪ ۾ منڪ رونا ڪريا زم آڀرون ڏيو ڏيو ڏيوٿونون رون منڊرون ۾ ان آڀرون منڪون ۾ اي ڪشي رئي ڪهر پوگاڙئنه. ¹⁰ ان اُوئي سائول را جنگي وستر عستارات ڏيوئي را منڊر ۾ راڪيا ان سائول را لاش ننه بيت شان شهر ري پينت مانه ٽينگيو پرو.

¹¹ زئيون جلعاد علاقا را شهر ييس ري ربا واڙي اُو ٻڌوئي هومپريو جي فلسٽي سائول ٿي ڪي ڪريو، ¹² ٽيئون اُوٿ را ٻڌائي پهاڌر رونا ٿيا ان رات ٿو رات زائين سائول ان اُوئا رون ڏيڪرون را لاش بيت شان ري پينت ٿي اوتارين لي آيا ان پاسا آڀرا شهر ييس

۾ پڻ ڳڻڻ اُوتڻ نٿو ريت ڀرڻ ٻاريا ڀرڻ¹³ ان اُوتڻ ري هاڻڪي پيڙي ڪرين ڀيڻ
شهر ڪن لوا را وڻ ڀيڻ ڌڻ ڪري ان هاڻ ڏيئون هُڏي ورت راڪيو.